

聖人言行

行可爲表

言可爲坊

西曆十二月

NAZARETH 1908 SECONDE ÉDITION.

此書初述於西曆一千八百九十五年
茲西曆一千九百零七年復述

香 港 主 教 師 准

香港納匝肋辭院活版

聖人言行新編 西曆十二月聖人名目錄

一日	聖額理日約	主教	一張	
二日	聖佛納戀	聖女卑彼亞納等	致命	七張
	聖西郎	院長	八張	
三日	聖方濟各	沙勿畧	顯修	十一張
四日	聖伯多祿	金語者	主教聖師	二十五張
	聖女巴爾拔辣	童貞致命	二十六張	
五日	聖撒巴斯	院長	三十張	
六日	聖尼各老	主教	三十七張	
七日	聖盎博羅削	主教聖師	四十一張	

八日

聖母無原罪之始胎

五十三張

九日

聖甘約雅聖法隆二位主教聖女法納童貞

六十張

十日

天神奉主命遷聖母居屋瞻禮

六十六張

歐辣利亞 留加弟亞 二聖女童貞致命

六十八張

十一日

聖達瑪瑣 教宗

七十二張

聖達尼爾 羅斯弟利德 獨修

七十四張

十二日

聖女亞伯納 童貞

七十七張

十三日

聖女路濟亞 童貞致命

八十二張

聖女和弟肋 童貞

八十三張

十四日

聖斯比理弟翁 主教

八十八張

十五日 聖女基斯弟亞納 童貞

挂達路白聖母

九十三張
九十五張

十六日 聖婦亞德納意 國后

九十八張

十七日 聖亞冬 主教

一百〇三張

真福瑪利亞號自天神 童貞

一百〇四張

十八日 聖愛西盎 主教

一百〇九張

聖斐辣味 隱修

一百一十張

十九日 真福魚爾把祿 教宗

一百十四張

二十日 真福伯多祿 家尼西 顯修

一百十八張

廿一日 聖多默 宗徒

一百二十四張

眞福公納多 顯修

一百二十四張

廿二日 聖女達爾西納 耶彌理亞繼 姐妹童貞

一百二十七張

聖色爾福 病窮中修德

一百二十八張

廿三日 聖依縛 主教

一百三十一張

聖女未多理亞 亞納多理亞 童貞致命

一百三十三張

廿四日 聖額我畧 鐸德致命

一百三十五張

聖女依爾明 童貞 聖婦亞德肋 守節

一百三十七張

廿五日 耶穌聖誕

一百四十張

廿六日 聖斯德望 首先致命

一百四十九張

廿七日 聖若望 宗徒

一百五十四張

廿八日 爲主致命諸聖嬰孩

一百六十七張

廿九日 聖耶布爾福 隱修

一百七十二張

三十日 聖女葛隆巴 童貞致命

一百七十七張

卅一日 聖西爾物斯德肋 教宗

一百八十二張

十二月每日切想目錄

一日 聖額理日約乃光榮天主之巧匠

五張

二日 略義如饑渴者福

九張

三日 聖方濟各沙勿畧神能奇聖德愈奇

二十三張

四日	考查天地即知萬物有主宰	二十九張
五日	天主之肖像當敬於己	三十五張
六日	考查各教即知誰教欽崇真主宰	三十九張
七日	聖盎博羅削爲天主賢智忠信之僕	五十一張
八日	聖母無原罪始胎	五十三張
九日	弟兄姐妹相親相愛之正規	六十四張
十日	羅赫多聖母之房屋	六十九張
十一日	首論聖母瑪利亞	七十五張
十二日	童貞之榮	八十張
十三日	聖女和弟肋爲盲瞽之目跛癘之足	八十六張

十四日	人之變化向善乃天主聖恩所爲	九十一張
十五日	聖女基斯弟亞納得顯聖蹟之緣由	九十六張
十六日	二論聖母瑪利亞	一百〇一張
十七日	詳記耶穌殮布 順提人之身死	一百〇六張
十八日	傳教士有勤工之責無成功之令	一百十二張
十九日	三論聖母瑪利亞	一百十六張
二十日	畧記耶穌裂教之根由	一百二十張
廿一日	四論聖母瑪利亞	一百二十五張
廿二日	心田	一百二十九張
廿三日	五論聖母瑪利亞	一百三十四張

廿四日 六論聖母瑪利亞

一百三十八張

廿五日 首論耶穌聖誕

一百四十四張

廿六日 續論耶穌聖誕

一百五十二張

廿七日 聖母瑪利亞衆信輩之母

一百六十四張

廿八日 二續論耶穌聖誕

一百七十張

廿九日 三續論耶穌聖誕

一百七十六張

三十日 四續論耶穌聖誕

一百八十張

卅一日 爾乃石於此石上我將來建我教會冥府之

門不能勝之

一百八十六張

一日 聖額理日約 主教

額理日約乃法國人民。生於西曆五百八十八。華陳後主五年。在里莫日之地。父母家教甚善。過十餘年。見孩兒聰慧。手巧異常。乃托之於某銀匠學師。師傅功德不凡。視衆徒若子。竭力訓之。以文字手藝。額理日約在此大進。年紀二十餘。文才可取。手藝至精。離鄉進巴黎城。在銀園局作工。彼值通國高手。銀匠萃集於此。額理日約正逢其時。位得其所。一兩年名傳四方。帝聞之。欲觀其所長。遂召入朝。命造黃金寶座如此如此。並付與金料珠玉若干。約期完工呈進。屆期。額理日約進呈寶椅兩座。高大堅麗。無不恰合。帝所出之式。且金碧交輝。奇工遠出其望。帝問曰。朕命造一座。茲何進呈二椅。額理日約奏道。陛下發出之黃金珠玉。允足二座質料。末匠不敢不用盡。帝告衆臣曰。

如是之人可托以國之寶。由此額理日約蒙帝寵幸日加。未幾國中園法總司大員病故缺出。帝舉額理日約繼任。接印之日。新官入朝謝恩。帝命之照例置手聖體上發誓。誓忠信滿額理日約不伸手不誓。惟立於帝前默然垂淚。帝大異問故。額理日約奏曰。臣心下兩難。是故垂淚。帝曰。卿心何難。額理日約奏曰。臣自小欽崇天主。效從聖人。不敢賭咒發誓。一面恐不奉命而獲罪陛下。帝撫慰之曰。卿不須心愁。此後只須卿出言。朕必信服無疑。

西曆六百二十八年。帝崩。駕太子繼位。時額理日約年紀四十。才德傳聞通國。在帝前愈蒙寵信。奉任至細。諫上至直。謀事至智。時在朝廷與帝同語。時在府中。錘鑿巧工無匹。目前聖經常是卷展書開。半點一刻。額理日約停手披讀數句。然後復再鑿磨。心下且賞聖道之味。且隨物宜善。使金銀嵌鑲珠玉。

某大官之子名俄德祿年畧二十從之學師大進於才德後服官晉職宰相未入神品陞鑾牧善生福終名列於聖人之冊八月當鑾牧時著書紀老師之言行讚頌其德不止

據此書可知額理日約雖在富貴之中而心貧如出家之隱士齋戒尅苦勝伏驕傲邪樂自幼不曾娶妻舉動貞潔如八歲之孩所有之財不戀不積惟喜悅行善功濟人不時有遠客來京欲見面問道每問園法總司大人府第何處民卽對曰在某街見窮人進出多之門首便是彼時出陣兵將有擄人回國之風額理日約聞知京城內外有如此之虜卽出銀贖之銀錢不足或賣衣服袍帶家俱等件所贖衆虜之中誰願回本地卽發盤費而放之去或願入隱院修道卽請院長等收納而送之入院或無家可歸無親可投亦無隱

修之志者，卽留在局中作工，或助他在外種田學藝。帝愛總園司聖人之大德，常亦多贈金銀助善。朝中大員效學國君，亦樂捐銀欸交額理日約代行散濟。聖人每日使僕迎賓客十二人入府，客至，慷慨出迎，僕人隨進水盆，園司大人在衆客前屈身親濯其足。效主耶穌洗宗徒們之腳然後引十二人入飯廳坐席，親手供遞飲食。迨至席終客散，主人方自用麥餅素菜清水薄餐而退。且恨不能時刻讚頌天主如意，特造隱院數座，贈施銀欸足院士若干人，托之代行欽崇之禮不斷。

額理日約雖習善功如是，却時常畏懼審判，恐難逃永刑。是以夜中萬物安靜，惟園司獨寤在臥房，跪於聖榻前祈禱求罪赦。一夜虔求如常，忽聞異聲安慰曰：額理日約，汝禱已蒙垂允，汝罪赦也。並覺美香滿室。此後聖人不時得

顯聖蹟如醫病熄火等奇。帝之寵愛不容與之或離。是以所到各地常令額理日約奉陪。帝甚愛前代衆聖人。時常自托於其轉達。凡見聖堂存聖髑之櫃。工質太近簡樸。卽出金銀珠玉。命額理日約造新櫃。聖人欣然奉令。巧藝日新。各件成工大悅人目。其中大小不一。大者五六尺。可容一人之身。官員等見帝寵幸。園司如是。其中自然有懷嫉妒者。不時在帝前讒言欲害。額理日約置若不知。心下不但不仇其讐。而且以愛報恨。善禱托之於天主聖愛。善言薦之於君重用。可謂耶穌之眞門弟。奉從聖師之訓曰。學我良善。心謙。瑪竇十一章二十九節彼時俄德祿當國相。師徒心同意合。忠君愛國。敬士惜民。一秉至公。純正無私。富貴超邁衆臣。而德功勝其富貴。謙遜貞潔嚴尅。制慾諸端。於人目中榮輝大顯。某年裂教人由東方入法。傳邪道。國相上奏。請集衆鑒。牧察邪顧正教。帝准

行。衆鑒牧聚集。國相與園法司在場。事議畢。衆鑒牧通訓全國士庶。以保正禁邪之法。帝將裂教人充出國境而事平息。

西曆六百三十八帝崩駕。太子繼位。額理日約與俄德祿皆欲卸任棄世務。獨事天主。新帝留之兩年。然後推陞俄德祿爲和望鑒牧。額理日約爲諸勇主教。二聖同日行聖禮。同日上任。時法國北方猶有人信菩薩。迷於異端。聖人每年遊各方傳正道。據俄德祿之傳紀。額理日約時在城內。時在鄉下。聚異教人民辯各道之正邪。不時見衆人無理辱罵。欲動粗。聖人不答亦不避。惟跪地捧手。舉目向上祈禱。天主光照民心。衆人目擊徐漸心馴。聽訓。聖人喜容慈顏。廢寢忘餐。教之不倦。究竟蒙主施恩。回頭者日衆。每年復活瞻禮。領洗之男女老幼甚多。聖人訓民之法。和望主教亦紀之曰。額理日約常勸新

教友以平常之道曰。汝等不可敬天地星辰等物。惟須敬肇造萬物之大主。天雖高地雖大。日月星辰雖美。却造天地日月之主愈大愈美無匹。行事亦不可擇日。時日乃天主所造。而絕無吉凶之變。亦不可於每月朔日停工。天主造月分時。光照黑暗。其月或初或圓。均奉上主之令。不能今日益民明日禍之。亦不可信命運。命好命厄盡屬虛言。衆人命一。惟須認識天主善生福終以得常生。每主日。汝等須進聖堂。在聖堂不可空談妄言。不可議事爭論。惟當取歛心思敬聽聖訓。學善生之路。汝等得信輩之名不足。還須言行效學諸善人。方可謂有信輩之實。爲信輩不偷不搶。不說謊。不妄証。不行邪淫。不恨人。不以惡報惡。信輩不行異端。不算命。惟全心靠望救世主。信輩濟貧迎旅。如濟如迎。基利斯督。每年取穫必出幾何分獻於天主。行哀信輩克慾

事主。而竭力助親朋守規誡。云云。聖人以此道做訓新教友。隨見之微進於聖學。隨即循順施教。由淺入深。

主教神父勸教友。雖能化人。却善言不如善行。可導人習德。額理日約功全。愛德涵包衆民。而無時不顯。克己至嚴。而待人至寬。爲衆稱曰父。而果懷父情視衆。但雖謙遜善良至極。亦可隨時顯露威毅剛勇。某人藉國相之權謀佔聖教之地。聖人阻之不聽。一日帶工人來種。主教勸曰。誠若此地屬我私業。我必甘心讓汝。但此乃聖教之業。我不能變賣濟送。汝若欲強佔。本鑒牧必用神權罰汝。那人自恃有國相護庇。絕不懼主教之言。竟帶工人前行。主教舒手向之聲誦棄絕詞語。未訖。那人昏絕於地。無動無氣。俄德祿書記此事。批曰。衆求聖人轉達主前。祈赦釋那廝甦醒認罪。不知聖人允諾否。且此人

之生死如何。予亦未能察考。又一回。某處教友於新年歲節。設筵較場。男女歌舞不端。聖人來場勸戒。並訓以熱切信輩之善表美俗。衆人爲鬼所激。但不聽主教之言。而且醉酣將聖人圍住辱罵不絕口。主教只得合手祈主。訓此無理之徒。使之知罪變化。忽見爲首數人被魔所憑。嘶吼倒地。虫蟻大痛。衆見駭然。逃奔各藏家內。隨後闔堂教友心服悔罪。主教知悉。親臨集衆。負魔者。誦經除魔而救之。某神父言行壞善表。鑒牧罰之革職。不准獻聖祭。神父不遵。次日着祭衣將做彌撒。恰上臺祭。翻身落地疾死。聖人所顯醫病除魔預知後事等諸聖蹟甚多。所造之靜院大小數座。所撫養之窮苦不可數記。所救拔之靈魂更難屈算。工藝奇妙。衆人稱美。德功愈妙。天主悅樂。年紀七十身弱。得上主默啓。不日長逝。預備後傳衆門弟家人勸勵。事主愛人。

竟仆伏於地。禱曰：哀求爾聖會總牧者，賜善牧於此民，並默佑之引導信輩，行聖德之正路。隨又辭別神父門弟等。未竟禱曰：主遵前言，今可遣僕安逝。又曰：主，勿嚴判爾僕，說畢氣絕而終。

時西曆六百五十九年十二月朔日。華唐高宗九年。

帝帶文武大臣駕臨，諸勇城主喪。聖人之名恒存於國，民衆世世不忘。

切想

聖經云：主榮之於其務。智書十章十節 人事有三務：手務、心務、聖務。今日之聖額理日，約善於三務，立大功，可爲後世之矜式。孩時在家效從父母，信望愛敬天主，而以信望愛德爲終身之基址。少年讀書習手藝，皆用心，但謹遵家教，恒先品德而後學問。二十餘歲，文才可稱，銀藝愈奇，手巧心善。追思天主聖子降

生成人三十年工作之謙遜。故常置聖經書於工案。閒時舉目披讀其數句而默思。致身工於鑲嵌琢磨。而神安於上主聖言。帝委造寶座。寬綽付給黃金珠玉。額理日約可藉故稱金質不純。見火失秤而私取若干。但聖人貴德不尚財。故盡用所出之料質。而依式造椅兩座。帝悅於額理日約之高藝。清廉。舉陞爲園法總司。此乃天主樂視聖人之德。而榮之於其手務。

額理日約位居顯職。衣帽有異。而心恆一。自管通國園法之事。而同相臣兼理國政。心務自然。煩累。但聖人供職循序有次。能仕國無佞。能事主無怠。亦能手作如昔。仕國至忠。事主至虔。手作至靈。蒙主恩賜得享富貴。而以富貴榮主益人。造聖堂修院之外。時常救拔小民。撫養辛苦。每日迎窮旅入府。且念福音之言曰。汝乃我父所寵。來得天國。因子饑。汝食子。旅。汝納子。云云。視旅

若主耶穌而致敬。迎旅席坐如主。自敬立供食若僕。又知聖道爲靈命之神食而盡心防護以保之。見裂教人遠來傳邪。竭力助衆鑿牧以拒之。如是心無甯日。惟朝夕尋機以顯愛主愛人忠君効國之情。致夜深臥床可藉聖經之語云。子身眠而心寤。天主愛聖人之異善而榮之於其工。善名四佈。君民敬服。未竟賞之由官職至鑿牧位。

此乃聖人特專聖務之時。仍又更換衣帽。辭世俗諸事。誠心役供新職。在本地以聖經養信輩之靈。越境出外於異教人中傳道改風移俗。奇哉聖人之慈悲。不以國君之寵。不以輝名之勢而慢人。惟以謙遜禮義以服民心。昔使金銀珠玉造妙櫃以藏聖人聖體。今以聖學訓信輩習大德。而備善靈成天主聖殿。時天主賞之以神能。除魔療病疾。功全矣。受永賞之日至矣。妙匠手務

心務聖務而辛苦多年。寧息之時到矣。富哉額理日約。今居天上國。以伊在世所受之富比之。可曰螢虫之比日焉。

省察 我或勞力或勞心之信輩。效從額理日約行事麼。先靈魂後肉身麼。

勤作我工。虔充我職。而總不背違天主聖令麼。 工中事裡默想天主聖訓以

正我意以安我心麼。

定志 自今以後。我以聖額理日約爲師而由之學。作工理事不離天主聖言。

惟時時事竭力正我意念。願榮主益人救己。望天主鑒我微績而富我在天。

二日 聖佛納戀 聖女卑彼亞納等 致命

七

西曆三百六十二華晉哀帝年間。羅瑪京都有名人佛納戀。昔日當本城總督。忠君愛民。兼之欽崇天主。家教甚善。夫人名達福誥。酒同心操善。生育兩女。

一名卑彼亞納。一名德默德理亞。不知有子否是年如連帝號為昔主者旨諭各省督

撫。令復興菩薩。阻革民家奉天主教。宣旨後各方異教人放肆害信輩。佛納

戀在羅瑪城中頗得民心。時常遊城鄉。願信輩。勸之恒守。勿懼辛苦。或教友

受刑投監。佛納戀來顧。盡心撫慰。地方官知悉。放差捉拿到案。令背教。聖人

恒志不從。官命用烙鉄烙佛納戀額頭。以奴隸之羞號。彼時羅瑪人視奴如獸此乃最

重之辱。聖人甘受無怨言。究竟充出羅瑪。辛苦至是年十月二十日而福終。

時夫人達福誥酒同二女亦被拿。制軍將三人鎖禁在本府內。令斷飲食。至次

年正月四日遣一將帶兵入府將夫人押送出城斬訖。然後送姐妹投監獄。仍然斷飲食。二聖女在此良久不用飲食而蒙主撫養。身體尤強。制軍稱有邪法。遂復提上堂逼之背教。若從復享家業之外必受帝榮恩旌獎。德默德理亞應道世間之富貴我姐妹視之如糞土。惟願千死而榮天主。說畢氣絕落地而亡。

卑彼亞納雖獨存。却爲主恩所壯而不稍敗志。制軍托之於異教某惡婦。令其誘之棄天主祭國神。惡婦初則欸待聖女。甜言勸諫順制軍之令。繼則口罵手打。朝夕不准幼女安靜。究竟見聖女心穩若泰山。乃送之制軍衙門來。制軍命網聖女於椿而鞭之至死。刑役依令。聖女誦經不絕口。竟身爛血流滿地。自托於天主而善終升天。制軍令投其聖尸於城外荒地。只望禽獸食之。

但蒙天神驅逐，獸不能近聖尸。過二日某神父乘兵差不防，暗地取之埋。在母親姐姐之側。是年改佛納懋府第爲聖堂，遷三聖女之尸在內復埋。聖堂蒙列位教宗補修數次，迄今猶存。

聖西郎 院長

西郎與昨日聖額理日約同世。乃法國白里省富家之子。十餘歲奉命入朝侍帝。一面讀書操德。時常看聖人言行而竭力學其善。朝服之下穿苦衣不脫。過數年惟願棄世務修道。時母親過世。父親不再娶。入神品推陞都城主教。西郎求准其善舉。父親允諾。即退昔前所議之親事。奏帝請准子離朝回

家帝亦准行。西郎來都赫城剪髮入神品。越數年陞神父。助父親理聖教事。謙遜仁愛之名遠傳。父親卸世後。西郎將家資變賣散濟窮民。自身貧辛苦立功。某年南面向羅瑪步行。沿路見鄉人取糶勞力。即記天主教定亞當及其子孫艱難尋食之法。而欲奉主命。遂白日助鄉人下力。日西取工歸屋薄食。後聚衆人誦經聽聖道。信輩無不稱頌其德。棄惡向善者無數。由羅瑪回法。在白里省林中造一小篷獨居隱修。有許多教友來從。過數年滿林見草篷。各篷中有一隱士。手工心默善度時光。立表訓世人避惡。隨後某富家捐銀造聖堂隱院。完工後。聖人聚衆門弟於此。奉本篤會規矩事主。復過數載。其院不敷門弟之多。聖人再造一座。帝施田土若干。以後二院大典。出聖人許多。聖人掌院事主七十餘歲。不時顯聖蹟。堅固衆士之心。末竟染病。領聖事。

而逝。

時西曆六百五十七華唐高宗八年。

切想

福音云。嗜義如饑渴者福。因將飽飲也。瑪竇五章六節人以靈魂身軀而成。不得不覺

身靈之欲情。身軀五臟猶火機車一座。機車須有炭火熱水變汽推輪。方可動行。炭缺火滅汽盡而機停。

人身需食以生血。血變筋結骨肉之質。而身能活。用食不足。體即軟弱。飲食缺。五臟六腑不行而身亡。火機車上常見有表。指汽之多寡。汽多須退火。汽少必添炭。人身亦有若表之機。節量飲食之足或欠。饑渴是也。腹饑口渴。即食或飲。饜飲即罷食。渴止即罷飲。身強者必饑。人力愈強。其腹愈饑。而用食愈

見有味。胃弱者有病。胃氣絕者病危。

人靈亦有所行。思想愛欲志意而主宰身體。皆其行也。行必用力。用力必須食以補其所失。其食由何取。曰。靈魂之食由天主。即道即義也。以義爲食者能主其三司而宰轄其身體。弗食者無力無剛。不能阻止三司反叛形身橫行。聖經常稱聖人們爲義人。因朝夕以義爲神食而成善義主耶穌訓門弟云。我有食。爾未之知耳。遣我者聖父有旨。奉行之而畢其工。即是我糧。若望四章三十

四此真義也。且世人愈善而愈嗜此義。故曰。嗜義如饑渴者。福不嗜義者。其人神病矣。且身抱病。不但不思正食。且素貪怪味。從者必加病增患。病靈亦然。不獨不嗜義。反又惡義而以驕傲貪財邪樂嫉妬等僻爲糧。其糧至毒而殺靈。善者嗜義而以義所涵之德爲食。謙遜輕財貞潔仁愛等美情。乃強靈

之糧。是故愈用愈壯。致成當世之大聖。

拂納戀夫妻。嗜義之善靈也。薄視世間之富貴身樂。惟仰天主聖旨承行。其國
臨格。以此善情訓誨二女兒。且二女不辱父母之教。自孩年效從雙親嗜義
如饑渴。異教官不知天主。不習欽崇造物主之義。是以奉惡帝旨令。欲敗四
人之德。不能勝之以理。即迫之以刑。家主先與制軍交戰。制軍掌帝之威權
拂納戀懷聖愛之誠心。制軍權充拂納戀。拂納戀義敗制軍。拂納戀身死脫
制軍之刑。制軍爲拂納戀戰。敗獨不能逃天主教怒。拂納戀爲義致命得永
賞。制軍恃強殺人。應受永罰。家主致命後。制軍囚母親與兩女於府內。令斷
飲食。三人神樂。以心內嗜義之切。而輕視身體之饑。惟願從義身亡。救靈魂
不肯背義救身而失永貴。母親致命刀下。德默德理亞証主絕氣而亡。皆殉

身於主而義氣勝強。卑彼亞納獨存。世人見其勢孤。惟期誘之背善從惡。殊不知聖女失了雙親骨肉。猶有天上父。天主見幼女無靠於世。即加恩與伊。嗜義愈切。恨惡愈憤。終以貞潔純良。勝無廉恥之潑婦。以堅志忍苦。敗無仁之制軍。致命鞭下。去見衆親在天國。同享榮福。聖經之言真也。嗜義如饑渴者。福。

省察 身不欲食。用食無味。即知身病。其病久延。性命大危。靈魂不嗜義。心下厭善。其人之靈有病。久之靈危。我知之麼。嗜義必不怕難。見難而以嗜義之切。順上主恩而勝難。雖辛苦致命不論。我知之麼。

定志 自今以後。我以嗜義爲我心之原。爲我禱之終。時常以嗜義與否。自考自察。爲男子者。以弱女之高志。自愧無義氣。事主尋天國。

三日 聖方濟各 沙勿畧 顯修

方濟各乃西班牙納法赫省名家之子。生於西曆一千五百零六年。華明武宗元年。弟兄姊妹數人皆從父母習善。方濟各爲最幼。小時在家讀書甚稱敏捷。舉動端正。十八歲生得身高中等。體秀力強。氣昂心大。不從衆兄操武習將。但願攻文肄學業。父遣之入法京。方濟各在此發憤讀格物等學。高才大顯。過兩年父親欲招之回鄉。以此事商議長女。說家不甚富。幼兒在外費用大。不如調他回來仕國等語。女年畧三十。維時在隱院爲長。美德盛傳。有預知後事之名。是日聞父親之言。即誦經求默示。然後對曰。父親此意不可輕行。幼弟乃天主所選之玉器。將來傳道於異教之地。必榮主益聖會。雖多的用銀以備此事亦不可惜。父親允諾。

且說方濟各操學卒業。即在法京公塾教格物。其心日大。以名聞於京城。爲尙
不足。猶願普地之人皆知。趨慕敬憶。故日夜攻讀。時聖依納爵七月三日來京。
其年長方濟各十五歲。雖係富家之子。却爲主輕薄世榮。素衣薄食。度日。惟
專事主傳道。時常勸書生行善避惡。切願邀集幼士數人。合力救人靈。早聞
方濟各之名。即設法誘之。棄俗務。專善功。見伊貪慕榮貴過分。不時毅然提
醒曰。人得天下。而失其靈。何裨之有。將以何者贖其靈乎。瑪竇十六章二十六節 方濟
各初不知。依納爵回頭操德之妙情。故不愛其謙卑。聞其訓言。往往心厭而
譏誚應對。依納爵不失友誼。於城內各處稱頌方濟各之才。引書生來從之
爲師。方濟各歡喜感情。微改前行。一面聞得人談。依納爵棄富貴。甘奉貧窮
之事。便視之爲大功德之善士。而耐心忍聽其勸語。某年方濟各囊乏無措。

依納爵助欸。此後二人交厚。惟方濟各志猶未變。仍然以榮華爲契慕之歸。彼時呂得祿初傳邪道。徒中數人由日爾曼來巴黎京。意欲潛地惑人。切望誘方濟各入黨。故與之辯論。巧言說教。宗鑒牧等治信輩之嚴。其令之難奉。不如新教中待人從寬。道概切可行。加以美語稱方濟各才學出衆。不可久陷於俗民妄信之虛誕。惟須從博學之士明辨道之當存當棄而奉新教。方濟各未曾讀公義。兼之年少見識不足。是以幾乎爲裂教人所籠絡。幸依納爵知覺。即來堅固。正論闢說。客之言。將方濟各救護出危。此後方濟各感德。視依納爵若師而從其訓。究竟蒙主恩全化其心。朝夕哭罪。致四日四夜不用飲食。惟祈禱自鞭哀聲。求主寬容。每日教書無取人稱讚之意。惟願引徒愛主行善。私下讀公義考聖經預備後事。年紀二十九同依納爵等六人。在

致命坡聖堂十月內許愿過東方回地助教友存信德救靈魂。此乃耶穌或九日不能遂意，必奉教宗委，而不拘於何處傳教。

此後方濟各日進於善，尅身祈禱靠主，俱效大聖人們之行。復越年餘，同依納爵等離巴黎南面步行。意欲到意國斐義斯碼頭附船過回地。畧行三千里方至。在城內病院，日夜服事病疾，願臨終。初因臭氣而胃翻不自在，但勝情不少顧惜，而竟不覺難。逾數月入神品，續陞鐸德。鄉下獨居一爛屋，守四十日嚴齋，誦經沉默，預備初獻聖祭。隨後仍住病院內如前。每日出外聚小民，訓以聖道。因勞力過分，身染重病，甘心服於主命，而以忍耐神樂訓誨衆人。

一日聖熱羅尼摩九月卅日發現安慰，默示以將來之事數件。病痊後，立功如初。且說依納爵等居斐義斯一年，而無船出海。依納爵遣方濟各同一二夥伴去。

波羅尼亞城。自帶數人入羅瑪請教宗命。方濟各在波羅尼亞數月。雖身病體弱至極。却在城鄉講道聽告解不息。復爲依納爵調赴羅瑪而在此大顯仁愛。彼時依納爵等之名傳於數國。葡王聞風請聖人遣數士航海過東方在葡國屬地傳教。依納爵委二人。其中有方濟各。神父歡喜謝主恩。並告同伴曰。我昔不時夢中自覺若背負一個身高大體最黑之夷人。因其過重。我汗身困乏。幾不能行。此夢不知何解。今日奉命過印度即明其意也。

二位神父到葡國京都。王欵待。並覺方濟各之奇德而示敬。請在朝廷及京城內傳道化人。二位神父奉命。士庶來聽。無不動心。神父每日聽告解不暇。數月如是。末竟教宗陞方濟各爲使。賜以巡查東方各地聖教事務之權。方濟各見旨。辭別國君帶兩位神父上船。西曆一千五百四十一年出海。年紀三

十有六。

船上千餘人。方濟各視之如上主所托之靈。而竭力引之於善。憂者慰。爭者和。疾者顧。神父朝夕無寧。化而自新。或病而福終者甚多。過一年到印度我亞碼頭。乃葡國屬地。彼時西人數千在此貿易。雖屬信輩。却守規誡者少。多則貪財事樂。舉動不似教友。神父目擊心痛。即時設法欲變此世態。在病院內居住。顧病送臨終如常。夜間睡四點鐘。餘時祈禱沉默。每日獻祭後。進監獄看罪犯。訓以聖道。次行到癡瘋人所集之處。無人與之往來而撫慰教訓。然後遊街聚衆。幼兒幼女進經堂分坐聽聖道。午後在各家門口代癡瘋等病人丐食討衣裳。遇機勸人行善。戒之從惡。謙遜善良不可言。容顏慈悲藹和可愛。言語概切。道旨緊要。其聲入耳。善情即生於心。不數月城中局面改變。主日瞻

禮信聲滿堂。每月告解領聖體者多。於是風氣日善。昧心不歸化者隱匿不敢露其醜。

次年神父聞得離我亞二千餘里海邊有一支人民。日專入海摸珠蚌。其人前曾奉教。但舉動與異教無異。神父心欲化之。搭船到此地。先學土語。並操德祈禱。過數月。勉強能言。即遊海濱各村講聖道。仔細訓幼童幼女。有少年數人熱切出衆。時常跟從不離。時方濟各蒙主賜恩。神權始顯聖蹟。見病人即畫聖號於其身上。而病痊癒。因病多地闊。神父不能躬親往各處。素呼跟從之一二少年。付以苦像或聖髑小盒。或念珠。遣之前往病人處。行事如此如此。少年奉命快行。既到。即跪地誦經。然後將方濟各所付之聖物置於病人身上。而病即癒。衆見奇甚。四方無不稱揚天主教之實。神父之善。未竟冷淡。

信輩變熱切。異教中四萬人領洗。次年耶穌會神父二位來助方濟各看教友化人。方濟各乘勢面西往達納方各之地。彼時印度分爲數國。其一名達納方各。在此講道立功顯聖蹟。化人無數。一月內有萬餘人領洗。於是方濟各之名佈傳於印度。衆稱之爲聖父。天主又賞之以異恩日奇。不學而能說各地之言。致口音與土人無異。不但醫病疾而且復活死人。某月盜賊萬餘人成羣搶掠。將到新教友之地。聖人帶信輩數人手執苦像與伊斷路舉聲囑曰。因天主之名令汝賊匪離此地。言未訖。只見賊衆轉頭奔逃四散。達納方各王大喜。召聖人問以阻賊之法。聖人曰。以天主之能。遂將聖道說了一番。王稱其言句句合理。雖未奉教。却旨諭士庶。准屬民認識天主。領洗如其所願。此後歸化者愈多。某城居民心如石硬不聽善道。聖人祈禱後傳言曰。可抬死人來。天主

必復活之。衆集開幕。取昨日所埋亡者之尸身來。聖人畫聖號大聲命曰。因活天主之名。令汝復生。證天主之權。聖教之真。言未訖。亡者立身無恙。衆見即化。又一日聖人步行過某處。路遇喪事。乃某富家之子。染病身亡已數日。父母親朋正在送喪去埋。父母見聖人即令放亡者落地。便跪地抱方濟各雙膝。兩淚祈求顯天主之能。聖人祈禱後畫聖號。以聖水灑亡者之身。然後手挽其手。因天主聖名令之復活。亡者即時如命歡歡喜喜去拜父母。隔數日又復活婦女二人。言傳四方。男女老幼皆心感讚頌主。究竟達納方各通國民人奉教領洗。惟王迷於淫。不至變向。

西曆一千五百四十五。聖人欲航海到南方各洲島。但不知天主聖意如何。特此往默里亞波城。聖多默宗徒致命之地求聖多默轉達上主默啓。聖人在此四月。多

則靜修沉默祈禱。不時在外化人。過四月。明知天主聖意。乃附船出海向東南而行。先到麻六甲。此地居民言行無規。風氣惡極。聖人在此傳道顯聖蹟。醫病。復活一幼女。人見回頭者多。隨後持志無恒。淫病復生。仍涵前惡。聖人預知後事。警醒之以將來之禍患。民衆未聽。聖人上船南行二千餘里。到盎波亞洲。時在此化人。時駕小舟去遊週圍所有之小島。一日同某葡人行船。忽起大風。船危。聖人舒手船外。欲置苦像進水。祈主平浪。不幸苦像爲浪撞脫。離手落水不見。聖人愛此聖物如日夜之伴。故不免心愁。此後海潮漸漸返平。船夫力推。通日得到岸。聖人同那葡人上岸沿海行走約數百步。只見一大螃蟹由海上岸。雙夾捧苦像向聖人趨行。聖人目擊且驚且喜。膝跪合手端候。螃蟹到其身邊。停住企仰呈聖物。聖人恭然接到手。甜言謝螃蟹。

奉上主命之所爲。螃蟹即時轉頭慢步回海自投於水不見。聖人手捧苦像。眼目向上跪半點鐘。福面頌主。一月內遊二洲。居民生性粗鹵。味良不聽善勸。耶穌在福音上訓宗徒云。人不納汝。不聽汝言。離其屋去。其邑拂爾足塵。我實語汝。至審判日。蘇多瑪與哥毛辣之刑較該城猶易也。瑪竇十章十四節方濟各依聖言。拂了足塵上船離此地。在某島誦經感主恩。澤施甘霖救居民於饑荒。而衆人奉教。聖人亦遊歷莫呂格數島。各處引貿易之西人回頭自新。並化本地回教人不少。其中有某諸侯之夫人認識天主領洗。聖名伊撒伯。納修大德終身。兩年內聖人心苦身危。聖德異蹟驚動四方。第三年回麻六甲。遣本會神父去看纔奉教各島之信輩。隨住麻六甲四月。恰值回蠻備戰。船六十餘隻來攻麻六甲。聲稱欲滅天主教於東方。麻六甲總督只有八隻

船。故不敢出海迎敵。聖人去見。勸後許蒙天主異恩助戰。必獲全勝。總督與武將皆信服。水師提督帥戰船八隻。水兵二百餘人。去攻回軍。回蠻萬餘人。不能敵。死者數千。餘衆順風逃避。不敢復來。

且說葡人在日本國碼頭貿易。時常與居民往來。日人安二郎聞得方濟各神父習德顯聖蹟之奇。切欲面見。特意帶二僕人附葡商之船來麻六甲。方濟各歡喜迎接。訓以聖道。隨見三人誠心奉教。送之到我亞學堂精其學。望將來同三人入日本傳教。

是年方濟各在印度各地看昔日所開之新教友。講道付祕蹟之外。祈禱沉默。而身靈安息。時聖人之聲名至大。功德至妙。茲可一目查其習善之法。方濟各以榮主以化衆人爲終日之念。以關係此二件事爲最要。以無干於此。

之務爲虛不足憶。見信輩善行規誡，便喜而竭力助之，恒守加善，以增樂於主。見信菩薩之異教，或從惡之信輩，便痛心設法感化。明知此輩不祈禱不行補贖，自斷主恩，即替他祈禱補贖。祈禱至困乏，則睡片時而復轉達，補贖至長齋罰身，鉄鞭苦體，冷熱不避，爬山涉水，無寸時之息，而獻苦工爲贖人罪，補主公義。又知欲化人，必先專取其愛，是以隨機美言善行，令罪人悅樂。同喜者喜，同憂者憂。大小事上能助人，便慷慨賜佑，致深得民心。各家事順，事逆尋之吐說心腹。所奇者，神父於紛擾煩難中，心常一不二。朝夕專於外務，而萬念歸主。情思歸主，而務外事若全心沉於此事。誦經沉默時，若有人因事來見，即斷經停默應酬。事畢復續前功。心懷聖愛，衷熱若火，而自稱冷淡無情。受主異恩，致做彌撒魂超，容顏發光，身懸不踏地，神權顯妙蹟，而謙

遜自稱無用之物。不堪奉委傳教事主。見聖事不順。即自訟罪大阻上主救人。或爲人憎恨凌辱而倍加助之祈禱。以善還惡。衆人敬服。惟聖人自視若有職分拯救他人而自責功德不足充此任。以此數句。可畧知聖人之內情而微曉其成異功之緣由。

且說逾一年日本人安二郎同兩僕聖道明白。領了洗願回本國。聖人許以同去。衆友盡心留之。說東海無疆。因盜賊狂風船隻大危人命難全等語。聖人應道。東海雖危。却衆商不辭危而赴日本伊等貪財不避辛苦。我望榮主救人。豈可懼危乎。遂不聽衆友之言。而准備動身之計。派神父等各住各方。當在何處傳道。並著數千篇書訓之。以看顧信輩之善法。又投函稟聖依納爵畧謂不日出海過日本事雖大危。却不可推辭。蒙主耶穌默示得知聖道將

大行於此地。究竟帶神父一位日本人三名上船到麻六甲。西曆六月在麻六甲搭中國人之船出大海。八月中旬靠日本鹿兒島。時日本帝位素有虛名。而無政權。地分六十餘小國。各國有侯理事。鹿兒島爲薩摩國之地。安二郎乃此國之人。昔前爲侯寵幸。聖人遣他入郡見侯。安二郎奉命。侯優禮相待。問以印度所見所聞。安二郎叙了一番。竟談及聖教與方濟各神父。並將聖道講明。說聖人所顯之奇事。侯大樂許保護神父等安居其地無慮。方濟各聞知歡喜。隔數日請見侯。侯欸待。准傳道化人。聖人朝夕讀日本語言。蒙主異恩。日進於此學。致能與土人交語如意。因顯聖蹟醫病。復活一幼女。人衆見皆稱頌。士庶奉教者不少。畧過一年。衆和尙見人心搖動於西師之大德。即生疑。恐佛教敗。寺廟無人燒香而財路斷絕。是以商議後同請侯顧祖

傳禁外來之道。侯亦恐懼批准。嚴禁屬民奉天主教。聖人愁悶不言可知。且見此地無化人之望。勸衆教友恒存信德。後自帶神父前進往別國。開船行不多時。爲本地人引去見某大將。聖人講聖道。勸得十餘人奉教領洗。復上船行到平戶碼頭。此處有葡國商船數隻。葡人見方濟各歡喜喜接住。過數日聖人請見此國之侯。侯優禮相待。准傳道於屬。一兩月內士庶中奉教領洗者多人。聖人之意惟願進京都。乃帝正位之城。葡人願捐銀獻聖人作列國稱爲京都。路費。聖人不受。留一位神父在平戶。自帶一位身背獻祭之聖物步行上路。日本兩人跟從。時冬寒。二位神父在路兩月。且饑且冷。辛苦難言。各城各村講聖道而常爲土人辱罵。搥。一次幾乎見殺。聖人欣然忍苦。常勸同伴曰。傳教者愈苦。天主降恩愈盛。末竟到京都。講道半月無人信。聖人離京過山。

口蒙侯恩准，得傳教。和尚每日會聚辯論。時天主顯聖蹟，使方濟各一言能答數人之問。或言數句，而聞者明悉。若讀數篇書，更又每日入中國客商房屋，而說華語，期明如習慣之人。數月內有三千人領洗，其中文墨人居多。皆熱切至極。彼時聖人有事當回印度，聞得有葡人之船在豐後國某碼頭，不日當由中國回印度，即派某神父看山口之新教友，自過豐後欲上船。聖人雖聲名聞於各地，却謙遜如初。身背祭包步行，見者奇甚。葡人聚集來接，隔數日方濟各去見侯。侯甚愛之，許奉教。聖人在城中四十日朝夕講道理，認識天主教者多。和尚等大怒，各處撒謠言，蠱惑，竟聚衆欲殺聖人。葡商勸方濟各上船避危。聖人應道：我遠來數萬里，尋致命之機遇，現今見事將遂意，豈可失此福哉。遂留居城中。葡商愛聖人之高志，亦願同住共禍福。侯竟將事

彈壓和尚等不敢動粗。惟請侯准大才德之某和尚在侯前與西來之士面
駁詰論。侯准之。二人在侯及衆文武之前辯論數日。和尚自然才短不能勝。
只有發怒辱罵。致侯令武將逐之。侯與衆文武恭賀聖人才高道善。城民一
時改變稱頌西師。譏諷和尚。次日方濟各辭侯。侯垂淚聽善訓。復再許奉教。
越數年果聖人再勸。辭去上船。此乃聖人開教於日本之功。以後信輩日衆。
然領洗聖道大行。不幸起風波。幾乎滅教。二百餘年神爰未能入國。

聖人上船出海。天清水平風順。隔數日天變。看看將起颶風。船主放小舟下海。
不知爲何事。時颶風忽至。狂浪掀天。小舟內十五人欲上大船而未能。只得
長繩繫小舟在大船之後而待風息。是夜風勢加猛事危。聖人膝跪誦經哀
號。主前求全衆人性命。半夜大浪如山撞來。大船偏側將覆。衆人魂不附體。

吞聲待死。只聞方濟各禱曰。主。因爾五傷救我等。言未訖。見船回正前行。衆歡幸。但覺小舟爲浪沖去。沉浮不知。聖人復跪爲那十五人轉達至天亮。次日風息。船主令人上桅或能見小舟。七人四顧無踪跡。衆以爲十五人溺死無復見之日。聖人撫慰曰。十五人尙在。不久得相見。衆人不信。聖人復跪。自晨早誦經至日西。乃起對船主曰。小舟隔此不遠。請坐帆停行以待之。船主不信。但不敢不從聖人之言。是以停船候候。過三點鐘忽見小舟隔半里之遙快行前進。衆一齊跪求聖人寬宥伊等疑惑之罪。片時小舟到。十五人上船。衆歡歡喜喜恭賀。一人曰。若非方濟各神父同我等掌舵舟中。小船早爲浪沖沉。我十五人久已身葬魚腹矣。船主曰。神父未離我大船。怎得在小舟掌舵。十五人曰。我衆人明見神父面容和面掌舵。勸我們靠望天主不要畏

懼。難道我十五人一齊夢見虛像呢。十五人皆証此言之實在。是以衆知聖人蒙主恩。一時同在兩處。善禱得救。大小二船及衆人性命。一兩月之內。聖人由麻六甲到我亞。查得昔日開教各處信輩之數。已加至五六十萬。聖人大喜。遂將聖教內事辦好。將新神父派往各處。自欲復過東方傳道。

且說聖人居日本之時。常聞此地學士稱頌中國人繁地闊。博學甚多。又覺日本人讀中國書。百事效學中華之風俗。遂自想道。若幸得化中國奉教。日本必將從。何不先過中國。然後回日本。但中國律法禁西人入內地。潛的而入。早遲必爲官所獲。而大事不行。不如見中國之帝。請除前例。准傳道於國。遂以此事商議印度之總督。總督稱善。乃舉聖人之某友爲使。備重禮遣之。同聖人進中國京都。請見帝。獻禮求准傳教通商。此乃明世宗三十年之事。聖

人若能實此意。可望帝准允。帝准而蒙方濟各之功德。可期天主顯異能大。與聖教於中華。不幸麻六甲總督阻止使臣不准開船。副總督將總督棄絕。總督昧良。乘人未備。將使臣之船強奪自用。聖人愁心可知。且彼時之事。皆是遲慢。上奏請葡土作主。亦當緩一二年。方可望獲批。乃派神父數位。過日本看教友。自一人單身附船出海。向中國。路中風寂。船停多日。而缺水。客商五百人。皆渴病待死。聖人教他誦經靠主。然後令人取海水。將船上各器充滿。水手依令。聖人在各器上畫聖號。而水變爲甘味。回教數家之人。見聖蹟奉聖教。一日船上小兒落水。沉溺不見。父母大痛而無法。久之聖人誦經祈主救其生命。只見小兒不知如何而在船上無恙。次日船泊中國廣東三洲島。時西人在此與華人通商。不可泊海邊各碼頭。聖人上岸。惟望乘機入廣

東內地。衆友竭力勸止。說華官惡極。西人往往破船浮水上岸。無一能救命。或爲居民虐殺。或爲官監禁至死。神父此去。終必與之彷彿。聖人不懼。與中華某船主約日載他至廣東城近處。期至。華人失言不肯載去。復過半月來信。說來年暹羅王當遣使北京見帝進貢。聖人知悉改圖。欲回麻六甲備禮物。次年同暹羅使臣進京。但天主聖意不賜中國得見聖人之恩。西曆十一月二十日方濟各染病。且受默示得知臨終在邇。聖人甘心伏本意於天主聖意之下。一面獻性命於主爲異教人感化認識正道。一面朝夕祈禱預備善終。此處無好房屋。方濟各在爛篷內風吹雨淋。葡國數人與中國信輩一人輪番看守。無好藥無細食以之與。聖人神樂如常。生平不自惜。臨終不求安。竟於十二月二日雙手捧基督像雙目注上。自托於天主之手而逝。

時西曆一千五百五十二。華明世宗三十一年。聖人年紀四十六。

葡人裝殮置石灰在棺材內而埋。惟望石灰發散尸肉速盡。逾數月可遷神父之骸骨回印度。畧過七十日。葡人掘墳開棺。見聖尸全存鮮色。若生活。美香四噴。歡樂抬上船出海。到麻六甲。時城中疫症流行。居民聞得聖尸到。大喜羣來海接着。秉燭送入經堂。誦經後安埋。是日疫症忽停。衆病人痊癒。復過六月掘墳。見聖尸仍然鮮色。衣服無朽。用貴木棺材裝之。留在乾屋內。次年再遷聖尸至我亞。通城士庶接着送至學塾聖堂。三日三夜居民來看。身病而爲聖人療癒者多。過五十四年。查得方濟各昔日在世復活亡者二十四人之外。還顯大聖蹟八十八事。是年教宗稱之爲真福。復越十五年。教宗列其名於聖人之冊。聖人死後醫病復活死人亦數次。前四十年開墓。聖尸尙

存。

切想

聖保祿曰。其聲出於普地。其言聞於四極。致羅馬人書十章十八節聖經此句稱頌宗徒們之妙功。亦可藉之讚美今日之聖方濟各。讀其言行。即見方濟各隔一千四百年。類似衆宗徒。三十歲回心。同聖依納爵立耶穌會。三十五歲離歐洲航海至印度日本等地。十年內化各國之人奉聖教。異德聖蹟驚動普天下。查方濟各進善之路。則見天主特選聖人如昔日選宗徒。奉天主委使成此事者。依納爵也。依納爵蒙主默啟。欲化方濟各棄世榮獨事上主。故時常勸戒引導向善。方濟各初則不悅。而忿然拒依納爵。依納爵忍當方濟各之怒言而不失心。究竟依納爵之謙遜勝。方濟各之矜驕負。始回頭向主。

魔鬼尋法敗依納爵之功。使裂教人善言遮蓋邪道。惑方濟各意亂欲從。讀者至此不免心驚。裂教人若不幸得遂心。方濟各必背正道而見天主聖恩斷。聖恩斷。大德不能操。大德不操。異蹟不顯。而妙功不成。世間無方濟各沙勿畧也。但方濟各之側有依納爵見其危。而竭力拒讐顧友。方濟各甦醒。與裂教人絕交。而倍愛依納爵。自此以後志定心一。目視上天而脚行其路。路難。脚血不顧。只管上前。隨苦而愛苦。致心若酣而以艱難爲朝夕之饑渴。何也。以辛苦爲標的耶。非。惟思念天主聖子苦難贖人類而知苦難之妙驗。是以願身靈艱苦以還主愛而效主贖人。以苦像爲伴。其伴不但在身上而實在心內。奪苦像於方濟各之手直若奪其心。方濟各不捨苦像。苦像亦不捨方濟各。致苦像落海底。而螃蟹奉耶穌之使雙夾捧苦像來還主人。其但爲主

耶。抑爲友人耶。曰。主而友也。方濟各視苦像若視耶穌。耶穌必用苦像密語方濟各。

方濟各事耶穌若主。愛之若友。心內懷愛而朝夕祈禱。祈禱非若你我散亂或畏懼。意短話缺。以一刻鐘之讚頌爲長。以一點鐘之默想爲苦工。方濟各之祈禱乃友與友言之福語。終日似不足交情。耶穌之語悅方濟各。方濟各之語悅耶穌。耶穌悅。豈可不納友之言乎。是以方濟各祈主。而主准其禱求。遇難事如復活死人。方濟各不疑而友然祈主。主愛其友之不疑而施權與伊復活人。你我見聖蹟而奇。殊知當奇者非聖蹟。乃聖人之信德愛德。你我若能效其謙遜忍苦。愛主愛人祈禱讚頌。你我之功德與聖人之功德相似。聖蹟必能顯。人心必能化。此乃聖方濟各聲出於普地。言聞於四極之故。所顯

之諸奇非人獨力，亦非上主獨恩之工。乃聖人愛主，主愛聖人，天主賜恩與聖人自精，聖人隨聖意進善所致。你我受主恩亦然，所受聖寵之度，乃你我成善功榮主益人之量也。

茲見五大洲相通，水陸各路且易且快。懇祈上主再選一二人如方濟各者，其聲片時即聞於普天下，而將世界光照於其無曉之長夜。幸哉。

省察 聖方濟各生世至三十歲像俗人，以世利爲宗旨。三十歲回心向主，以後細心善用主恩，隨聖佑進於德。此乃其成大聖，顯異蹟之緣。我知之麼。我順恩之度，隨我習善榮主益人之量。我知之麼。

定志 自今以後，我時常以聖人之善用主恩爲念，而以效學其德表爲規。

四日 聖伯多祿號金語者 主教聖師

伯多祿乃意國依摩納城民人。出於西曆畧四百年。華晉安帝年間。自幼定志入神品事主。年二十餘陞六品正輔祭。在本城助鑿牧理事。才德最稱。越數年隣城拿文納之總主教過世。士庶推一位神父名若望繼位。依摩納鑿牧帶伯多祿送若望。父進羅瑪。欲見教宗求准若望補此缺。拿文納城亦有數士從主教向羅瑪進發。主教等未到之前。天主遣伯多祿宗徒同致命聖亞玻理納七月二日發現於教宗。薦一少年之士。謂曰。上主所選當拿文納鑿牧者非若望神父。乃此少年。說說不見。教宗明記那少年模樣。左思右想不知爲何人。隔日依摩納主教引若望神父入廷朝見。伯多祿同拿文納那幾人跟從。教宗目擊伯多祿。即識爲二聖預薦之人。便歡喜謝主默示之恩。衆

人朝拜後，主教指若望神父，奏以拿文納居民推該神父爲鑾牧之事。求教宗准行。教宗善言撫慰若望神父，然後放衆人出堂。留依摩納主教。問所帶那幼士之姓名，所居何職，才德如何。主教曰：那少年聖名伯多祿，現居六品，才高德輝。教宗以聖伯多祿聖亞玻理納發現薦人之事相告，並說道：二聖所薦之少年，即從兄來之六品輔祭。主教歡喜曰：上主之命當從，請至聖之父出令。衆信輩無有不奉。是日教宗推伯多祿爲拿文納總主教。若望神父與隨從那數士，聞得此事，由教宗奉主令所定，皆心服。伯多祿謙遜領命。聖禮畢後，進拿文納上任。

時帝正位於此。異教人雖甚少，却信輩多專於世務而冷落於聖事。新鑾牧祈禱苦工之外，時在經堂宣講訓民正風俗。因學深言文，衆稱爲金語。或時

說善之美可愛，講惡之醜當憎，而心下情痛過分不能言。惟垂淚長嘆而已。民耳聞目視亦動，致同淚哀哭。如是鑿牧語言能化人，而心情能感情。十八年內修德日精，救民日妙。某年奉教宗令著書辯駁裂教頭歐弟格斯，四月十一示知不久去世，乃擇善士繼總鑿牧位，然後備善終，絕不與外事。十二月二日長逝。

時西曆四百五十餘年。

世世稱爲金誥伯多祿。

聖女巴爾拔辣 童貞致命

西曆曆二百三十年。華漢後帝之時。羅瑪東方尼各默弟城有富貴人名弟阿
斯各。性剛無情。切信異端。虔敬菩薩。有一女名巴爾拔辣。年十五六。色美志
高。愛善好學。因妻氏早喪。弟阿斯各禁外人與女往來。故幼女獨居深閨。無
伴。府第雖寬大。花園雖幽廠。巴爾拔辣猶可東玩西耍。觀青天賞花草。以散
心。却在房獨居的時刻多。時而針黹。時而看書。且聰慧異常。每日推論書上
各題。而能格知天地各物。物格而於物之本末日近。或時自想道。天地雖無
靈。不知不覺。然運動有規。年歲相繼。天地萬象惟一。日月星辰相交無斷。四
季相隨無爽。萬物既無知無覺。不能自立自管。然而治管之者誰。據爹爹之
言。菩薩有此權。是以屋內園中設菩薩大小像許多。而示敬。但想來菩薩卽

古時之人爲人必有始。其先天地萬象仍必勢如今日。維時無有菩薩。而宰
管物者誰。復想多時豁然說道。天地必有主。如國之有君。其主非菩薩。而在
菩薩之前。再想道。天地之主不但在菩薩之前。而且永在無始。否則受生。受
生必爲生己者所制。而實不爲主宰。隨進愈深。自曰。主宰不但無始。而且全
靈全智全能。否則管治萬物有缺。而天地亂。幼女推論至此。心安意和。以後
視菩薩爲無能之虛像。而心下敬萬物之大主。

聖經曰。求之將與汝焉。尋之必獲焉。瑪竇七章七節巴爾拔辣誠心尋主如是。主不得
不自露與之。彼時國君雖嚴禁奉教。然信輩甚多。其中不知何人得授善書
於幼女。巴爾拔辣讀之。篇篇額手稱其道之真正。始知物主位三體一。造成
宰管萬物之外。還降生補贖人類罪愆。許信輩以天堂之福。立祕跡助人行

善路。歡然膝跪拜天主。欽崇救世主。許盡心竭力操善仰慕天福。此後暗地

領洗。

不知於何人之手

在家隱修習德。

是年有富貴人欲聘之爲兒媳。父親與女商議此事。巴爾拔辣應道。女兒願在家孝敬爹爹不嫁人。弟阿斯各說那家之富貴。出嫁於彼。榮福有定。遂再三勸女細想此事。勿致今日失之。明日悔之。幼女應道。願在家服事爹爹。將來必無心悔之日。父親暗的悅樂而不逼。乃辭來人。說慢慢定奪。是年弟阿斯各有事出門。數月不歸。幼女獨人主家。顯然敬天主。嚴齋苦衣尅身。誦經沉默養神。且深照異叙所敬之菩薩。一日將家內諸邪像拆毀。各處畫十字。朝夕講聖道與家人聽。且預知父親回家。艱難必臨身。乃時常哀號主前求賜剛勇忍苦之恩。

却說弟阿斯各在外事畢即歸。入屋便覺菩薩各像不在。反見各處畫有十字。以此事問女兒。巴爾拔辣將實情告與父聽。便自稱奉教欽崇造萬物之真主。力勸父親同信。以得大堂之永福。弟阿斯各不但不聽。且大怒命女兒背主。否則性命難保。巴爾拔辣應道。女兒明知天主惟真。萬不能背。請參參看書細辨各道之虛實。弟阿斯各愈怒。將女兒毆打。然後鎖禁。

數日內蠻怒未息。千方搓磨。巴爾拔辣百法逼之背教。究竟見女兒不從。發怒愈猛。忘爲父之情。而交巴爾拔辣於官照例嚴辦。

官初則好言撫慰。勸奉旨祭國神。免身難。聖女句句應對。明辨菩薩之不可敬。天主之不可逆。官命重鞭。聖女忍鞭。雖渾身血傷。却讚頌天主不絕口。美蓉和平不改喜色。一婦名儒理亞納。見聖女剛勇堅志如是。當堂自稱願奉教。

即刻爲刑役所獲。官令押之同巴爾拔辣入監。是夜主耶穌發現。將聖女之傷痊癒。次早官提出復問。見聖女無傷。即大異。遂勸巴爾拔辣曰。國神憐惜汝年幼不知利害。是以昨夜顯能醫治汝傷。汝當感德示敬。聖女道。醫治我者非無能之鬼魔。乃造天地人物之天主。我感恩惟願爲主致命。官令綑縛聖女於刑架。鉄爪抓其肋。紅鉄烙其傷。一面綑縛。昨日奉教之儒理亞納。而令與巴爾拔辣同刑。聖女哀號主前。求施佑與同伴。忍苦至終。並自忘己苦。而柔聲勸儒理亞納不止。官令割去巴爾拔辣之雙乳。聖女受刑無言。究竟堂官怒氣填胸。任性忘禮。命脫聖女週身衣服。押送遊街。以儆城內衆女。巴爾拔辣聞言心痛。仰目注上祈禱曰。示雲衣天設霧服地之天主。求爾仁慈。衣我身。服我體。使無人見而生惡念。禱未訖。刑役奉令與聖女脫衣。但見光

雲圍着巴爾拔辣。觀者不能見其寸體。惟容顏在雲上輝耀若日。羣人中多稱聖蹟。讚頌天主之能。堂官無法。又恐異教人感動奉教。即時令送聖女同儒理亞納出城斬首。刑役依令。二聖女欣然到法場跪地。引頸死於刀下而升天。

時西曆畧二百三十五年。

據古書所載。是日堂官同聖女之父親爲雷擊死。巴爾拔辣漸漸出名於聖教。信輩時時祈禱聖女。靠其轉達。俾幸免猝死於雷於火等凶危。

切想

聖保祿曰。人由目所見。受造之萬物。可推其目不能見。天主無限之德能。致羅瑪人書一章二十節。聖經此言是也。事事見其固然。即知其所以然。有工必有匠。工愈

細匠愈巧。工妙無量。匠能無限。此乃自然之理。現在各種機器且多且奇。見者誰想機器偶然自成哉。然機器比於天地何物也。日頭之大。超過地球一百四十萬倍。其過心畧三百二十萬華里。其隔地球畧三百餘兆里。有如地球之大小行星數十體。以日爲己軌道之中心。繞之週運不離。夜中所見之恒星各似日頭。大小量與之彷彿。彼此相隔之遠近不可算。亦各有行星附麗繞之週行。如地之附日週轉。日頭與恒星無異。星誰悉天文。思想天之寬闊不可度。星辰頃萬之不可數而不悚然痴呆哉。且見星辰運動無亂。各依年月至其所。不先不後。世世相繼。而天象無變。誰不驚讚其法之成全。見機器而以機器爲偶然自成之物者。其人愚蠢不靈。見天地星辰及其運行之定法。而以天爲偶然之物者。其人何如。曰。此人愚極。可比盲瞽不見光而稱

無日頭照物。

巴爾拔辣自幼賢智。雖未曾受教。但考天地。即知其有主造之管之。又查天上星辰之奇妙。便推測其主之尊大無匹。巴爾拔辣如斯靈心。則不枉受其明靈。乃盡其明悟格物趨本而得入門於關身靈永事之要學。異教衆男子何不從此女求之。將與汝焉。異教格物求真主。主必照之於心。令之進於聖學。省察。我爲信輩。當時常思揣天地之妙。以瞻天主之全能而讚頌。當默想天地之大以明悉天主尊威之無限。而自下自沒於其前。亦當以天地之諸奇提醒異教人識萬物之主而敬之。

定志 自今以後。我依此道而行。此題未完
看第六日

五日 聖撒巴思 院長

撒巴思乃羅瑪東方則撒肋城地民人。生於西曆四百四十年。宋文帝年間。年

紀十餘爲父母托於母舅教養。

父母不知爲何事
遠往他省居住

舅娘恨之。目不正視。口無

好言。幼童恐懼。逃過叔父家。叔爺慈悲善待。此後母舅與叔父二人失和。時

常爭論。撒巴思目擊心不安。立志出家修道。暗地進某院求取納。院長允諾。

叔父與母舅皆來力勸回家。幼童謝情不出。惟欣然從老隱士習聖學。一日

在園內作工。見熟菓落在樹下。便犯規檢之欲食。但心覺責飭。遂棄菓於地

發誓曰。我既好喫如此。今日爲始。生平不食一菓。以後踐言不犯。堅志如是

之童必大進於善。踰數年衆老隱士無不稱其德。撒巴思年紀二十餘。請命

去如達之地。在此追思主耶穌所顯之妙事。而心下加聖愛。各處敬謁有名

之隱士問道聆教。某年得見父母。雙親欲引之回世娶妻。家道饑裕撒巴思應道。事君而棄兵械逃營。國法問重罪。兒矢志事天地之君。若伴途灰心。豈不受重罰哉。雙親復勸。撒巴思對曰。若再復言。可謂爾等無父母之情。反當仇人害我。父母乃止。惟給兒金錢若干而去。撒巴思入某院。將父母所給之款盡獻於長上。自仍窮苦修道如常。

年紀三十稟命長上。獨居石洞。七日內五日不用食。時而沉默。時而口誦經手編蓆。瞻禮七頁所編之蓆來院。是日用食。主日與彌撒等聖禮亦用食。瞻禮二頁巴爾瑪葉。編蓆之材料回洞。五年如是。隨後與熱納西莫。三月五日同院數年。在此受魔鬼仇攻與安當。正月十七日相彷彿。聖人無懼。苦工勝魔操大善。越數年入曠野。獨居山上一洞。四方無不稱其名。有許多少年來從。各造土築草蓋小

屋一間而居。越二三年聖人洞外畧似一村。土房相連修造成街。門第一百五十人習學操善。

種麥難免不生稗。門弟中數人心不誠。漸見改向。舉動不規。背地播弄是非。未竟在日路撒冷宗鑒牧處呈訟。稱撒巴思文墨不足。言行粗鹵。理各事。才不勝任。况不肯陞鐸德。亦不准門弟入神品。宗主教久知撒巴思之才德。使人請之來見。命作備入神品陞鐸德。惟望斷隱士等埋怨之根。聖人只得如命。過半月各品聖禮畢。宗鑒牧放聖人回山。並致書訓其門弟曰。本鑒牧順從聖神默示。將汝等之師陞爲鐸德。此事非撒巴思求榮所爲。乃本鑒牧爲汝等之神益所命。門弟大衆歡喜。惟呈訟那幾人陽奉陰違。猶存心乘機生事。彼時撒巴思每年聖灰禮儀日離衆入曠野靜修。至聖枝主日方回。某年帶一

士同往。路見一洞。洞內有一老士安坐。老士立身來接。雖未曾見面。却能稱撒巴思之名而拜。撒巴思與同伴還禮後。從老士入洞。隨問其由何地而來。是何姓名。在此幾年。老士不多言。只應來此有三十八年。遂談聖事。說棄俗事主之福。撒巴思滿心歡樂。與老士互相安慰半日。究竟師徒辭老士復行。隨後聖枝主日前兩日回來。由此處過。見老士在洞內跪地。撒巴思細看得知老士身亡。二人掘土誦聖經安埋。未能知其姓名家鄉。

某年聖人之父過世。老母將家業變賣全付其價值與撒巴思。自在兒山洞之側居一小屋習善數年而福終。撒巴思以來銀造病院二座在人往來之地。派數士居之。服事病疾。又造靜院二座。其一作願修道少年之居住。其一爲聖學全備而願習大德之隱士安身。請名士特阿多爵正月十一月掌之。此後特阿

多爵與撒巴思二聖心同意合如一人。聖德不知誰上誰下。宗鑒牧甚愛。陞特阿多爵爲本屬同居衆隱士之長。陞撒巴思爲通屬獨修之監督。

且說那冷淡隱士十餘人。時常在院中生事。撒巴思慈悲忍耐相待。竟無法可

使。乃離院入曠野。是日見山上一洞。擇之爲寄身之處。遂入內誦經。然後臥

地而眠。但此洞有主。未幾其主歸來將入。乃一大獅。如達之地無虎惟獅多獅見屋內

有人。獸心勃怒。洪聲發處。地震山搖。聖人覺醒。目擊惡獅。無懼色。惟手向之

畫聖號。說因父及子及聖神。獅變馴入洞。口啣撒巴思之衣。欲引之出外。聖

人不出。乃取書誦日課。獅恭然睡在洞口伺候。日課畢。獅復來。口啣聖人之

衣。欲送客出去。聖人手撫其頭曰。獅。此洞甚寬大。足你我共住。設不願與

我同屋。惟請汝自便另尋一處可也。我人也。天主肖像也。理不可讓你無靈。

之獸。言未畢，那獅轉身向洞口，而慢步出外不見。聖人在此獨修數年，未竟回院查看事之光景何如。畧過一月，見事未變，人心未和，復出獨修如前。不服聖人管束的那數士去稟宗鑒牧，說撒巴思在外爲患，獅所食。請另陞一士爲院長。鑒牧明知虛實，遣人命撒巴思回院，並嚴飭衆士奉其命。逆者當離院另尋寄身之處。生亂那數士聞令心怒，是日大都離院去某處，另興一院。但衣食不足，又爲信輩憎恨，無人相助。撒巴思以善報惡，每日遣人付其日所需。又知新院無長，衆人放肆不和，乃委一賢士入此院。此士大德善於言。左說右勸，久之得化衆士歸正，認昔日之罪，求聖人寬宥。撒巴思歡喜謝主慈悲，賜人回頭之恩。

時東方歐弟革斯

四月十一

之裂道大典。因帝護之，民中有許多人受感，裂教人各

處生事。日路撒冷宗鑒牧委撒巴思進京請見帝面奏。帝優禮接聖人。聖人奏以裂教人之無理。請上明察虛實。禁惡安民。帝慈言許之。並自托於撒巴思之聖禱。然心下未變。以後仍然護左道。宗鑒牧盡心願正敵惡。爲帝充流遠地。時撒巴思由京回院。聞得此事。即行到鑒牧配流之處。在此良久撫慰鑒牧。同憂正道之不行。一日二聖誦經受默示。預知帝不日必惡死。並知鑒牧隔十日將福終。以後二事皆驗。如所預識。新帝從正道。旨諭各省督撫將昔年受充流之鑒牧鐸德放回復任。

復越數年。如達本地異教人反亂。因不能得勝。昧良妄控信輩等主謀惑民作此無理之事。聖人恐皇上信以爲實。遷怒於教友。遂不辭路遠。壽高八旬。復進京請見帝。是日帝遣臣迎之入殿。時帝見聖人頭上大光若冠。而倍加敬

愛。慈顏聽聖人口奏而信服。隨問所造之院共幾座。聖人應七座。帝願由國庫每年出俸助各院衆士資生。聖人謝恩辭曰。隱士等惟靠其工備衣食。所有不敷。望天主聖恩感富豪之愛以補之。臣不能受陛下之恩錫。但本地之民纔受兵患而窮苦。加之數處經堂拆毀。信輩無聚會之所。請陛下垂憐補修經堂。助小民之日食。更有裂教人在各州縣亂事。求陛下旨諭禁止。使聖教內衆人一主一道。陛下如垂允此端。天主必降福陛下榮王。事事遂心。帝大喜許行。竟留聖人在殿。每日與國相議事。請撒巴思來參聽。聖人雖不長於文。然因功德出常。爲主所訓於心。是以在廷中智勝衆臣。一日君臣正在議事。撒巴思未至。帝遣人往請。使臣來見撒巴思傳旨。聖人道。兄可奏帝曰。老僕此時常誦一端經。帝雖尊。天主愈尊。迨至經完。老僕必奉命。門弟聞言。

說道。老師此言恐不妥。帝爲聖教用心如此。老師又懈怠於令如是。其有理乎。聖人道。帝爲聖教用心。老夫依時誦經。兩有責任。各盡其職。帝聞此言喜曰。真賢也。大事畢。聖人辭帝離京回院。

尙活數年。顯預知後事醫病等聖蹟甚多。訓門弟且忍耐且賢智。一日帶一少年門弟出外。路遇數人玩耍。其中有一幼女。衆人過去之後。撒巴思問門弟曰。適纔過之幼女。似像壞了一隻眼睛不能見。門弟無意之中應道。老師錯也。其人雙目光亮若星。聖人責道。汝回院守大齋七日。教你眼勿亂看。門弟自知落了計。又痛悔其過。即時求救。隨作數月之補贖。學禁眼目之德。

聖人年紀九十二患病。鑒救命備一屋而抬聖人在內治病。撒巴思不得已奉命。但見藥不效。自知在臨終。卽命門弟抬之回窮院窄屋來。在此領聖事後。

力勸衆士和睦熱切敬主而亡。聖尸埋於院內。

時西曆五百三十一、華梁高祖年間。

生前死後顯聖蹟、名傳於世不忘。

切想

開闢時、萬物主造天地草木禽獸。工成、天主三位若互相商議曰、可造人肖似於吾。遂依言而行。是時造原祖、而原祖果然肖像於主。天主自識自愛而全福。人識主愛主得其終而同主永安。此乃衆人或君或臣或士或庶或貴或賤之首尊。以此而超越天下各物多也。其尊之二、在識天主之肖像於己而細心存守之不辱。此乃各人互相大異之由。或識主愛主或否。不識不愛主即敗主肖像於己而失原貴。識之而愛、並仔細奉命操善避惡。便常存天主

肖像於己而恒居其尊。可見相似於主之尊。乃上主未量人功。惟由己好施之德所施之恩典。若論恒存此像於己。則是各人蒙主佑所立之功績。世界窮末審判時。人類分別爲二支。肖似天主者聚在右而受賞。敗此妙像者隊在左而受罰。

問。敗天主肖像於己之人相似於誰。答。聖經指之曰。人位尊而不明。比之無靈之獸。而與之同。聖詠四十八章二十一節獸無靈性。是以不識理而從慾。不守天主誠命而犯重罪之人。卽背理受奴於慾而類似無靈之獸。事不止於此。斯人在上主目中猶不如獸矣。蓋獸不知己無理而無可如何。罪人自知悖理而不肯約束心意。獸順性從欲。罪人昧良偏惡。此乃人事主而貴。作孽而賤之分別。善人尊敬天主之肖像於己。惟恐反理壞此尊像而下似於獸。是以時時小

心翼翼，避惡練德。

撒巴思真善人也。自幼事主克慾，日精天主肖像於己。受無規門弟之辱，而仁心愛之。寧可避院不願與之爭論。隨後給衣食與讐仇養身。遣賢師挽導。孽徒回心歸正。而愈見效學。天上父寬容保存罪人之慈悲。撒巴思居善如是。上受天主之恩寵。下令人敬愛。卽野獸遇機亦見心服。擇山洞爲寄身之屋。惡獅來爭。但據理不敢放肆。口啣聖人之衣欲拉出去。聖人無懼色。約之分屋同居。惡獅不願。惟欲獨處。此洞如昔。遂再啣衣服而向外拉扯。時聖人威凜訓道。我人也。天主肖像也。理不可讓。你無靈之獸。獅聞言會理。卽時出外他往。設若撒巴思不細心日精上主肖像於己。只恐見獅不大膽如此。或出令。而惡獅恐不心服如此。

信輩，你我當記此言。當敬天主肖像於己，而日夜精之。魔鬼惡獸來誘惑之際，當應之說。我天主肖像也。理不可讓你順你無理之獸。

省察 我乃天主肖像能識主愛主。我違理從慾背主，卽失我尊貴。我知之麼。壞天主肖像於己，卽依聖經之言可比於獸而類似之。我知之麼。

定志 自今以後，我貴重肖似天主之尊貴，而竭力習善，精之於我心。

六日 聖尼各老 主教

西曆畧二百五十年。華漢後帝年間。羅馬國東方利西亞省巴達赫城有夫婦二人。家道饒裕。聖德名於本城。維同居多年而無子女。是以無心積財而施濟窮民無算。天主愛其善。某年賞之生一子。取名尼各老。此兒出世即與他孩有異。每七日內瞻禮四六兩日。惟下午日將落西之時方吃奶一次。斷奶後仍從此規用食。生平不改。發蒙後盡心專學操善。十七八歲定志獨務聖事不娶妻。每七日內添一嚴齋。餘時禁酒肉。年紀二十餘喪父母。承其業繼其善功。

城內某人有三女。因無銀錢遣嫁。欲許之與異教財主爲妾。尼各老聞言速賜賠奩。助此人嫁三女與教友子弟。未竟追思主耶穌之言云。欲爲完人。往售

資蓄施捨貧人積寶藏在天。瑪竇十九章二十一節乃變賣田土房屋濟窮心貧事主。

時母舅當米納鑿牧聞得外姪之功德傳之來本城陞爲鐸德長管某處醫院。

並助辦公事衆稱其才德越數年鑿牧過世尼各老暫且離本院過厄日多

去見安當正月十七問聖學隨到如達之地在主耶穌生死處獨修習善次年回

院訓隱士等數年不時顯聖蹟而聲名愈大某年不知爲何事來米納城恰

值本方鑿牧長逝主教數位集於此欲推新鑿牧某主教受默示曰明日天

明先入聖堂之人乃天主招選繼新亡鑿牧之位者衆主教聞言歡喜次早

天明開聖堂之門即見一人謙遜入內守堂者有令不問姓名即引之去見

主教此人非他即尼各老也衆主教知悉愈加忻悅稱頌天主擇人之妙法

緩數日行陞主教之禮禮畢衆鑿牧神父信輩送新主教入府隔日某貧婦

回屋見小兒跌仆火上燒死。當即抱尸來見尼各老主教。哀求復活小兒。主教推辭不得。跪地誦經。少頃。小孩在母親懷中身動出聲。而和平無恙。

聖人以鑒牧位高任重。過審判時。當代屬下衆靈應主。是以倍加操德。每日守大齋。惟日西沉方用食一餐。白日理公事之外。時常派人查考信輩中孤獨無靠者。查出後或以衣食銀錢賑濟。或辦其事伸其冤。雖勞心終日。而夜間惟安寢。片時即起。沉默誦聖詠。獻聖祭時。容顏常見發光。明顯內心若火。其情若香烟直上於主。

聖人所顯之聖蹟且多且大。某日本地信輩數人上船出海。次日起大風船危。衆信輩憶靠尼各老主教之德。同聲哀號於天主。以鑒牧之功。求赦罪免死。衆即見尼各老主教在船上毅然掌舵。浪中引得船載直入碼頭。泊岸無患。

時聖人不見。隨後信輩等去謝恩。聖人道。此事非我所爲。乃天主慈悲施恩。汝等謝主。倍加靠望敬愛。某年本地饑荒。居民艱難。聖人竭力施捨不能救衆人。時遠地有大船數隻滿載麥糧。一夜聖人發現於船主。請勿去別處。惟駕駛來米納賣麥救人性命。次日船主等開船向米納來。數日內將所載之糧賣盡。自獲大利而救多人於難。數次聖人憐惜教友家之幼童身死。而復活之。或聞無辜之人受累。爲官定案將死於法場。即見官說實情而救好人性命。

聖人年紀六十餘。東方之帝

時羅瑪分爲東西二國

李習義旨諭各省督撫嚴禁聖道。數

年內風波不息。主教神父信輩中有許多充流致命。聖人堅固本屬教友不避危。制軍遣兵捉拿到案。問後充之出本省外。聖人居遠地受監牢鞭打桎

枯。越數年公士當定戰勝李習義，將東西之地合成一統大興聖教。八月聖人回米納復原任。各處補修經堂化人。復過數年亞里無斯傳邪道。遣人各方訛言惑信輩。聖人盡心抵禦顧護正道。西曆三百二十五年。帝集東方之鑒牧三百一十八位在義思城定聖道棄邪。尼各老主教在數。因年高德名苦功多端。而爲君臣特敬。

此後聖人見聖道大行，異端日滅，而心下大喜。一面善功聖蹟日顯。維時國君信讒言，貶兩員官而問死罪。二人日前與尼各老鑒牧交厚。現今無辜陷於難。只得祈求天主，因聖人之功賜佑救命。是夜尼各老發現於帝，明辨二人之無罪。次日帝放二人復官回任。又賞聖人金字聖經書一部，金香爐一座，金蜡臺一對。是年聖人染病福終。

時西曆曆三百二十七華晉成帝二年。

因聖尼各老昔日曾救幼童於死，是以信輩敬之為幼童幼女之主保。因救船於猛浪，故船上海客亦稱之為主保。因屢次救人於妄證，故有訟事者亦稱之為主保。

切想 續第四日切想

聖保祿云：其人_{異教人}之罪無可掩。因雖識主_{考天地之妙而}，然不以敬主之禮敬之。_{致羅瑪書一章二十一節} 據前日之論，世人見機器，即知其為人所作。見機器行，即知有人管理。天上之星辰妙於機器萬萬倍。為何有人不知天之有主。曰：不識主者可別三等。一、無學者。以日月星辰為生活之物，便不求造之者。誰而視之如神。二、無智者。知日頭星辰非活物非神，但不推測其所以然。三、無德

者。考天地即知其有主。造成掌管。但受奴於現世之物。不察其主爲誰。不問以何禮敬之。或識天地真主。明悉其有規誡於人。但不肯克私慾以奉從。是故以無造物主之虛言。自掩其無德之惡跡。而令他人悖逆真主宰。聖經以罪大不可掩責之。

或問。想斯人亦可稱無大過。雖畧知天地有主。並心想此主有命當從。却因世教多。各教令人當信當行之道互相反對。而竟難辨何道爲是。何道爲非。是以度日如不識天地之主。

曰。造天地之真主。亦是造生人類之大父。不得不命人以子心敬愛。命人以子心敬愛。又不得不自露於人認識。自露於人認識。必與之訂定規誡爲人類之公律。智者當考世教中。誰明訓人以萬物主本性之諸德。以人類之本末。

以善人欽崇造物主之禮法。察得此教之道與造物主之德最宜於人身靈之所需最相應。此必物主所立之教。引人行善避惡。終其爲人之責。

夫察考異教。即見其道不全。或不題萬物之主。不推究人物之本末。若儒教者是也。或畧認萬物主。如釋教。但無造物主。自露於人。令人如何行善之聖經。亦不知人類之本末。身前身後之光景。惟亂傳輪迴成仙成佛之妄誕。

世教中獨天主聖教爲全。十歲之幼童讀其書。能訓異教博學以造物主本性之諸德。以人類之始終本末。以善敬造物主之正法。以現後兩世緊要之事理。文墨人或知有聖教書而不之讀。亦或讀而不遵其道。以善其行。斯諸人者。皆爲聖經所判曰。其人之罪。不可掩。因識主而不以敬主之禮敬之。

聖女巴爾拔辣在異教中。由天地之奇妙而識萬物有主。可謂智也。識萬物主

後棄菩薩，因係受造於主之物，目不能為主。其智愈顯，棄菩薩後，查誰教訓人敬天地真主。幸得讀天主教聖書而奉之。其智愈明，究竟奉教後，願死不背，甘心致命以獲天主所許之永賞。其智極也。嗟，效學巴爾拔辣者幾人。其故明矣。巴爾拔辣真心好善，雖未識真主而求之光照，其心示正路。異教中誰人潔心祈禱造物主，不潔其心亦不禱求，豈可至識天主哉。

省察 我爲信輩明識天路，不似異教須多察多論以得奉正教。我以此事謝主麼。吾衆當爲異教人所禱，求萬物主循誘其考察道之虛實尋真路。我行了此善事麼。

定志 自今以後，我時追想天主招選我之聖意，而感恩凜遵無間。

七日 聖盜博羅削 主教聖師

西曆三百四十年華晉成帝年間歐洲各國爲羅瑪併成一統。治理法英事務之總督名盜博羅削。乃數世官家之子。同妻信從聖教。才德全備。初生一女名瑪爾瑟理納。即七月十六日之聖女瑪爾瑟理納隨生兩子。長名撒的祿。次名盜博羅削如父。次子尙在孩提之年。總督不幸病亡。夫人帶全家回羅瑪。孀居府中。以欽崇天主訓養兒女爲終日之念。越逾數載。女兒年紀十餘歲。素性美善。朝夕助母親課訓兩弟。弟兄篤愛大姐。奉其命如母命。隨後二人從明師操文。至十六七歲。學問美德均優。彼時母親習善愈精。姐姐守貞獨修至嚴。弟兄以本家親人之善表自勵。雖在京都。書生狂樂之地。在官家子弟奢華之中。然舉止往來無不自重。百事細心。避惡從善。卒業後。讀國律當狀師。此乃羅瑪昔日成大

路事之復越數年。撒的祿從某總督到某省去。盎博羅削爲羅瑪總督。重用在此。至三十二歲。朝夕參贊公事。而才德日明。一面孝老母。愛姐如昔。雖未娶妻。而貞潔可稱。是年蒙帝寵幸。陞爲里額理省總督。即時辭東家將行。羅瑪總督交情大喜。訓盎博羅削曰。吾子奉此任。勿從世官之嚴。惟須效鑒牧之慈。盎博羅削謝教。次日帶數十人向里額理省進發。一路福安。至米納諾省城接印。本屆日前遭兵亂。居民心意未定。新總督盡其大才慈悲理事。數月內里額理省事務局面大變。或官宦行強。小民受屈。即得伸其冤。彼時亞里無斯五月二日裂教之徒由東行至西方。米納諾城信輩分爲兩派。一從正道。一奉裂教。當時之總鑒牧道不精。亦背正奉邪。是年患病身死。本省衆主教明知米納諾士庶心意不一。恐推陞新鑒牧。而彼服此抗。是以上奏請

帝主此大事。帝批曰。朕難辨識誰人堪任鑿牧之職。且推薦此人乃卿等之本職。惟望新鑿牧遇事直諫。朕必順其善言。衆主教只得來米納諾。在經堂會同商議。城民依彼時之俗。忝坐滿堂與議。過數點鐘。衆議紛紛不和。始則聲鬧言爭。末至分班。看看將動粗。巡兵早報此事。進總督衙門。盎博羅削坐轎來堂。衆見停聲靜聽。總督上臺。和顏明聲勸衆民勿阻主教議事。並說信輩惟當心同意合。以衆主教所推薦之士爲天主所選擇之主教。而認之爲總靈牧。再說國律嚴禁在公堂罵撓。放肆不規者。必照例拿辦等語。正說間。忽聞人叢中孩聲喊道。盎博羅削主教。盎博羅削主教。衆人驚聞寂然片時。隨思孩童此言乃天主默示所發。遂不分彼此。均同心合聲喊道。盎博羅削主教。盎博羅削主教。總督奇甚。力辭。信輩不聽。羣送總督至私衙。一路吶喊。

盜博羅劄主教。衆鑿牧亦請總督曰。此事乃天主所爲。制軍不可辭。盜博羅劄自稱不堪。而尋計欲免受強。是日坐堂提犯人數名來案。假意猛怒。命動大刑。心想衆鑿牧及士庶。得此事必以總督爲人暴虐。不可當純善之鑿牧。但衆知盜博羅劄素性仁愛過人。今日見伊惡言虐行。即將其意看破。而笑其計之不行。盜博羅劄再設一法。是夜傳請妓女數名入衙歌舞。流言總督欲取樂散悶。意望衆疑其事淫。便說不可當鑿牧。但衙內外士庶皆知總督自幼貞潔無亂。遂笑他假浮欺人耳目。而終不稍疑其德。盜博羅劄無奈。只得暗地離衙出城欲遊。想要到無人相識之地隱匿。待米納諾有新鑿牧方回。但雖行走通夜。而次早天明自覺尙在城門外不過一里之遙。當時爲民衆認出。羣擁送回衙來。朝夕看守不放。衆鑿牧見事難解。乃上奏請命。帝

御筆作書寄至米網諾總督處。內稱盎博羅削既爲士庶選富鑿牧，應即俯首奉天主命不可推辭。盎博羅削見諭只得順服，且先領洗。彼時有許多熱心人待臨終至方纔領洗，意謂秘跡盡滅，一生之罪罰可即時升天。然後續入神品各秩，而竟陞爲鑿牧。

此後細讀各世善牧之言行而日夜效學。視窮苦如家中最當憐惜之子女，而盡心保護賑濟。自視如屬民之父母而愛情愛衆，盡其學能以訓之，竭其權力以庇之。公事雖繁，却令家人每日放信輩入府面見投稟隨意。主教容顏安祥欸緬，各人侃概詳批其稟而勸勵於善。衆退，即看書筆寫，如坐無人之地，內外謙遜，忍耐無一善一行之任性。衣食至儉，家俱至樸，然而儉樸之中舉止肅穆，勢仍存生來自有之尊威。自視若神人，兩間通事之欽使。天主使道訓信輩信託託之轉求其衆所需是以克苦之外，尚祈禱不息，哀懇上主降恩寬赦罪人，堅

固善類。光照裂教及異端。人民辨別道之虛實。棄邪奉正。朝夕讀聖經與公義書。使聖學成全。一面富融古今各世書。能辯內外各道之奧義。兼之舌辯異常。教內教外人衆愛聽。筆法清秀。文墨人無不賞其作。種種材能極令士庶敬服。數年之光景。蓋博羅制之大名傳於通國。

時羅瑪分爲東西兩國。西曆三百七十五。西帝崩駕。太子年紀十六歲繼位。即是厄納西盎。素聞蓋博羅制主教才德蓋同世。即遣使請教。主教上奏明辨當時之事。新君當如何持政以享太平世界。帝覽奏大喜。愈加敬愛主教。而照其訓理國事。此時東君之政不善。內則覆庇亞里無斯裂教禁信輩。外不能敵我蠻。西曆三百七十八。與蠻軍交鋒。大敗。燒死於民房內。看三月廿九日西君封特阿多爵爲帝。轄制東方。新帝有明君之才。坐位後大興本國而平聖教。

是年西君正位於米納諾，事事與盎博羅削主教商議。主教可不召而入朝。聖人老成謀國，政治酌機，威而不猛，敬不示弱。是年請帝會聚數省鑾牧議聖教事務，帝批行。衆鑾牧將袞教主教數人，貶職，另舉正道之士坐其位。事畢，衆鑾牧歸廬。

且說凡人受屈，而請盎博羅削相助，聖人無不垂允。如是澤救士庶多人於蕩產身亡。有訟事者，素知主教大智且仁，即不稟官而來，聖人處請審判。後曲直兩皆心服。聖人雖爲世事撓擾如是，却不稍缺鑾牧之職分。每日講聖道之外，還接本屬往來之鑿德。細問各方教類之事，而以善言謀之。公事微暇，即檢筆作函著書。其中有一部論貞潔之德，婦女們讀之，有許多守節守貞大興聖教。

此時聖人之母親已過世。大姐在羅瑪苦修。二人互相致函往來。兄撒的祿早回米納諾與主教同居。弟兄意合如一。凡是家內事務銀錢等項。盎博羅削委兄辦理。撒的祿自孩年習善。在此每日見弟之行。聞弟之言。而自然操德日精。不幸年紀四十餘。染重病。瑪爾瑟理納聞信來服侍湯藥。同主教千方欲救之。但病日加。究竟撒的祿領聖事辭。姐姐兄弟而善終。聖人心血哭之。書上存數篇紀此事。明證其苦情。而令人同慘。

西曆三百八十三。帥法地馬步軍之統領名瑪濟默作反。西君厄納西盎入法欲征。不但不遂意。而且敗兵死於刀下。盎博羅削聞言大慟。稱此事乃國家及聖教之大災。厄納西盎之胞弟法能弟。仲年十二歲繼兄位。太后理事。爲人多詐。覆庇裂教頭。日前惱恨盎博羅削。但迫於國事之艱難。乃召聖人。以

幼帝相托。哀請主教奉使入法去見瑪濟默說和。稱他爲帝割法英之地與伊爲國。聖人絕不思太后昔日之仇。惟憐新帝母子之窘難。卽日告辭北面速行。在瑪濟默營中數月緩緩說事。只圖延日。致主君能作備禦敵。究竟瑪濟默願和書約蓋印。聖人告辭回國。太后歡喜謝主教奉遠使之勞。隨後見事定國安。便復新舊仇。恨盜博羅創。特護裂教。某日召聖人令讓某聖堂與裂教人作禮。聖人奏曰。無有鑒。牧讓聖堂與裂教之理。並無國君強佔聖堂之例。幼帝道。朕可有聖堂與聖禮。主教奏道。交聖堂與裂教行禮乃無義之事。陛下不可主無義。時城中謠傳太后欲殺主教。衆百姓一時聚集圍着皇殿。喊放盜博羅創出來。太后畏懼放之。次年仍令聖人交出聖堂。聖人不聽。一日弄權之某宦官來見主教出驚嚇之言。聖人無懼色。宦官大怒說道。汝

不聽令。我當殺汝。聖人安祥應道。我爲義而致命。可謂行驛牧之事。汝悖義殺主教。卽是爲宦官之務。越數日。傳說太后將遣兵強佔聖堂。聖人卽入聖堂。衆民羣來聖堂內外保守。數日數夜不回家。聖人只憂兵士與民人交鋒。而傷殘人命不知若干。遂時時勸信輩息怒。並時常哀求天主施佑變化帝之心。一面兵將見太后所令乃無理之事。而民衆捨命同心欲戰。乃上奏請止。太后不得已退兵罷事。城民大樂。過數日。主教幸遷聖熱爾瓦削聖波羅大側之墓於聖堂內。六月十九聚衆信輩謝主存經堂之恩。聖奧斯定。八月二回頭於此時。雖爲主所化。却亦得益。博羅才德破疑引導。方棄邪歸正。聖人益聖教之功莫大於此。

次年間諜回報僭篡君位之瑪濟默備糧練兵。有意動干戈。國母駭然問何人

可去覲見。以遷先帝之尸回國爲名。實則細考其心意如何。衆臣應道。盜博羅。削主教可奉此使。國后無奈。只得召主教。遙然請勿懷記前事。竟說國難。問主教可不辭勞去。見瑪濟默否。聖人慷慨應去。卽時辭別北行。月餘到得助勿京都。見君卽明透其心。遂責之以昔日攻殺正帝。士庶共憤之罪。一面長談本國兵將之多。且勇。山路難行。城池堅固。加以東君視本國幼君若子。臨危必與之共力敵仇等語。次日朝官來見。盜博羅。削令之卽離國境。主教昂然出京都。上路回本京。見國后幼帝說實情。次日有佞臣數人奏帝。稱盜博羅。削矜驕惹北君之怒。北君不日必動兵來攻。不如另遣一人再去見。柔言平其心。帝與后然其言。使某官到北京。公使見北君叙禮後。直說主君風聞前使之言過大。恐不免有觸友君之威。特遣之此來賠禮。又說主君惟願

與北君敦睦共力敵境外之各種蠻兵等語。

且說北君日前因盜博羅削之言懷恨是實。但見主教憤然說本國武備成全。可朝夕接仗迎敵無懼。便懷疑不敢攻隣國。今見新公使來賠禮請和。卽知隣君劣弱。其國勢虛。故心下大喜。暗想道。此國爲我所得也。乃優禮待公使。每日請議事。竟放之曰。西北兩國唇齒之邦也。當竭力相顧。以免外患。現今貴國境上有許多蠻兵。時常攻擊欲侵。朕願托精兵數萬與卿帥之回國。任卿之幼君用之保國。公使大喜道。正仁言也。臣願如命。過數日。公使帥數萬雄兵南面進發。守邊界之將士有令。自然放之入境不戰。北君又帶大兵在後。遣程而至。西國之兵意謂兩有約。亦放入內地。如是北君不戰而得其地。西君與太后自知爲北君所算。忙忙逃竄海邊。上船過海到東京。自托於東

君。北君直入米納諾正位。盎博羅削不之避。亦不出城迎接。惟安居府中候事。士庶雖迎新君。却冷落無趣。君目擊心恨。但不敢造次。惟各處設兵守地。話說東君特阿多爵比時年紀四十二。信德可稱。聞得西君喪國而至。即遣官員以君禮迎接母子來殿。父情訓幼帝曰。由今日之艱難。吾子可知保國以軍兵不足。猶須固之以大義。吾子之君父全心敬天主。願聖道而大興羅瑪西國。其胞弟在此治東國。偏信裂教虐禁信輩。而竟敗仗死於兵亂。爲奉教不正心敬基利斯督者。其在危急而呼佑。誰施佑助勝哉。幼帝此時年紀十五歲。聞東君此言。掉淚說道。自今以後。兒必誠心敬天主。護正道。

東君即時聚兵將向西而行。因兵法可稱。善政久得軍民之心。此役必敗北君。兩月之光景。果然全勝。捉敵君而殺之。隨來米納諾助西君平民心。寵愛主

教時常請之來朝議事。惟願通國正道行而邪道滅。惟望各省地方官與靈牧同心合意理事。是以與聖人商議國政。與聖教聖教助國政。兩相兼益之善法。一兩年羅馬西國太平。此後東國不幸生事。其事關係國君與盎博羅削。茲不得不紀之。

東國之馬斯端省城名戴撒勞尼。有善御馬車。

現今之人。騎馬。古人。惟御車。駕快馬。容會。

之某夫爲

城民眷愛。其人長於御車。短於理義。是年犯法爲官監禁。民心不服。聚衆喊放。官不從。民執器械生亂。制軍帶官數員。兵士數百。欲彈壓。皆爲橫民所殺。帝在米納諾。得書知悉此事。大怒。怒問出言道。戴撒勞尼衆民殺我官。衆民當負罪。主教聞言來諫。勸帝息怒。緩辦此事。勿致不察。正兇。猛伸國法。而連累無罪之好人。說訖出朝。心想帝素不任性。必智辦此事如常。殊不知朝臣

怒盛，勸帝行個榜樣與通國知曉。衆民殺官，衆民當死等語。帝怒未息，朝臣此言如火上加油。一時失言，令殺衆民，並委新總督奉令。總督星夜到省城。一日放兵亂殺居民男女老幼不分，死者七千人。通國聞風，悚然責君任怒不從理，益博羅削大痛，痛人命許多無辜而慘死，亦痛賢君頃刻失其榮而天主臺前成大犯。乃上奏善言，請帝恨罪，明顯悔前事之意，與士庶知悉。帝一時硬心不自明，遂不聽勸，帶文武出殿，欲來聖堂誦經與彌撒如常。比時規矩，凡有衆人共知之大罪者，不可入聖堂。惟當先行所定之補贖，然後准之同衆信輩入堂。四月十九與二十兩日切想帝步行將入經堂，只見主教穿着如將登祭臺，立在門口威凜戒曰：陛下請止步。所犯之罪重大，豈可不作補贖而進聖堂哉。人命不分君民，在主前均貴。陛下任怒殘傷人命數千，何堪入萬靈

主之聖堂乎。豈可舉血手在主前以祈禱耶。豈可血手領聖體以共聖餐耶。

當日領聖體者先以手接之。

豈可血辱近聖爵以飲聖血耶。

時領聖體者亦領聖血。帝怒命殺人故說血辱。陛下

請退。勿罪上加罪。請服於聖教之法。以痊靈魂之恙。帝俯首立聽。至主教說訖。無言慢退。隨後良心責於內。日夜愁悶無安。但爲佞臣所惑。八月之久。無挽回之心。究竟聖誕瞻禮前數日。帝心下愈悶。離殿步至聖堂。主教心想帝有意犯規。強入。故仍立門前欲勸之改心。帝痛然曰。朕此來非欲行強。惟推思大主仁慈。不棄痛悔之罪人。是以望主教准入堂。主教定補贖朕必行之。聖人大喜。善言撫慰國君。然後奏曰。不求別事。惟願陛下定新例曰。命案及充民財帛入官各案。定後必緩三十日方行。帝令即時書此新例。蓋印後。主教迎帝入堂。帝行至祭臺前。仆伏額地。題聖詠曰。主我靈附於爾堂之地。

求休爾言而復活我。隨與聖事如常。以後記此事謂衆臣曰。今朕明悉鑒牧爲何等之人者。惟盎博羅削也。帝不但不冷視聖人。反且愈加寵愛。復越一年。見幼君法能弟。仲年將二十。可主國政。乃離米納諾回東京。

彼時太后已卸世。幼帝信德。確正全心敬主。胞姐二人在宮守貞。可謂通國婦女之表。帝愛盎博羅削如父。各事商之。而主政至賢。士庶敬愛。惟願法能弟。仲久坐帝位。治國太平享福。但世福不長。次年幼帝入法地。閱邊。爲總統軍事之亞爾玻家所弑。通國聞知此事。無不憎恨。盎博羅削父情疼痛不可言。奸兒亞爾玻家未奉教。自不篡帝位。但舉異教士名歐日擲爲帝。君臣有意復興菩薩。敗聖教。遂各省推舉異教人爲官。貶信輩爲庶。盎博羅削竭力敵君臣。以堅固善民。一面切望東君復來。征賊平西方。每日祈求天主助之。東

君特阿多爵本願興兵。但東方有事一時不能遂意。過兩年東國太平。特阿多爵即時帶大軍西面而進。畧逾兩月二軍相對。歐日擲與亞爾玻家旌旗。上畫有菩薩。每日在其前祭牛羊等獸。許勝後拆天主聖堂與古廟。東帝轄下各隊以十字爲旗。以公斯當定大皇之納把隆十八爲皇旗。每日獻聖祭求主顯能。第一回交戰未分勝負。東軍數將奏帝曰。亞爾玻家兵法有名。手下將士且多且勇。恐再戰無益。不如暫停數日。招某省之新軍來助。那時方進再戰以決雌雄。帝批曰。十字聖像不可在菩薩前退一步。明日復戰必見天主之能。次早交鋒酣戰半日。竟東軍全勝斬賊君。餘下衆兵將投降。帝即時遣使到米納諾與盎博羅削報捷。聖人大樂來接帝進城。士庶復再歡幸一時。但特阿多爵勞心多年。身力將盡。是年西曆三百九十五染病。自知不

能痊。乃分國與兩子。一在東一在西。某日加病。忙忙請主教來顧臨終。熱切領聖事。然後將兩子託於聖人而安。平生逝。又是盎博羅削大痛之日期。雙目淚跡不乾。一面在聖堂讚頌亡帝信德之確。賢智英勇之妙。

彼時羅馬大國之榮時盡。頹敗之日將臨也。讀九月三十日 盎博羅削大智目

觀文武官宦貪利忘義。幼君懦弱無志氣。即預知後患。是以愈加厭惡世務。

日習聖德愈切。講道著書盡心訓誨信輩。日則朝夕仰慕天福。欲享安息。一

日解聖詠第四十三章。幕賓在傍執筆錄其言。此詠第二十節云。主爾抑吾

儕於苦愁之地。死亡之影若衣而服吾身。幕賓載曰。主教將此節解畢。忽然

異聲嘆曰。苦哉居世而待死亡變生活之日。人之身死始於其生之日人

哉住世而推運此死影所衣之身軀。主其醒焉。之永生始於其身死之期主爾眠也乎。苦

求主垂聽之詞主爾眠也乎。問主忘却否

棄十至於何時哉。話至此。吾見火球臨其額。附其唇。時主教之容變白若雪。吾心懼。手木不能動筆。主教亦未終其解。此後未再授言於吾紀錄。

越數日。聖人患病。胞姐瑪爾瑟理納由羅瑪來米納諾服事聖人。但百藥不效。通城知悉無不傷心。國相曰。此人之死乃本國之敗。遂集文武大員與益博羅。削特愛之人同齊來見。哀求主教祈禱。天主賞之留世數年。聖人慈言應道。據弟生平所爲。若當留居兄等之間。弟亦無由羞慙。一面我等所事之天主。慈悲至極。弟不恐懼。不辭死。是時乃聖七內瞻禮六晨。聖人在床。直身舒雙手似十字。而沉默五點鐘不動。竟領聖事。辭聖姐與衆友而逝。遠近士庶來送喪。

時西曆三百九十七年。

聖人之名傳於聖教。世世不忘。其書亦存。讀之可畧知聖人之心。

切想

福音瑪竇二十四章四十五節云。汝意誰爲忠智之僕。其主人派爲家督。按時給食於家人。苟主至適。見其供事斯僕。福哉。我實語汝。主必託其總理諸業。盎博羅削年紀三十餘。爲天主所派。以督其家在米納諾之地。心意當包含君臣士庶而供之。以神糧。聖人才德足勝此任。在小民中懷父情。竭力養其靈。貧其身。除其難。在官宦之間。性直無僞。是是非非。不飾其言。不粉其行。在帝前。至忠無佞。以帝爲國民當奉之權。以天主爲治帝之大君。帝順天主。誠命出令。盎博羅削從令不二心。帝犯主命於政事。盎博羅削力諫。不懼危。讀其善行者。若有暗責聖人。待特阿多爵。嚴厲過分。說此事難免。不得國君之體。

致令民輕視上者以失敬。千應之曰。盎博羅削知其君亦知其民。故有此舉。君之信德穩確。雖一時任性聽譖。佞自誤。却早遲必回心。服於聖教。當時之法。一面民衆皆量帝王當守天主之聖法。如俗人。見特阿多爵犯大罪。即厭見其罪。後謙遜求赦。認補贖。必不但不失禮。而且倍加敬愛。致國君自謙而天主臺前有功。人目中有榮。士庶因此益稱聖道之威嚴。而愈見恐懼。作惡聖人預事先算各情。是以禁帝入聖堂。訓之以補贖之緊要。且後事正如聖人所算。掌故家世世記此事。讚頌國君之信德。主教之剛勇。帝亦愈感聖人之德。是以寵之比前愈幸。臨終之時。獨領其安慰。而與之託孤。

盎博羅削生平爲天主之忠僕。以聖道以祕跡給主之家。不悖義。故臨終不懼。宦官欲殺之。聖人對曰。我爲義致命。可謂行鑒牧之事。汝悖義殺主教。即稱

爲宦官之務。話說得甚當。足證盎博羅削量事之靈慧。視死如歸之大志。復過多年。聖人心意。愈亡於世務。貪望永生愈切。雖至榮在世成賞中之貴。然神目仰視天國。而朝夕願身遊登天。是以解聖詠。忽而若失言露密情於外。曰。苦哉。居世而待死亡。變生活之日。苦哉。住世而推運此死影所衣之身軀。主其醒焉。主眠也乎。棄予至於何時乎。此言明顯。聖人們與常人不相同之情。常人視身軀之強若生活之本。現世若牛活之區。聖人以身之誕生爲死亡之始。以身歿世爲入常生之福期。盎博羅削與諸大聖之意相合。故曰。身軀在世乃死亡所衣。故稱身逝之日乃死亡變生活之時。此乃慧鳥將亡之哀鳴。亦是鑿牧將卸世之善語。火球發現於盎博羅削之額。明示天主不眠亦不棄。惟垂聽其號聲。不日必接之登福國。永享妙賞。聖人知之。是以國相

帶衆文武望主教祈禱天主賜之多留數年。聖人不從。惟和平應道。我等所事之天主仁慈至極。弟無恐懼不辭死。真可題福音之言。讚頌曰。斯僕福也。我實語汝。主必託其總理諸業。蓋博羅削在世爲帝所寵而榮。在天爲天主所幸而榮。百倍無終。斯僕福也。

省察 我或貴或賤。或大或小。皆是天主之僕。皆可善訓或善表。益上主之家。我生平忠信。可謂福也。我悖義終身。禍必無窮。我知之麼。

定志 自今以後。我自視若天主家中之僕。竭力從主命。益主家。榮主名。以得永福。

八日 聖母無原罪之始胎

天主全智於未造天地人物之先，永遠明知原祖亞當厄襪犯罪之惡，同時聖子預定降生救贖人類之善志。一面天主亦預思造一女爲聖子取人性成人之貞母。原祖犯罪之日，天主詈判魔蛇畧曰：我將置汝與女，及汝子與女之子，爲仇。將來女必踏汝頭。此乃上主初許聖子將來生於女，勝魔救人類之言。復逾數千年，所定之時至，天主選擇如達國達味王後孫聖若亞敬及聖婦安納爲救世主聖母之雙親。夫婦同居多年無嗣，惟以欽崇天主行善爲終日之念，究竟上主賜安納懷孕，特造一最美最善之靈魂結合其胎。本來按照公法，此靈當染原罪於母懷而與衆人同例，但天主免之，致賞此靈或受造之時，或在安納懷中與胎結合，而恒一純善無玷，孕期足月，安納產

生一女。即將來娠生救世主之聖瑪利亞。

以此可見開闢以來。由女所生之人中。無有與聖母瑪利亞同恩者。男女衆人。各在母胎染原罪成大主之仇。出世之際。皆負此罪。設若不用天主所定解此惡之聖法。必存其玷。至身終不脫。且聖若翰洗者與聖日肋米亞受孕時。其靈固按常律玷染原罪。惟天主未迨二聖出世。而先赦其原罪於母胎之內。如是則不及聖母多也。一面聖母雖因無原罪而尊貴超過衆人。却自然不可比主耶穌。聖母由人道而始孕。耶穌不由人道而獨以聖神妙工受懷於母胎。是日聖經之言成驗。鬼蛇不但不能傷聖瑪利亞。反爲無原罪聖母瑪利亞所產之天主聖子所敗。

自聖教初傳於世。各方聖師相繼稱頌聖母無原罪之始胎。在羅馬早立有瞻

禮辦聖母始孕之福日。隨後各國各省州府縣願辦此瞻禮。或欲以聖瑪利亞無原罪之名號。而立會造聖堂者。列位教宗每每准行不禁。是以雖未定此道若當信不可疑之端。然各方之鑒牧神父信輩早已世世甘心確信。或有人著書載聖母受主恩成善在母胎。但非在始孕之正刻者。教宗即責之不從真傳。並言聖母無先染原罪而後受恩得罪赦之事。惟蒙主特愛。因主耶穌之功勞。而始孕之初頃。靈魂肉身即至善無玷。且前三百餘年衆鑒牧聚在德里登東城。同証衆人染原罪在母胎之道。即解其衆字曰。茲吾等無意包含聖母瑪利亞在此衆字之義內。可知衆鑒牧心意必信聖母無原罪始孕。

此三百年內各國君王。各方鑒牧。鐸德隱士。各世之聖人聖師。前後懇祈列位

教宗明定此道，令普地教友確信。教宗雖垂聽衆聲，但緩延俟候天主之時。究竟西曆一千八百五十四華大清咸豐四年，教宗必約第九商於普天下衆鑒牧，並祈禱齋戒之後，示諭各國主教鑾德信輩將事了結。令各人全意信聖母瑪利亞，始孕無原罪之道，乃天主所默示於世。若有固執不信者，斯人即裂於正教而廢信德，不能救靈魂。

據上文可知必約第九未出此言之前，信輩各人可信亦可不信此道隨意。但教宗定斷之後，其聲若天主之聲，你我不可疑。爲信輩只當俯首拜曰：我依教宗不能有錯之訓，確信聖母瑪利亞始孕無原罪。

教宗旨諭出，五洲各國之信輩大喜，點燈放烟火讚頌聖瑪利亞，並謝上主光榮其母之恩。復過四年聖母瑪利亞發顯於露德，二月十日謂伯爾納德曰：余

乃始孕無玷。意若欲証教宗之言。自此以來。賞賜信輩異恩無數。致靠望聖母者日多。此乃今日瞻禮之畧題。明示聖教稱聖母無原罪之道。非新異。乃自古時列位教宗與各方牧鐸。德聖師教友。世世相連所信之道。所有不同之事。昔日信輩可不信此端。而不裂於信德。現今人人當信。否則犯大罪而背正理。

茲可查天主免聖母染原罪。並聖教命衆教友信此道之故。

一、天主免聖母染原罪之故。

按天主管治人類當事之規。若人當奉一任。其所受之恩佑必與其任相等。其任愈大愈重。其人必受本性及超性之才能愈高愈精。讀古聖經可見先知顯聖跡者。皆是預備救世主路道之人。迨至天主聖子將降生。上主即擇聖

若翰洗者爲聖子之先導。其任比衆先知愈尊。便赦其原罪在母胎。而賞之以恩惠較昔前之聖人愈妙。

但有與救世主愈親之人。其母是也。此女當爲女中至善至美至貴之女。是以上主賞之以畫世聖人聖女不能受享之恩澤。初則始孕而無原罪。次懷教世主而不失童貞。雖爲亞當之後。而終日身靈無纖毫之玷汚。此諸奧情。皆甚富矣。蓋天主之選聖母。其意爲何。曰。其意在使聖母助辦消滅原罪惡驗。害世之大功。在使聖母產生贖人類於罪惡之榮主。然產生滅罪者之女。豈可先成罪惡之奴哉。將驗聖經之言而躋鬼蛇頭顱之女。豈可於入生之時受其毒舌之噬而致損傷。將懷至善天主子之女。豈可先沾惡濁而汚穢。將生和睦天主於人類者之女。豈可先前染罪成天主之仇。天主自永遠所稱

爲母之女。豈可始有罪而爲主所厭哉。爲信輩能洞天主之尊。必咸稱曰不可。不可。按天主尊榮。及主始終成事之賢智而推測。聖母必當與衆人有異。而邀免原罪之汚。

裂教人常責聖教曰。稱耶穌之母無原罪。乃榮其母而辱其子之罪。耶穌至善無罪。而以此善爲至榮。設若其母亦未染原罪。可曰無罪者二。無罪者二。則耶穌之榮減矣。曰。如此而論。即言天主聖子嫉妬其母。因恐聖母篡其榮。故不賜榮與之。異哉斯言也。說者假借榮主之故而實辱之。國君榮國母。豈懼母榮掩君之榮乎。何況天主耶。其榮成全無始無終。全能全美全善。所賜於天神聖人之榮。雖大至不可思。却比之於主之本榮。則若海中取水一杯。且聖教稱聖母無原罪。始孕無玷。雖榮聖母。而其意首在榮其子耶穌也。天主

父免聖母不染原罪。其聖意亦不止於聖母。而實及於聖子。蓋聖母不因本功。惟由聖子預事效驗無量之功。而得受此異恩。救世主之初功在此。以苦難身死之功。勞榮其母在衆人之上。必以此功自榮。

此乃自古迄今。世世聖師明燭之正道。其書篇篇稱聖母至潔無玷之童貞。茨

中之百合花。

此花表
意潔淨

未犁而至新之土。至美至香。四時不卸之花。上主樂享。

鬼蛇不能入之地堂。聖神所封至淨之泉。永生之寶藏。種種名目。詳証聖母始孕無玷之道。非聖教於前五十年新造。而令衆人認信之端。乃古今各方列聖書所函之正理。且古聖經首章所記。天主責鬼蛇。預言一女踏其頭之句。卽此意也。其道隨時續見。載於聖經各卷。致先知聖人愈近於救世主降生之時。其言愈詳。未竟期到。聖加庇厄爾奉使自天來報聖瑪利亞。卽總括

以前衆聖之言而拜之曰。申爾福瑪利亞滿被聖寵者。若曰。福哉爾。天主所特寵幸至免爾染原本二罪。至選爾爲其聖子之母。

或曰。聖母始孕無玷之道。出於聖教世世之傳。若木之出於根。花之於木。菓之於花。數百年前未定此道。隨人可信可疑。信與不信。隨人自主。乃忽至西曆一千八百五十四年。教宗旨諭普地教友。令信此端。却是何故。

二、答曰。三百餘年來。呂得祿家爾云等。裂教頭著書。玷辱聖瑪利亞。特此聖教辯駁其邪。而盡心榮揚聖母。昔日助斯多里無斯謬傳聖瑪利亞不可稱天主聖母。教宗遣使聚衆。鑿牧在厄福西約共絕其謬。四月六日迨至呂得祿等師徒妄言聖母非童貞。聖教信輩則恒誦昔日各世各方信輩所誦之信。要經曰。我信其惟一子耶穌基利斯督我等主。我信其因聖神降孕。生於瑪利亞。

之童身云。且因裂教傳聖瑪利亞受孕有原罪若俗人然。是以聖教明證聖母始孕無玷而令衆教友信之。不信即裂於正道。

再者百多年來五洲各國有許多棄却信德。不但攻聖道一二端如昔日之裂教頭。惟一體概視原祖犯罪。天主降生贖人類之道。若虛誕不可信之妄言。聖教不得不迪訓當世之邪以破諸疑。而堅固信輩。然聖教一言而棄邪固正。其言旨諭普地確信聖母始孕無玷是也。何也。曰。信此言者。一、當信萬物之主管治人類。而嚴拒妄言天主不與人事之邪傳。二、當信衆人孕染原罪成天主之仇。否則聖母得免原罪乃俗常事非恩典。三、當信天主懲罪至極。否則不顯聖蹟以免聖母染之。如是亦駁邪道之妄言曰。天主不干預人之善惡。四、當信聖母蒙此異恩。乃出於天主聖子預事用苦難無限之功所

賜。如是亦駁邪書之道所載。天主子未曾降生以救人。總之。教宗一言。聖教緊要之道。全証於普地萬靈之耳。信者皆堅固。疑者皆辨駁。

且自一百年來。世學大興。財帛日廣。教友中有許多人。自傲自滿。心不服於天主所命。當信當行之道。惟貪圖富貴身樂。忘却後世。而以現世數年之福界限其願。是以罪惡日重。上傲下。下慢上。致各國太平之日少。內外之亂多。目覩現時大局。心下無不憂愁。深慮後者難不恐懼。聖教乘此時而定。聖母始孕無玷之道。其大智也。可望天后聖母喜悅。而加轉達保存世上衆子女。助各國之好民勝惡輩。並幸免國難而脫大患。

或曰。聖母雖喜悅而發現於露德。並年年顯聖蹟。然負聖母恩愛。背逆天主者日多。可信此事無大益於世人。曰。聖母雖發現。並四十年內明顯聖蹟。然背

逆上主失信德者多固是實。設若上主未遣聖母顯此諸聖蹟，誰能憶料當世局面更壞的何如。背逆者豈不一加三乎。世勢豈不愈險無比乎。聖母發現之效驗不可量。或聖教不榮聖母於西曆一千八百五十四年，而聖母或不現於露德亦不可知。聖母不來助信輩堅固信德，而聖教之事愈見不遂，亦不可算。且勿言聖教之勢現時弱敗，攻之者較前愈多愈惡是實。但虔行聖道而盡心竭力固聖道者，未見其少。此世乃鬼魔逆天主，惡輩攻聖類之陣場。現今戰仗及其酣猛，可望信輩蒙無原罪聖母之轉達，末竟獲勝敗魔。此工天主可一日而成，但工速成，善人之德由何而練，爲信輩不可失望而懷疑，只須終日靠望上主願救人之聖意，與聖母愛人如子女之慈心，而終日操善不懼惡人。

今日可祈求聖母曰。無原罪童貞天主聖母。懇祈爾轉達天主臺前保護聖教。於此艱難之世。使奉教各國之好人。勝惡輩。興善政。榮主事爾。賜我中華與各方異教之邦。識眞主奉正道。拜爾爲母。懇求追念世上衆信輩。實是汝之子女。務望爾慈悲天上之母。轉禱恩主。默啟我衆。效學爾德。堅心確望。切愛上主。助我等勝過原罪。所生於心性之諸惡。朝夕畏罪立功。顯揚主悅樂。爾光榮聖教。善生福終。永遠讚頌造物主在天國。亞孟。

聖瑪利亞始孕無玷。乃天主寵幸聖母之首兆。此月當用數日切想。畧說聖母出世後所受之恩。所操之德。

九日 聖甘約雅聖法隆二位主教 聖女法納童貞

法國磨城之地有某家夫婦與聖俄德祿八月廿四之父母有親戚富貴與之彷彿。續生兩子兩女。兄姐弟妹均有名於聖教傳書。大姐雅尼度德所居何地所爲何事。書籍無有紀載。只知其善生福終。茲畧記其餘三兄妹之事。

長兄甘約雅幼時奉父命入呂斯爾院讀書。在此同官宦子弟數十人習學操

善。聖葛隆邦

十一月廿一日

愛其才德。時胞弟法隆與妹法納均尙小。在家居住。一

日聖葛隆邦經該處路過。甘約雅之父母優禮款待。聖人見其女兒預識之。爲將來立功之聖女。遂細心訓誨。以輕視富貴。獨事天主之善法。女兒歡喜對聖人曰。女兒願獻身。靈於主。以奉事之。不他。想。聖人飭言撫慰。後。獻之於主。便行。此後女兒聖德愈美。榮主之志日堅。

甘約雅年畧二十讀書卒業願在院隱修不回俗。父母准之。復過五六年陞神父。時法國東南王年幼不明。葛隆邦屢次善諫。王怒將聖人充出國境。聖人滯隱士數人掉淚離院。向法西國而行。

西君遣使接來京城。欸待竭力留着。但聖人謝恩辭別行法東國京都。東君亦歡然迎接苦留。越數日請聖人不拘何方擇地居住隨意。葛隆邦謝情。擇公斯當斯之地。造土屋同門弟艾爾十月十六等隱居於此。甘約雅在呂斯爾見聖師離院流徙外地。子心願從。但國君未准。甘約雅之父乃法東國之臣故東南君不愛數月後暗地出院入東國來從聖師。葛隆邦不時帶之入山避靜。或半月或一月。以石洞爲屋。菓爲食。晝夜沉默誦經。一日薄飧之期至。老師遣門弟采菓來。門弟如命即往。片時空手忙忙逃回。老師問故。門弟曰。有一熊且大且惡。在樹

上吃菓。老師曰。可復往。令熊如此如此。並與之定界。界內之菓歸我師徒。界外歸熊。兩不相犯。門弟依令。命熊下樹。熊如命。乃明定各界。嚴禁他勿來搶聖人之食。熊即時行到甘約雅所指之地。以後未見過界。彼時甘約雅之胞弟法隆在東朝當官。爲臣忠心。爲信輩切。

越數年。東南王帶大兵攻東王。獲全勝。佔其國。法隆逃赴西朝。事西君。且因所歷之艱難。而愈加心憐拯救他人於苦。一日。隣國使臣數人來見西君。議事。不知如何獲罪於君。君怒欲殺。法隆待君怒微平來見。面奏以奉教君當效天主聖子在世謙忍慈悲之道。竟求君緩一日。方定犯臣之罰。君允諾。次日君怒全息。不但不殺使臣。而且放之安然回國。

此時葛隆邦等離法過。籠把爾國。甘約雅送老師至國境。方辭別。而回呂斯爾。

院隱修如昔。

話說前數年某大員聘甘約雅之妹法納爲兒媳。父親許之。時法納年畧十五。六。因此心疼至染重病。三年不知生死如何。是年呂斯爾院長由此地經過。聞得此事來家。責家主逼女犯慮獲罪於天主。父親求聖人醫女。聖人誦經後法納病痊。聖人勸父親謝主恩。准其女守貞立功便行。未幾親家遣人欲迎法納過門行婚禮。父親願交之。女兒忙忙出家逃奔經堂內抱着祭臺不出。父親怒遣人前往。命強送回家。法納不從。來者把劍嚇之。法納曰。拔劍何意。欲驚嚇耶。我不怕死。天主聖子致命救我。我惟願致命報之。遣者不敢行強。國法在聖堂抱着祭臺之人不可強之出亦不可傷只得回報主人。越數日呂斯爾院長上復來。善說父親與親家。幸得勸衆人准法納守貞。並請施地與之造院同貞女數人。

隱修。父親允諾，賜地造院。完工後，送女在磨城主教處領頭巾，然後引之同貞女數位入院守呂斯爾之規。次年甘約雅另造一院在近處，帶呂斯爾隱士數人來住。兄妹各理各院之事，言行事事效學老師聖葛隆邦，聲名速傳四方。法英等國有大家之子女來從二聖。

再過數年，東南國王崩駕，法西之國君併三國爲一。法隆當大臣，德功日明。某年日爾曼人侵界，法君帶兵去敵。法隆從之，且文武雙全，在此役立大功。但在陣上勇謀可稱，即在日爾曼民中阻兵士槍掠戮殺，無處不行仁愛之榜樣。君凱捷回廷，愈加寵幸。法隆雖得其勢，却不私顧本家，惟念小民之苦而盡心保護。一日從君獵獸，路傍一窮婦喊冤，請君救其家。君不與聞。法隆敬奏曰：陛下理法國之事，可比天主之管普地。君臣士庶國事難，陛下祈禱

天主默示保佑。可比此窮婦之求伸冤於陛下。上主所托之民。陛下若不拯救。將來陛下豈可祈求於主乎。君微怒。應道。此曹人甚多。豈能盡聽哉。說訖。躍馬入林。未上百步。馬跌倒。君翻身落地。重傷一脚。法隆慌忙下馬救駕。君謂之曰。朕不聽卿之言。錯矣。天主降罰。遂命與那窮婦伸冤。可見法隆爲臣不佞。盡心竭力事君。而不諂。是年回鄉。見父母兄妹。妹謂之曰。人得天下。而失靈。何禱之有。將以何者贖其靈乎。瑪竇十六章二十六節遂勸次兄離朝。隱修備善。終求永福。兄妹久論。未竟。法隆許之。熟思。緩備挂冠之大事。時甘約雅推陞耶城主教。辭院士與胞妹去。上任。公事微暇。即在聖文生爵院內。隱修與靜士等同規。

次年法隆決意出家隱修。乃商議其妻。妻對曰。妾出嫁本願事夫。至身終。茲夫

願獨事天主。妾不能阻止。夫棄世榮靜修。妾必效法其德。入女院預備善終。於是法隆上奏請君准他離朝去隱修。君初不准。次見法隆志定無改。乃推之爲磨城之鑿牧。法隆只得如命。遂送妻入女院。自靜居數月。然後入神品。續陞神父主教。方去上任。妻隱修數年。功德生死有名。方人中敬之如聖。衆神父信輩敬愛如萬善之規範。

時法納所掌之院大興。衆女之德稱於通國。天主甚喜師徒。而異恩賞賜。某年法納患病危極。院內某女心想長上身死。貞女等不能領其善訓。靈魂必致受虧。乃祈禱。吾主存長上在世。並自獻於主。代之染病身亡。即時受默示云。汝禱在主前。已蒙垂允。院長果然痊癒。那女當時患病。領聖事後。絕氣若死。衆女備衣服將行入殮之禮。只見那女活轉道。天主讓我日時補贖罪自淨。

說訖下床無病。此後仍然隱修六月。言行極善。未竟預知某日身亡。便日夜預備。期到果然福終。臥房內妙香噴射樂衆。又有一女某日聽長上勸諭。心發熱切異常。並受魂超神目見天事。歡樂不自在而醒覺。迨至法納勸語說畢。那女跪地稟曰。求長上准我身死去見天主。法納聞言即知其受異恩。遂應道。吾願天主聖旨成於汝。言未訖那女面福身亡。以此數句可知法納與衆同伴之德。

三聖之中。長兄甘約雅先卸世。當主教畧十五年。染病在聖文生爵院內而福終。身埋於院中聖堂內。時西曆六百四十年。生前死後顯聖蹟。爲後人世世所敬。

法隆當鑿牧四十餘年。同兄長與聖俄德祿聖額理日約本月一日等堅固信輩正

聖道大益聖教於西方。年紀八旬安死。時西曆畧六百七十二。名傳於後世
不忘。

法融年畧八十患病。領聖事後。見衆女在榻前。謂之曰。吾女當細心愛天主在
萬有之上。和睦同心。若一家之姐妹。愛主必全守其規誡。互相和睦。必享太
平於此屋。汝等之親戚朋友。與凡有恩惠於此屋者。汝等當時常記念在主
前而爲之祈禱。每日亦當祈求上主施捨困苦哀憐罪人。汝等所能行靈魂
肉身之哀矜。亦須慷慨而行。見人有過。錯切勿輕嫌。惟須自謙自遜。若辜負
天主許多恩佑。不堪之罪人。汝等之思念朝夕。當歸於主。苦中勿尋安慰。在
主之外。有德之貞女。必甘心背負恩主之十字架。而以忍耐愛情。變其苦爲
神樂。設若他人以仇恨陷害汝等。當效法主耶穌爲讐仇祈禱。而引之歸善。

說訖默然待天主之時。是日福終。年號不可定。生前死後顯聖蹟。聖名遺傳後世。所立之院大興名稱法納院。其女之善表榮聖教多世。

切想

弟兄相助有如固城。

諺語錄十八章十九節

天主造人。配男女爲夫婦。立家生子女。聖意

欲弟兄姐妹思念同血之親。互相眷愛和睦。遇禍相伴。有福共享。靈魂之事。弟兄姐妹亦須同心。你引我從。均行天路。此乃天主之命。此與人情甚合。與世事最順。但敗世素不如主命。弟不睦兄。兄不顧弟。弟兄姐妹悖情。各理其事。互相自視如外人。身務如是。靈魂之事更不必言。全無相助。同到天國之好心。各自懈怠於善。而放衆親人。惡言惡行。隨意。尙有愈可惡之事。弟兄姐妹互相憎恨。尋機相害。此乃野獸不作。而人中常見之大惡。或靈魂之事。而

弟兄姐妹互相誘引悖善犯天主之法亦有之。種種反原理之罪天地共恨。幸有從善之家。弟兄姐妹依倫相愛相顧。令衆目擊心悅稱美。亦有如今日之聖不但相待以正情。而且我勸你勵爭先操善。可慰天主聖心而取敬於後世焉。

甘約雅爲貴家之長子。不戀富榮。不尋世福。讓田地羹爵於弟法隆。自隱修謙遜窮苦。惟想救己救人。並勸弟與妹法納立志爲事先靈魂後肉身。重天榮輕世華。弟不忘兄之善表善訓。當大臣在君左右而以習德爲終日之慕。但不在君前諂媚害己害君。而反每每正諫。惟望君善其政福其民榮揚上主。法納效學長兄愈精。輕薄親事守貞。不圖在官家爲妻之榮華。寧可在靜院賤服薄食晝夜苦身。且心欲次兄全其善。勸之以聖經之言曰。人得天下

而失其靈。何禱之有。將以何者贖其靈乎。次兄從其言。挂冠棄朝。陞主教立大功。其功中長兄少妹必有股份。且法隆之妻美德堪入此家。聞得丈夫有分居之意。而自無言阻止。乃甘心棄富貴入院隱修終身。予讀此數篇書。且愛且心想道。聖經之言實也。弟兄相護可比固城。今日之數聖真弟兄姐妹也。身靈之事互相護助。而身安德固。各人遇難事有同心之親人勸勵勝難。或見面或寄書往來。各揭本心說所憂所喜。弟或兄或妹見字。知其心隨機應對。同其喜解其悶。聖經曰。得友者得寶藏。何況得如此之兄妹乎。且二人交友相顧於眼前之世事。雖深得其友之利在世。然若不同心操德。身死友沒。不得共受友誼之益。在後世。不得如三聖。生平習善意。合相顧身故得永賞。聖愛永存。同福榮聚於天國學之學之。

省察 弟兄姐妹相顧於身事是好，但若見相護於身靈事必更好。善表善言相勸相勵，其德堅固如城，世難不能敗之。身前大慰，死後大福。我知之麼？定志 自今以後，我等弟兄姐妹以相救於身靈之難爲念，望同心事主於世亦同享福於天。

十日 天神奉主命遷聖母居屋瞻禮

福音書載曰。黑落德薨後。上主天神夢現若瑟於厄日多曰。起。携嬰耶穌及其母

赴義臘爾地。蓋索嬰命者亡矣。若瑟起。携嬰及母赴義臘爾境。但聞亞爾格

老繼父黑落德爲如達亞王。不敢往。嗣於夢中見示。乃往加理肋境。比至。居

納匝肋城。瑪竇二章
二十等節

聖瑪利亞有房屋在納匝肋。領天神之報在此。救世主受孕亦在此。由厄日多

回來亦長成於此。年畧三十。由此往外。遊行如達國各城傳道。救世之大事

成後。信輩等以耶穌及其聖母所居之屋爲聖所。時常會聚於內誦經祈禱。

越二百餘年。聖后赫肋納八月十八造大經堂圍繞聖屋而縵舍之。此後各國教

友來此瞻看示敬。世代相繼畧過九百年。同人漸佔如達之地。戮殺信輩。西

曆一千二百九十一、華元世祖年間、將聖后赫肋納所造納匝肋之經堂拆毀。但敬存耶穌與聖母瑪利亞所居之屋。是年天主遣天神將聖屋遷去他方。

當知此屋不似中國所尙木柱木壁之屋。其乃石工造成。是故遷之難免不散而頽。但以天主全能。以天神之伶俐尙有何難事。上命旣出。天神即奉。某日納匝肋居民覺得聖母房屋不在。因未見人拆。亦未見頽圯。衆人大異。不知其故緣何。

離此地數千里之奧國達爾瑪西省羅尼匝地方中人亦於是日見一小屋立。在日前無房屋之處。衆大異來看。其屋之高大畧似西里亞小民所住之屋。四面之牆厚尺餘爲石所成。其石色紅而方正。入內則見天樓青色金星。牆

上畫的有像數張。正面有祭臺一座。苦像一架在上。祭臺右側小立櫃一架。裝家具數樣。左傍聖母抱耶穌木質大像立於臺上。衆人跪地誦經稱頌主耶穌與聖母。然不知此屋如何一夜之間得立於此。時方中主教患重病。聖母發現默示之曰。羅尼匝此奇屋乃主耶穌所居在納匝肋之聖屋。纔爲天神奉主命遷數千里來此。且將主教之病痊癒以破其疑。主教大喜即時駕臨羅尼匝謝恩並示諭屬民以聖母之言。遠近信輩聞風羣來朝拜聖屋不絕。主教同顯士數位航海到如達國納匝肋城。查得聖母房屋基址猶存。惟屋未見人拆而不在。細量基址。細問屋內外之模樣。即知羅尼匝之屋與昔前所敬於納匝肋之屋惟一。遂回鄉將所見所聞記於書。蓋印存留爲據。

第三年七月初一日。羅尼匝人來誦經如常。見聖屋不在。基址空存如初。家家

聞信心痛如死親人。羅尼匝乃海東岸之地。是日西岸意國之境。鄉下數人見一屋立於日前無屋之處。查其內外明知乃聖母之屋。斯言速傳四方。衆信輩來拜。過八月聖屋復遷數里於兩弟兄之業內。隨因信輩獻銀錢。弟兄貪利各欲獨佔此業。互相爭論謀殺。聖屋再爲天神遷移一二百步。立於大路中公衆之地。在此六百餘年未動。

過二三十年本方主教造大經堂四面圍着聖屋在內。遠近之人續漸造房屋。與一城名羅赫多。自比迄今各國之帝王士庶世世來此地朝拜聖母之屋。所顯之聖蹟無數。衆人所得之恩無限。聖堂內可見還愿者所獻之貴物掩牆遮壁。聖堂牌坊上刻有鍍金大字曰。天主子降生爲人於聖母懷中之房屋。

歐辣利亞 留加弟亞 二聖女 童貞致命

西曆三百零三年。華晉惠帝年間。西班牙與羅瑪未曾分國。總督奉惠帝之令。禁聖道虐信輩。一日多肋多城異教人訟幼女留加弟亞。背祖傳從天主教。總督放差捕鞫幼女來案。令之背主。留加弟亞答曰。願身死。不能棄聖道。總督命鞭打。聖女忍當重刑無言。刑罷總督令解之下獄。候案聖女欣然入獄。惟望早死於此而升天。

時黑利達城有幼女歐辣利亞。年紀十三四。守貞虔敬天主。耳聞地方官虐殺信輩之惡。而心不忍坐視。背地出家來衙門。恰值官坐堂。歐辣利亞入堂。上前責官害好人之無理。官大異問姓名。所從何教。幼女應道。名歐辣利亞。欽崇天主教。官假情勸背教。聖女應道。我雖年幼。却不畏死。惟望証聖道致命。官

令重鞭。聖女美容不改喜色。忍當鞭刑。官命押之下獄。次日復提聖女到案。再鞭後。以滾沸之水。以燒化之鉛淋其身。聖女謂官曰。請細看我面。便將來得認識。在天主前。天主乃審判我之總主。我二人逮案。惟望仁主賞我在刑中証聖教之善。你不但無賞。猶將受殺無辜衆信輩之罰。官大怒。命拔聖女雙手之指甲。刑畢。令燒大火。置幼女在火中。畢命。刑役依令。少頃。聖女致命於火而升天。

信輩等敬埋其尸。現今聖髑在窩斐多城經堂內。患難之際。衆信輩抬之遊城。蒙聖女轉達。素得天主洪恩。

且說留加弟亞在獄中。聞得聖女歐辣利亞與各處教友受苦之慘事。心下大痛。哀求天主賞之速死。免見聖教之艱難。天主垂允其禱。聖女善靈離身去。

享天福。信輩等理之在城外。隨後造經堂於城中存聖蹟在內。

二聖之名世世傳於西方。

切想

聖詠曰。我等將入其堂。其足昔日所立之處。我等將欽崇於此。百三十一章七節 羅赫

多之聖屋。昔在納匝肋。雖窄小。微末。却尊貴。超過大國帝王之殿也。天主子

不但暫且足立於此。猶長居之二十餘年。而以此爲家屋。在此晝夜恭敬讚

頌天上父。萬萬天神聖人百年之讚頌。不如聖子一事一言。在此朝夕熟思

榮天上父之善法。而以承行其聖旨。爲神糧。威權能治天地。而遜然承行聖

母之意。能變石爲珍寶。而自下至作手工養身。千軍天神稱之爲天帝。而自

謙致人稱之爲木匠之兒。預知人憎恨虐殺之諸情形。而純然愛人。至甘心

願爲之釘死於苦架，且貪慕死期速來如饑如渴。天主聖子所發二十餘年愛聖父愛人之妙情，即發於此。其情可謂存於此屋之石，如花露美香之存於器焉。

天主子之母，始孕無玷之后亦住此。初則母情撫養嬰孩耶穌。次則享其智聽其訓，學其德，與之同心愛主愛人。雖愛子過於愛性命萬倍，而願祭之以榮。上主以救世人。此屋所開耶穌瑪利亞若瑟相語之妙言，所見耶穌瑪利亞若瑟之奇善，誰能思想。天地大主降臨於人之奇異，先顯於此。人蒙上恩加尊貴，致隣於天主之妙事亦成於此。追念此諸情者，誰不愛此屋，誰不願入其門，頌地謝救世主無限之愛哉。

西方各國之信輩無不懷此意。是故六百年來，各國之帝王官員，國后命婦，意

國民中男女貧富皆以聖詠之言自勵曰。我等將入其堂。其足昔日所立之處。我等將欽崇於此。遂來羅赫多朝拜聖屋。貴賤並肩入聖堂同心示敬。福者忘其福。禍者冥其禍。皆神樂讚頌救世主與聖母。母子之聖愛似若蘊存於此。聖愛可謂由地由石湧出若泉而滿信輩之心。美泉也。生活之泉也。世世所療身靈之病疾不可數所壯益於信望愛德之人無算。

吁嗟。羅赫多隔中華甚遠。我等不能前往朝拜救世主於其昔日度生之屋。但中國各處立有聖堂。聖堂亦是天主聖子居住之屋。我等入經堂之門亦當自勵曰。予將入其堂。其足所立之處。我當欽崇於此。愛聖堂者福。愛入聖堂。在主前虔祈者愈福。家中遇窘難。身靈覺苦愁。即可赴耶穌聖屋問謀求剛勇撫慰。耶穌乃至信之友至仁之主。見教友來堂即喜。聞其哀聲即臨。知其

辛苦必施佑。耶穌所在，聖母瑪利亞亦在。昔日耶穌在納匝肋住聖母之屋。現今普天下耶穌有聖屋，經堂而耶穌之屋亦是聖母之屋。我等入經堂若昔日門弟之入納匝肋聖屋，即見耶穌瑪利亞，可與之說心腹請教求恩。思之。

且在聖堂另須默想耶穌瑪利亞在納匝肋聖屋所習之善以效法。母子謙遜隱其無比之尊貴。惟朝夕留心奉上命榮主益人。我等當效學其謙卑純善忍耐。當以天主聖旨爲晝夜之念而小心翼翼奉從不背。

救世主另有房屋。善且貴超過納匝肋與各方之經堂。此屋即天堂。耶穌在此。聖瑪利亞亦在此永住。世間各聖堂可謂此妙屋之過廳。在世愛經堂喜朝拜祈禱耶穌瑪利亞於經堂者，死後必到天堂而爲主賞入內居住。臨終時

復可藉聖詠之言自勵曰。予將入其堂。其足所立之處。予將欽崇於此。

省察 納匝肋耶穌瑪利亞所居之屋。聖善。天主顯聖蹟留之於聖教。乃妙不可言之恩。能往羅赫多之地朝拜此屋者。福。但各處之聖堂亦是耶穌瑪利亞之屋。我在聖堂可與救世主與其聖母說我心腹陳我所願而時時近於主。如昔日之門弟近於之在納匝肋。我知之麼。 世屋有過廳。非主人所居之屋。但須由過廳而入。方得見主人。世間之聖堂可稱天堂之過廳。愛在經堂求見主面。必得實其望而見之在天堂。我知之麼。

定志 今日我謝主存納匝肋聖屋之恩。以後我視聖堂若耶穌之屋。若天堂之過廳。而愛在此朝拜吾主。說心腹請訓求恩。

十一日 聖達瑪瑣 教宗

達瑪瑣之原籍在羅馬國西班牙之地。幼年從明師讀書操文。詩賦有名。隨入

神品陞神父。看信輩。越過數年。因才德美顯。奉委進公斯當定京都。帝正位於此

當教宗欽使。逾數年。調回羅馬。相教宗。理聖教事務。奇智傳於四方。西曆三

百六十六年。紀六十二。推爲教宗。繼理伯里約之位。六品正輔祭魚爾新欲

僭其位。吡得某鑿牧行禮陞之爲主教。隨刁唆信輩數千人。稱他爲教宗。餘

衆教友認達瑪瑣爲正統。兩邊互相爭論鬥殺。新教宗慈悲至極。只得盡心

勸解。究竟魚爾新等不能當衆怒而出城。未幾復再生事。賄賂教宗殿內數

人毀謗其主行爲不端。意望教宗恐懼而避位。但聖人安理聖事無他想。惟

望天主明証其無辜。惟冀受吡之信輩知覺回頭歸正。特此時常求先世致

命聖人轉達天主挽回人心。蒙主恩惠。後事果然如其願。教宗大喜。作詩稱頌致命聖人轉達感主恩之德。

彼時亞里無斯之裂教亂羅瑪國之東。亦有主教神父數人奉之於西方。前數年鑿牧等聚在里彌尼。裂教鑿牧等巧言哄得衆鑿牧傍邪逆正。其會所議之道雖爲先教宗所棄未行於西。然達瑪瑣復聚衆鑿牧於羅瑪。將在里彌尼爲首倡邪之人棄絕。並旨諭東西兩方衆鑿牧得知此事。東方聖阿達納

削五月聖巴西畧六月等明德之鑿牧見旨大喜。心想教宗平西後亦能平

東。遂商議遣人上奏。說裂教人爲君護庇。國有二君一在東從一在西奉正道各處派假靈

牧哄騙信輩。因此城鄉擾亂無定規。信德喪風俗敗。人心間離。務望教宗及

西方衆鑿牧相助闢邪與正等語。聖熱落尼摩九月由曠野亦奏教宗。請明

辨正邪。使東方各信輩明知當信當棄之端。教宗再聚衆鑒牧。事畢後旨諭東方闢邪闢正。不幸東方之人狡猾至極。造端生事不休。致聖教不能安。惟過數年東君受罰。敗兵慘死。三月廿九方見聖教事畧平。

時聖盎博羅削

十二月七日

推爲米納諾主教。才德助教宗彰揚聖教。西君年幼正

位米納諾信從盎博羅削之善訓。亦時常與教宗商議同心辦事。西曆三百八十一。東西兩君從正教。商議教宗後。同旨請通國鑒牧聚在羅瑪議事。定道安民。衆鑒牧奉旨來羅瑪。聖執落尼摩從聖厄彼法諾。五月十一主教進羅瑪。與聖事。教宗早覺其學之淵博。是故留在身邊重用。大事議畢。衆鑒牧歸廬。教宗旨諭東西兩方衆主教神父信輩。示以受棄絕各裂教師之名。並嚴令奉正拒邪。可見彼時普地之信輩知悉教宗有治理各國各省聖教事務之

總權

以上事看來，聖達瑪瑣當教宗，顧聖道訓誨信輩有大功。其功不止於此。敬愛前世致命聖人，而盡心榮其名，新詩誌其墓，派人長在家達公伯各隧道，月八日作工裝飾古坟，或開門造石界補路等工，所費之銀不知許多。所顯愛苦重德之心不可忘，且謙遜備自己的墓在別處說道：予切願埋在致命聖人隧道內，但予不堪享此福，惟恐有辱於此聖地，此言足証其謙遜。

善德之下，教宗愛才，視博學如聖教之寶，而示敬重用，特此留聖熱落尼摩在羅瑪，命譯聖經書，同與之談新問古，言語相慰無窮。

才德之上，聖人愛天主，是以操善之外，或新造或補修聖堂，而施田地於城內城外各堂許多。

聖人治理聖教十七八年。末竟壽臨八旬患病安逝。埋於聖堂內。生前死後顯的有聖蹟。聖教中誦榮應歸父及子及聖神於各聖詠末句之規矩。乃聖達瑪瑣所興。

聖達尼爾 號斯弟利德

達尼爾生於羅馬東方近洒麼匝城。今土國之地於西曆四百餘年。華晋安帝年間。

十二歲入靜院。某年隨院長到洋弟約家城。乘便去見聖西默翁斯弟利德。

正月聖人降福之曰。賢弟將來爲主辛苦也。達尼爾回院再修數年。院長御

世後。衆隱士推之繼位。達尼爾不受。背地出院復往見聖西默翁聆其訓誨。

半月。然後過如達國聖地。敬遊主耶穌生死顯聖蹟之處。隨往公斯當定京都。見城外一爛廟。乃擇之居身。在此九年。誦經沉默尅身。隨選一處隔城畧二十里。離黑海八里。在此造石臺一座。高一丈數尺。臺頂寬畧三尺。爲鉄欄杆所圍。完工後。學聖西默翁上臺。晝夜在此。或跪或立。誦經不下。以人所給之麥餅清水。些須養身。夜深坐眠片時。風雨雪零日晒無遮。君臣士庶皆敬其德。時常有人來問道求安慰。達尼爾善言勸勵衆人。避惡行補贖。免後世之重罰。並助來者轉達求主。或醫其身。或挽其心。某年聖人預言。因京都居民罪大。天主將罰以火災。若願免此艱難。衆信輩當每七日兩次聚在各街經堂。誦經求主寬宥。居民未信。期到。火果然暴發。焚燒許多房屋。死於火者甚多。

國君無嗣，駕臨聖人處，以此事相託。聖人許誦經求主垂允。次年國后幸產一男。此後君益加敬愛。務要達尼爾陞神父。聖人難辭，遂入神品。續陞鐸德。隨在臺上獻聖祭。信輩在臺下與彌撒誦經。某年君遣人用木板造棚在其臺上，遮蓋雨雪。達尼爾不得已准之。一日某將軍來見。聖人勸之以現世榮貴之短，後世福樂之長。將軍覺心感意變。回家聚眾親戚朋友曰：我日前只圖世榮身樂，不思身死審判之可畏。今蒙達尼爾聖人之言甦醒，惟願棄富貴，獨事天主。是日離家入靜院隱修。善生福終於此。西曆四百八十九，聖人患病死於臺上。

切想 首論聖母瑪利亞

申爾福瑪利亞滿被聖寵者。

聖瑪利亞因始孕無玷，便瞬息無不爲天主寵幸。出世後自孩年神靈常歸向於主，可比花之向日光，是以漸精其德，若花之徐陳其美。依撒依亞書曰：日斯達位王之父聖瑪利亞出於其族之根將發一枝，其枝將結花一朵，賢智明達，謀策剛勇，知覺孝敬之神將臨此花，畏懼天主之神將滿之。十一節先知所言之枝表聖瑪利亞所言之花，指主耶穌。聖神七恩將充全於耶穌，但聖瑪利亞預先已富得之，是以自襁褓滿被聖寵，孩心畏懼上主之大能，自視若蟲，若坭在其前，而欽崇之德及其至，畏懼不如聖愛，是以聖神訓聖瑪利亞盡情愛主而孝敬陳於其心。愛者須知所富爲以悅其所愛，故聖神訓聖瑪利亞知主知已知物而聖學淵博，愛者知者亦須不懼難，特此聖神賜聖瑪利亞以不可敗之剛勇，勇者常有謀方全，是故聖神賞聖瑪利亞以謀策之恩，致舉止

動靜從理不左不右。亦賞之以明達。致辨正邪而隨機。或奉或棄。末竟聖神賞聖瑪利亞以賢智之恩。致輕賤世間之富貴身樂。如不足念之虛妄。惟仰天事。惟欲榮上主。

聖瑪利亞至此。德功超過先後衆聖人聖女多也。天上衆使神雖尙不知天主聖意。招選此女爲何大事。然見其善無匹。亦可料瑪利亞乃聖經所載日斯家族將發之枝。上主所許原祖生救世主之女。

聖經云。貞女獨思天主。獨意修身。靈有夫者。心戀世事。欲取寵於夫。致歌稜多

七章三十四節 如是其意。時歸上主。時向丈夫。而分心。聖瑪利亞賢智明洞。此理是

以願守貞。以主心意爲一。所難者本國風俗。彼時無人守貞。因衆望救世主。早遲出生於本家。故無男不娶。無女不嫁。聖瑪利亞之意。碍於此俗。但明知

爲主而守貞之貴，便寧可無有生救世主之榮，亦願受親戚之責，不肯因此而失其貞。遂深藏聖堂內暗地，在主前許願棄世樂貞心，單身事主。天主欣然納其愿，而聖意滿足。成救贖人類大功之期近也。聖神備聖瑪利亞爲天主聖子妙座之工盡也。

時聖瑪利亞年紀十餘齡，容顏美而善，目端身莊，言簡聲柔，心平無怒，愛衆無嫉，食若不餐，動若常靜，內善似若影照於外，如日光之透雲而樂目視，同居聖堂之衆女敬愛若天主特寵妙德之器。

省察 聖瑪利亞自孩年細心從聖神默示善用聖恩，致習大德，而成女中無比之善女。我無德無功，非因主恩不足，惟因意念散亂，心志懈怠，不順聖恩，不肯竭力行善避惡，我知之麼。

定志 自今以後我時常想聖母所受之妙恩而感謝上主讚頌聖母並學聖
母順從聖神之默示聽天主命我當習之德。此題未完
看十六日

十二日 聖女亞伯納 童貞

亞伯納乃聖依納畧正月十四之女。據正月所載。聖依納畧與昨日之聖達瑪瑣同世。乃法國富家之子。幼時從父母敬菩薩。長成聘異教家之女爲妻。生一女。取名亞伯納。隨後讀書考聖教之真實。而同妻及女奉教領洗操德。西曆三百五十三博都省鑿牧去世。衆神父信輩推舉依納畧繼之。聖人只得別妻入神品。續陞鐸德主教。才德宏敷。攻斥亞里無斯裂教之謬。而大興正道。帝從邪道。是以恨依納畧。充之於東方斐里日亞省。東方之裂教人比西方愈多。聖人口說筆書同聖阿達納五月二日等朝夕駁邪道不止。

此時亞伯納年紀十餘齡。色美才妙。純善異常。同母親隱居操大德。每日潔心。禱求上主恩佑。父親勝惡保善。並安慰之於遠地之寂寥。一面依納畧不忘

其女誦經獻聖祭求主訓他以重後世。輕今生之大道。不時致書撫慰勸勵。

一日得亞伯納函稟問安說心情。

或另得亞伯納母親之書說有人來聘女兒問當開親與否亦不可知 聖人

覽畢回書答曰。來函証汝多情慕余。余知之。並亦同心常念吾家眾人。雖別汝久居外地。却不但不忘汝。而且以福汝爲朝夕之思。

日前余聞某少年有衣一件玉一顆。二物純美無匹。其價無量。幸而得者富貴勝普地之人。

余耳聞心感。卽時起程欲尋那少年而見其寶。所行之路且長且難。竟八十多日方至。而入屋請見。少年出迎。余見其尊威忙忙匍匐再拜。少年問來意。余恭然應道。聞貴府有二件美物如此如此。僕家中又有一愛女。故願得此二美物以給之。說訖額地雨淚哀懇。

少年慈顏清聲問曰。汝知那兩物之好乎。余應道。僕聞其善而信其有。並知得之者至貴而福生。少年令家人拿衣及玉來看。僕人依令。先將衣獻出。吾女呀。所見實在妙不可言。絹羅比之粗。白雪較之黑。黃金擬之暗。隨獻玉來。余目及仆伏不能當其光。天地之美不如其美。

侍者一人謂余曰。此二物不但絕美無比。猶且益甚。其衣虫不能食。服不至爛。着不至汚。撕不致破。槍不致奪。得之如此。永存如此。其玉之好。戴者不病不老不亡。余聞此言伏地不起。惟加淚懇求少年看。在余遠來之辛苦。而屑聽垂允吾求。並許此後終日感佩不忘。

少年慈聲曰。汝禱感動我心。汝之切望不可虛負。今日願贈汝以此二件。但有欸富守。欲得我衣。不可穿綢緞或錦繡之衣。惟當着常料俗色之服。佩此玉

者不可另戴別玉。常玉由地由海而生。此玉乃天上所出。服此衣佩此玉者。永必不受害。伊今日何如。萬年亦何如。其衣其玉。吾願贈與汝女穿戴。但須女兒先說心腹。女兒許過不另穿綢緞錦衣。不另戴世玉。汝再來求。必得此二件。說訖入內。

余歡幸出回。今特筆書告汝。以此密事。望汝作受此衣此玉之備。普地最貴之物。在汝手下。惟須汝舒手探取。後若有人許汝以絹羅錦繡之衫袍。此處似指婚姻服之。只可推之曰。父親遠出他邦。爲我尋貴衣。若穿此衫袍。父所許之衣。我不能得。現在我着俗色常衣。惟望將來穿那不破不爛永存之妙衣。或見人欲繫汝頸以玉串。纜汝指以玉環。只可應之曰。此玉粗俗。且碍於我福。父親許我以至貴無上之玉。我待其來。那玉將福我於永世無間。我切慕之。

望吾愛女回書明剖心意。使余能覆那少年。若從吾之所願。而許守少年所定之款。余歡然再求其二寶必獲之。得汝覆書。將再告汝以少年爲誰。茲函來朝夕頌主之聖歌二張。誦之請念我。函中若有所不明。可問汝母。伊之所願。生汝於主。若昔日生汝於世。懇祈上主永遠保存爾吾愛女無恙。

此信始終是比喻。讀者明知聖人所謂之少年即主耶穌。所求之衣及玉。乃祈主賞女兒守貞獨事吾主在世。永遠妙福從之在天。惜哉。亞伯納所回之函未存。惟知幼女讀聖人父親來書大喜。謂母親曰。女兒自小願貞守不嫁。今日見爹爹此信。女兒意決不能改。母親歡樂勸之恒守積功在現世。以備後生之榮。

西曆三百六十年。帝放依納畧回屬。聖人榮歸。沿途之驛牧鐸德信輩皆來恭

賀接送。到博都省本城降福衆神。父教友後竟得見亞伯納。非昔日之女兒。乃近二十歲之閨秀。清目最端。美容至善。眼淚涔涔來見父親。不說聖人見女。幼女見父之心樂。人人自想而可知。悉只說依納畧回廬數月。愈覺亞伯納貞德之善。而愈加眷愛。但思想世俗之惡。及善人陷於其中。守志之難。乃慮亞伯納將來敗善之險危。一日跪主前。虔求天主乘女兒純善無玷之時。收其靈魂升天。若家主下花園見花新開噴香。而探之。回屋悅樂。家人眼目。禱出充情。直達於天。感上主垂允。是日亞伯納來見聖人。說問聖人問之。願否見天主。亞伯納應道。自從父親聖意許願守貞以來。女兒惟貪慕見主。聖人舉心向上。禱曰。主。我獻此女於爾。惟求爾納之。即見亞伯納坐於椅上。注目視天。口中無言。輕輕出氣而身亡。母親聞信且喜且愁。來見聖人哀聲。

請求天主賞他同女兒身死升天。聖人跪地誦經爲之祈。少頃亞伯納之母無病無痛亦安逝。聖人獨人葬母女。衆信輩送喪讚頌天主不止。

切想

守貞之榮遠勝世間諸榮。此乃幼女至美之衫袍。最貴之首飾。請守貞者細想。聖依納畧此句金言。

聖人愛女兒之情。讀其書即知也。愛女必欲福之。福之於現世不足。猶願福於永世。欲福之於地。可擇佳婿。以依納畧家族之富貴。才德之美名。其事至易。但欲福之於天。則明知佳婿無此權能。是以尋天國之主而求配之。以愛女其婚神婚也。於形身無干。守貞者結此婚而稱天主子之淨配。其婚之尊貴。聖依納畧知之也。是以獻充流之苦。及生平之善功爲女求此。是以仆伏主

前雨淚祈禱不起。蓋明悉守貞非人獨力所能爲，猶須上主賜佑，堅心固之。是以勸女守貞之先，哀求主施此恩與之。其禱恒久，爲主垂允，方備書與女。切勸開此神婚，且問其心願否。眞賢父也。知今後兩世之最好，而欲以之賜女。

亞伯納賢德不愧爲如此父親之女兒，久習大善，深知現福之不全，天國富貴之無窮，而願得父親爲他所求之衣及玉，遂輕薄世家之榮華，願尅身束心，素食素服，避人目隱居守貞事主。

許愿得主耶穌之衣及玉之後，若有人欲聘之爲妻，亞伯納藉聖女依搦斯之言可推之曰：我受聘久矣，我有夫多時也。我之潔夫尊大無匹，才貌賢智，富貴權能過人萬倍。夫所給我之珍玉手圈耳環首飾無名可名，無價可值。

世人見其女配帝成貴人必喜。依納畧見女神婚事天主愈喜。雖當買此恩以數年充流之苦亦算便易。遂交心謝主恩而加情愛女。究竟回鄉見亞伯納德功成備。乃獻之於主。願失女在現世而引他早享天福。天主歆納其獻。亞伯納無病痛無畏懼安然福終。穿戴父親所轉求於他之貴衣寶玉去見天夫受永賞。

問。汝守貞之衆姊妹。此篇書豈不絕妙乎。特意著之於此。望爾等讀之心慰而自勵於善路之難。或見汝家幼女高志好善可行此路。必題此篇勸之。但務要他甘心願苦身約情操習謙遜端莊。素衣素食。尋避人目隱居事主。以貞潔爲至貴之衫袍珍玉。世間餘別美物不貪圖以榮主益聖教爲朝夕之思念。以身終之日爲生平之福日。

省察 幼女不可輕忽許愿守貞。先當恒切祈禱。祈禱後亦當熟思守貞之責任。而問謀於賢人於靈牧。幼女祈禱後覺心內有守貞之意。既於賢人靈牧求謀已獲應許可從心願者。此女當知許愿守貞事上主之榮超過世間諸榮。

許愿後當時常以聖道以前世聖女自勵。使勝魔鬼之誘惑而日進於德。恒守者福。其福世人不能思量。我知之麼。女兒依纈說的規條願守貞。爲父母不可阻止。惟當學依納畧。以獻女兒事主之事爲大榮。我知之麼。定志 我或守貞或欲許愿。或爲此類女兒之父母。必依上言正心行事。

十三日 聖女路濟亞 童貞致命

路濟亞乃羅馬國西西里亞省西納古撒城富家之女。幼時許與異教某少年為妻。逾數年父親長逝。母親亦患病多年。用藥無效。時聖女亞加大五月輝名久聞於西西里亞之地。常有人在其墓處誦經求轉達。路濟亞之母親願往求瘡病。路濟亞嘉善。母言願與同往。母女坐轎緩行至加達納城。在聖女墓前祈禱。或一日或數日不知。路濟亞正哀求時。聖亞加大發現與之見。報以母親痊癒之喜信。路濟亞轉言於母。自此以後。夫人果然身強無恙。母女謝恩直行回家。且因風波汜濫通國。信輩今日生不知明日如何。遂變賣田土房屋散銀濟窮。預備善終。親家聞知此事怒甚。羅馬之律各家兒女平分家產。獨女亦全佔父母之業。親家見路濟亞賣業濟貧。自知將不得受。故此發怒。以從天主教之端。訟路濟亞總督使人捕拏幼

女到案。勸之祭神免刑。聖女應道。上主所喜之美祭。乃信輩看顧貧窮安慰困苦。我獻此祭久也。現今之事無別。只有自獻吾身。致命榮主。隨講聖道。証聖教之真實。總督曰。只恐動了刑。汝言不能如此之多。路濟亞道。信輩敬愛天主。其語不能缺。蓋基利斯督早已許之云。迨彼對仇訟汝。勿慮。何以言。如何表。白。至其時。將示汝所當言。蓋非爾自言。乃爾父之聖神。由爾言也。瑪竇十章十九節

總督問曰。聖神在汝心中否。路濟亞應道。貞潔純善者。其心乃聖神之殿。總督曰。我將置汝於淫屋。使汝失貞。潔致聖神離汝心。可路濟亞應道。若受強惡

我貞潔不但。不敗。猶且加榮增賞。總督令刑役送幼女至淫屋。刑役伸手抓着幼女。欲奉令。奇哉。天主全能。數人竭力拖拉聖女。不動。堂上衆差一齊出手。或拉或推。但路濟亞安穩如山。自自然然立於堂中。絲毫。不移。總督大怒。

喊罷了，罷了。隨令堆柴薪，硫磺，松香等物圍着幼女而放火。刑役依令。但聖女立於火中無傷。總督愈怒，命刑役把劍刺之。刑役上前，長劍擊刺路濟亞喉頸而退。聖女鮮血滿身，端然臥地。不多時預言再過數年，聖教必太平大行之喜事，然後自托於天主之聖愛而逝。

時西曆三百零四年十二月十三日，華普惠帝年間。

聖女和弟肋 童貞

西曆六百五十七年，華唐高宗八年，法國亞爾撒斯

今日爾曼之地

諸侯夫人首產生

一女。嬰孩雙目無光。諸侯雖名奉教，然道不甚明，索性又暴躁，以養瞽目女

兒爲不祥之兆。遂命斃之。夫人信德好，不奉命。但恐丈夫發怒，使人強奪女兒。故喚婢中某婦而以女兒相托，並給銀錢若干，令之藏於鄉下，而當自己親生之女兒撫養，不可告知一人，以此密事。那婦爲人忠厚，明會主母之意。當時暗地抱女兒下鄉撫養。越一年，來諸侯府第見夫人。夫人問女兒何如。婦應道：女兒倒也強壯。只是眼目盲瞽。餘週身皆無恙。但近來鄉中噪言此女非婢所生，乃諸侯家之女。因目無光致遭棄出。夫人聞言恐謠，至諸侯耳邊復生事故。遂給銀於婢婦曰：須送女兒至布爾我義之地。玻默女隱院。汝在此養之。婢婦依言。抱女兒至玻默隱院入見院長。院長乃夫人之至友。是日歡幸接着。抱女兒入內室出與衆貞女看。衆女哀憐女兒眼目盲瞽，爲父母棄捨之苦。特此格外護愛。以後每日爭抱爭引。年月不覺漸過。至女兒明

悟續開，便教之誦經學聖道。女兒聰慧純善，雖目不見衆，貞女，惟耳聞其聲，即了然別識，各人無遺。且言行端莊，心情熱切可愛，因不能見外物，而思念恒歸於主，無亂。如是，畧將滿十二歲時，鑿牧受默示曰：玻默靜院有十二歲女兒生來盲瞽，未曾領洗，爾往洗之，稱其名曰和弟肋，並以聖油擦其雙目，使得療癒。女兒未曾領洗之故，不可知，或因出世之時，父親猛怒，母親在忙中，未能經管此大事，而後忘却。一面，靜院之女必料想女兒已領洗，而未加察問，但人不知此事，天主知之，是以默示鑿牧行聖禮。

鑿牧奉命來院說此事，院長大異，令備付洗各物，少頃引女兒入經堂行禮，取名曰和弟肋，禮畢，以聖油擦其眼目，而雙目忽然明見，和弟肋滿心歡喜，謝天主一刻間所給身靈之光，此後仍任院內數年讀書習聖學，大德日精。

且說和弟助在院那十數年內。諸侯續生三子。皆長成。和弟助年近二十。聞得三弟賢智仁愛出衆。乃致書請之在父前轉達。助其回家。弟將書讀訖。歡然去見諸侯。將前事逐一稟上。然後求遣人接姐姐回屋。諸侯聞得長女尙存。某年領洗得見天光。諸事奇甚。不知如何處置。究竟心下羞愧。不肯接之回屋。是以應子曰。此事不在忙上。將來緩作商議不遲。子出外自想道。推緩作商議是何意。不如私下遣人接姐姐。侯父目擊必歡樂不罪我。遂遣心腹人去。隔月某日守門者入報。有人送女如此。如此到來。諸侯問是何人。第三子應道。姐姐和弟助也。諸侯問誰使人接之來。子曰。兒想父親見女必喜。諒亦不相罪。故遣人接姐姐來。諸侯性燥聞言大怒。揮拳打兒昏絕於地。侍者忙忙將幼主抬出救活。時和弟助入內端然膝跪。父前珠淚求收納。勿棄。諸侯

目擊女容之美善。耳聞其發聲清婉且哀。忽然怒平心化。而父情迎着。後門開處。見母親欣然入來。母與女相見之歡樂。不說亦可知。究竟兩弟來拜姐姐。一家衆人聚坐一團。談叙良久。和弟助復跪求父親赦三弟不從命之罪。諸侯赦之。和弟助歡喜去。見弟說此言。並謝他迎接之多情。此後和弟助在家如昔之在院。以誦經沉默爲喜。以出府看顧困窮爲務。全無心眷戀世間榮樂。諸侯見女好善如是。乃給以山上之舊寨名何很布。並給銀錢若干。造靜院及聖堂。賜田地可養貞女百人。

和弟助年近二十五入此院。數年內收納遠近貞女畧百人同居。善言善表朝夕引導課訓。院名傳於各方。後另造一院在山脚。收養病疾之窮旅。帶數女同住此屋。服事病人救其身靈。方中人始稱和弟助爲聖女。而敬之如兒女。

之敬母。

越數年諸侯與夫人身力俱衰。願避靜預備善終。諸侯奏帝請立長子亞德爾白繼位。帝批准。諸侯將家事辦妥。即時離府同夫人來住和弟肋院內。誦經尅身贖罪求恩。和弟肋大慰且服事父母。且助之轉達。過數月父親患病領聖事身終。隔日聖女受默示得知父親靈魂在煉獄。遂倍加誦經尅苦以救之。迨至復受默示知父親靈魂安息方止。次年母親亦病終。彼時聖女之弟亞德爾白當諸侯。夫人續生數子三女。三女皆願守貞。稟父母命後接續入何很布院從孃孃學聖業。長女名歐日尼亞。即九月二十五日所載之聖女。四人同居相慰以身後之妙福。

聖女和弟肋年紀六十餘身力衰弱。自知不久卸世。十二月十三日集衆女勸

之盡心愛主愛人。恒守善志。說訖見三姪女在榻前。兩淚心苦。謂之曰。時候至也。我當去見主。汝姊妹痛哭不能留我。不如進聖堂誦經助我善終。三女從命去。未幾轉來見聖女無思無覺。良久和弟肋回覺說道。天主賞我從聖女路濟亞到天堂見善人之父。少焉領聖事。古書載曰衆女見天神發現送聖體來後安平長逝。

時西曆七百二十年。方中士庶來送喪。將聖尸埋在聖堂內。此後時常有人來墓前求轉達。衆改何很布山之名曰聖女和弟肋山。隨後亞爾撒斯人民推選聖女爲本省主保。世世愛敬至今不忘。

切想

聖經聖瑪竇六章二十二節云。目爲一身之炬。若伯二十九章十五節云。子乃

盲瞽之目跛痿之足。

目爲一身之炬。信德可比目。亦是靈魂之炬。人有目。方可往來自制其步。雖山路崎嶇。亦可安行無隕跌。有信德者亦然。行天路。可明知正向。遇誘感之險。可勝仇至天國。和弟助生來盲瞽。幼時行路必賴他人之目往來。但神目至光。在天地萬物之上。明見天主。而敬之愛之。如萬有之本末。天主亦愛之。而招選之成大事。是以初則救之於父親之怒。繼則開其形目。此聖蹟表指和弟助將來光照一方人之妙善。

察思諸侯信德之不全。見女孩眼目無光。即怒欲殺之之事。則可知彼時那方人之風俗。猶未改正。純善仁愛之德。未曾大行。和弟助自孩年。神目光明於諸善。早覺方中士庶之道不足。故眼目療癒後。立志在其中行善立表訓誨。

引導。棄世榮離父母親戚在靜院學習各世大聖之德。事上主誦經尅身之外。猶要事世間之困苦。是以造病院收納窮旅。雖爲諸侯之女而謙遜助侍湯藥。供飲食。當盲瞽之目跛痿之足。神樂樂之。善言慰之。衆病疾無不心感敬愛。和弟肋若天神。病重不能治者爲聖女訓誨安慰而福終。幸而瘡者回家。傳和弟肋之善。四方稱頌聖教之美。和弟肋且爲院長有一百女徒同居。衆女見聞聖師而盡心效學。學而出傳於親戚朋友。如是可言和弟肋乃本地方之炬。由何很布山光照四方而以信望愛三德教衆人改惡風。學救世主與聖人們行仁愛互相救拔於難安。慰於愛。

聖女且不枉工施教。父親目見其行。耳聞其言。續漸改暴躁爲良善。學女棄世榮離府來院善工補贖備身終。居民中亦多避惡從善者。敬愛和弟肋不單

因其願弱養病人之愛情，尤因見聖女若一方之妙師，言行引眾人走天路，向永福。隨後千餘年之久，世世眾人稱和弟肋爲主保，常來墓前追念其德，求轉達，足証聖女益此地之極，居民感德之效。感謝天主賜聖教以妙女如今日之路濟亞和弟肋，求天主賞中華亦有如是之大聖。

省察 天主賜我肉目得見外物，神目得識天主信聖道，我當是本方本鄉之炬，而光照衆人行天堂之路，亦當爲盲瞽之目跛痿之足，我知之麼。

定志 自今以後，我盡心愛人，行身靈之哀矜。

十四日 聖斯比理弟翁 主教

斯比理弟翁乃羅馬東方西白肋島人民。生於西曆二百六十餘年。華晉武帝年間。家道苦寒。自孩年牧牛羊爲業。每日引牲畜入野放草。身帶聖經等書學字。續漸明會聖道。終日或讀或默。年二十餘純善異常。文墨雖淺淡。而言行至智。娶鄉下貧戶之女爲妻。續生一子一女。夫妻事上主熱切。交人禮義。雖困苦資生。然每見貧旅過路。必請來屋與之洗脚供食。兒女漸長。父母仔細教之愛主愛人。天主悅樂。特意降福此家牲畜不瘟不失。一夜兩賊入羊圈欲行盜竊。天主罰之手足癱木不能動。次早天明主人來放羊。目見兩賊。問來歷。賊不得不實言。主人不發怒不咒罵。惟跪地謝主顯聖蹟保其財帛。然後善言勸賊改途免早遲遭罰。時天主解二人手足得動。乃謝主人饒他。

性命而欲行。主人牽一羊來說道。此羊可引去。報汝二人。在此守吾畜牲之勞。且慈且趣二人臉不甚薄。謝惠引羊便去。

斯比理弟翁年紀四十餘。聖德之名遠傳。某年方中主教過世。衆舉之繼位。斯比理弟翁奇甚。以無學之故。推辭不當。衆不聽其說。久之斯比理弟翁只得離家入神品續陞鑾牧。

新主教改裝不改行。愛主愛人謙遜忍耐。良善心貧如昔。講聖道。語言雖平常。而題義緊要。捷序可動人。其所長善表也。以此而大興聖德於屬。時常步行城鄉訓誨小民。付錢提拔孤獨困窮。某日在鄉間得某人受冤。爲堂官投監定死案。主教知其無罪。即時上路進城欲救其性命。到河邊見水漲。涉不可涉。渡又無船。主教不疑。畫聖號。因天主聖名命河截流開洞片時。河即如命。

主教同從者速過。然後上水。下流仍復如初。此事早傳於城中。次日主教見官。將那無辜之人救出回家。某年天乾。聖人誦經求主施雨。霖雨即降。田林霑潤。

西曆畧三百一十年。風波猛行。聖人受監禁。當堂挑撥一目。而竟充出外地。在石廠作苦工。不知幾年方回。西曆三百二十五公斯。當定皇榮王於羅瑪東。西兩國聚鑿牧三百一十八位。在尼瑟城定聖道。斯比理弟翁在其數。辨論亞里無斯邪言。議定正道後。衆鑿牧准異教名士數人問道。論天主與菩薩之教。誰實誰虛。其中開首演說之人。舌辯異常。雖爲鑿牧數位反覆駁詰。而終無不狡論應對。斯比理弟翁鑿牧願與之戰。異教士知聖人之學俗常。而愈加膽壯。聖人誦經後開言。且不思以奧理巧言難之。乃明聲朗誦信要經。

各端時。因聖人信德之妙。天主顯異能。異教士聞聖人之聲。似與他人之聲不同。見其獨目若有光射出。聖人將經背誦畢。問之曰。以兄量之。弟纔說之道。端端豈不正實可信乎。那士爲主恩所化。明聲應道。此道正實可信。弟亦奉之。門弟大奇問故。師曰。起先列位鑒牧。以辨論之俗法飾其理。理雖至強。言雖至文。然我亦有說法敵之。惟此位老師戰法絕異。不用文法。惟以天道之威風攻我。我即無言答對。而知天道之實。若見汝等亦可信服。此老師所吐人語也。其所題神事也。衆鑒牧歡喜謝主。

越十餘年。公斯當斯繼父公斯當定之位。未幾患重病。召斯比理弟翁主教來朝。望其善禱治之。聖人進京入殿。守門兵士見其衣。識爲庸常旅人。即不問。是何人。惟逐之出。而手掌批其面。聖人無怒。但記憶主耶穌之言云。人或批

汝右頰。汝以左頰俟之。

瑪竇五章三十九節

遂依言而行。從者責兵之無理。兵士聞說

是主教。駭然跪地求赦罪。聖人慈言勸他待人。雖小民窮輩。不要任怒動粗。

說訖入殿朝見。帝見聖人大樂求治。聖人誦經後。帝果然痊癒無恙。聖人乘

機勸之恒顧正道勿護庇裂教人。帝許之。

隨後食言亂聖教

並命給金錢若干助主

教行善功。主教謝恩不受。帝務要聖人收納。聖人恐獲罪於帝。乃收便出。是

日集窮苦信輩。將此款散盡而空囊回屬。

聖人雖顯聖蹟有名於遠地。然謙卑如常。且見他人自矜自滿。即勸之自省改

過。一日六品輔祭某士在經堂宣讀聖書。其人聲清樂耳。是日聖人覺他宣

讀有自矜自愛之意。遂命之曰。足矣。休讀矣。言未訖。六品輔祭聲啞不能吐

語。隨後聖人解其舌能言。但聲變平常。不致陷輔祭犯矜驕。

聖人年紀七十餘，患重病安逝。年號不可定。

切想

主耶穌在福音云：除非遣我，天上父導引，無人能從我。若望六章四十四節 奉行聖教，乃信望愛三德所致。却信望愛之德，非人獨力所能習。猶須天主施恩動人心，方可信之。望之愛之，如所當然，以得天福。舌辯之士，勸他人於俗常之善，若臣之忠，其君子之孝，其父等事。那士之言愈善，說法愈巧，必感人愈切。遂心化人之後，辯士微可自誇有功。若論勸人孝崇天上父，忠事造物主，則事不然。說者雖異才善言，若天主不降恩來助，聽者只降心稱頌。那士深思奇論之智，而必不致感化，以從宣講之意。其人設若動心從善，勸之士見，不可自誇爲己所成。只可藉福音之言曰：除非天主引此人，我必不

能說之降心改向。

讀上傳見主教數位與一異教士舌戰辨論，未能服之，認聖道之真。斯比理弟翁宣誦信要經數端，而異教士心服，其故安在？異教士自解之曰：列位鑒牧以辨論之常法飾其理，理雖至強，言雖至文，然我亦有說法以敵之。惟此位老師戰法絕異，不以文詞，惟以天道之威風攻我，我即無言答對，而知天道之實如見。異教士此言雖有理，却其理不全。斯比理弟翁不但以天道之威攻之，且先以虔禱感天主降佑。上主幸納聖人之禱，施恩來助，致斯比理弟翁攻異教士以聖道之本誠於外，天主密恩光照之明見於內，而異教士降服。

或曰：看來聖教士勸異教，不必勞心思操學積才，只須效學斯比理弟翁以聖

道之成全攻之。而效驗比舌戰愈妙。對曰。精習斯比理弟翁之德者。可學斯比理弟翁之法以服人心。俗功之人則不可。汝任勸導異教之職者。當竭力操學習善說。但不可過恃舌才。若必化人歸主之絕法。還須靠望天主降佑而謙遜熱切祈禱曰。主。我本願降服人心。認識欽崇爾。但絕無此力。我言可入其耳。不能入其心。偶或得入其心而不能動之起行。人心在爾手。除非爾引之。伊不能從。救世主行善到天國。主。懇祈爾施恩。使我的言不致止於人之耳。惟直達其心。入其心而感之向善。成功之榮。惟歸於爾。我預先棄矜驕自滿之念。傳教士心思如此。祈禱如此。恒行如此。必有主同勞而定然成功。成功後務須謹防矜驕之念。矜驕入。主恩必出。而功即斷。驕傲人枉自費心。欲化人從耶穌。天上父不佑之。而辛苦費才無益。

省察 我傳教者之重任有三。一當學聖道練才。我在天主之手若器。此器當善當利。我知之麼。二我當全心靠望天主降佑。而恒心熱切祈禱。無主之恩。我言惟止於人之耳。不能入人之心。縱或入人心。不能動之行善。我知之麼。三勸人之先。當預歸成功之榮於主。成功後當細心除矜驕之念。而自視如獨力不能作工之器。犯驕傲必敗德斷恩。而功廢。我知之麼。

定志 自今以後。我照上言而行。

十五日

聖女基斯弟亞納

童貞

基斯弟亞納納丁言也。華語可以女基斯當譯之。

古書記聖女之言行如下。

西曆三百一十餘年。昨日聖斯比理弟翁當主教之時。羅瑪有屬國名意俾里

亞。乃亞西亞洲近高家斯山之地。

今屬俄國

其王已二百餘年與羅瑪進貢。大事

遵羅瑪帝之旨。居民信異端敬菩薩。秉性純樸。是年有從聖教之某女爲人

賣在此小國京城爲奴婢。此女實係何方何家之人。或爲賊匪所搶。或因欽

崇天主充流外地。皆無從查。所知此女在主人家舉動至善。順命謙遜。作工

勤快。目貞言潔。遇辛苦事又忻然甘受不怨。容貌喜色不改。且儉飲薄食不

貪。貧。簡言多默。不心亂。工夫稍暇。避靜誦經。窺看者。見他眼目掉淚。面色安

祥。衆諸情形，主人主母未曾見過。往來之別家婦女，或時問他舉止不似常人之故。那婢即講聖道。說天主聖子降生救人，辛苦平生，至死於苦架。從天主聖教者，當效學其善表，甘心苦於現世，不事身樂，惟望永遠享福在後世。聞者不信，但見其純善無不敬愛，並以基斯弟亞納之名稱之。若曰從基利斯督者主亦愛其謙卑，忍耐尅身祈禱之熱切，而異恩賞之以顯其德。

一日某家小兒患病將臨終，母親照本地風俗抱之遊各家問藥。既到基斯弟亞納主人之屋，主母看病後說無藥可用。遂問奴婢。婢憐母親之苦，愁應道：婢本無藥，但所敬之主耶穌可無藥而治病。求之必施恩救此孩。遂引母親抱孩兒入臥房，將所用之苦衣鋪在床上，而置病孩在上。自膝跪在傍，虔心誦經。少焉見孩兒喜色無恙。母親歡樂謝恩，後抱兒回家。四方傳基斯弟亞

納之德。

未幾國后重病。醫家無藥。有人談說前日有敬天主之某婢女醫治孩兒之事。后聞言使人請基斯弟亞納來宮。基斯弟亞納手提小包袱從使來見。后求法全性命。基斯弟亞納應道。婢女無法。惟可祈禱天主。聖子耶穌。基利斯督醫治此病。說訖開包袱取苦衣鋪在床面。請后臥身其上。后依言。基斯弟亞納跪下誦經。少頃后覺身遂心安無恙。感德無盡。願給金銀謝聖女。聖女道。此妙蹟非婢所爲。乃天主聖子所顯之能。婢不要金銀等貴物。只願國后感天主之德而認之爲主。否則不但負恩。猶且身後爲之嚴判。后請講聖道之要端。聖女即時依令。然後辭國后回家。

是日國王聞知善女醫治后病之妙事。願發重賞以謝之。后奏以那女不收賞。

惟勸奉天主教。遂將聖女所講之道畧說與王聽。王稱道之有理。但無心奉。從此後國后追念前恩。時時暗敬天主於心。復過些時。一日王帶武將出獵。一時深入於林。身邊無人。猛獸兩頭。書未提獸名。可信是獅。忽出將撲來。王在馬上無所措手足。惟慌忙發聲喊道。耶穌基利斯督救我。言未畢。兩獸止步。片時轉頭緩行而去。王躍馬出林回城。以前事告后及衆將。竟明言天主耶穌乃真神。人人當敬。后歡喜請聖女來宮講聖道。后與宮中衆女靜聽學習。王亦請聖女在殿內訓誨衆臣。聖女忻然依命。竟請王造聖堂。王遣一士集匠與工。時公斯當定勝仇當羅瑪皇帝大興聖教。王遣使請帝使鑿牧鐸德來本國訓民。帝歡喜依王所願。隨後國王國后與許多文武官同齊領洗。小民徐漸效從。基斯弟亞蘇滿心悅樂。善言善行引導衆人敬主操德。究竟功滿福終。

升天。年號不可定。

挂達路白聖母

西曆一千五百三十一。華明世宗年間。美洲墨西哥京城外。有信輩名的也。我熱切敬主愛聖母。是年西十二月九日。瞻禮七晨。早出門欲進城。聽彌撒。行至小坡脚下。聞得若羣鳥清聲互語。覺其音韻樂耳非常。乃緩步上前。且近且看。是何鳥。只見坡頂白雲。雲邊七色美光四射的也。我上坡看此奇事。及到坡頂。見雲中設一座位。位上一女端坐。其女容顏輝耀若日。衣服雪白射光的也。我心下歡樂恐懼相兼。雙目注視不自在。女問曰。所往何處。的也。我

應道。欲進城聽彌撒敬聖母。女慈顏曰。我即聖母也。當稟主教說我願有聖堂在此。將來我必母情愛此方之人而以恩賞賜。說畢不見。

的也。我進城。彌撒後特見主教而以前事相稟。主教細問情形後。雖諒此人誠實不說謊。然因此事重件。故不敢輕信。遂推辭曰。聖母要我造經堂。先當顯聖蹟。有聖蹟可據。我即奉命。說訖放的也。我去的也。我出城由原路行。忽見坡頂白雲如前一樣。便上去。目見聖母坐於位上。聖母曰。可去摘花獻。主教作據的也。我即見坡上異花滿開。最美且香。乃摘數朶。時聖母不見的也。我也手持花束掩在廠衣之下。轉頭快步入城。請見主教。主教接着。時衆聞花香的也。我出手欲獻花。忽覺花不在。奇甚。解衣以看。花果然無。但衣裡上畫的有聖母像。美麗至極。主教神父等跪敬聖像謝聖母顯此聖蹟。許造經堂如

其所願。次日挂聖像在經堂內與衆信輩朝拜。是年開工造一堂在聖母發現之坡頂。完工後存聖母像在內。此後時常有信輩在此祈禱。聖母顯聖蹟。驗前日之所許。過一百年來者日多。經堂不能容。另造一大堂。內外美麗可觀。隨後通國世世敬挂達路白聖母爲主保。每年來堂祈禱還愿之人不可勝數。

切想

聖保祿曰。我等以洗滌祕跡與基利斯督同葬。不戀世間榮華財帛不犯罪使學基利斯督

由死者中復活而言行變新。致羅瑪人書六章四節此乃宗徒與聖人們能勝世俗傳

聖道之理。此乃今日聖基斯弟亞納化意俾里亞君民之故。聖女充流外地。舉目無親友而事人爲奴。窘難大不過於此。以人情想來。當愁悶厭惡生命。

聖女却不爲窘難所勝。乃屈身於主母前隨合作工。視其家若本家。事其人如親人。絕不尋俗樂。而心下時常安和。容顏喜色。見者不明其內外之福由何而來。衆所不知者。基斯弟亞納自領洗以來。守規誡之外。猶輕薄世間之榮華財帛體安身樂。特此可謂心神與基利斯督苦死埋瘞。待身終靈魂升天。若基利斯督在墓之待復活去王於天。其望甚確。其志至堅。是以忍受艱難。且基利斯督至信。不離基斯弟亞納。聖女在苦中非單身獨人也。有善靈之天上夫君爲伴。所聞之美言樂心耳。所享之潔情娛神靈人之言語不可比擬。是故謙經沉默而面福。是故內情之安祥照於容顏。驚人觀視。

聖女言行始終最善而功大。功大。可求上主而得所求。基斯弟亞納日夜必求主施恩。回頭意俾里亞國人奉聖教。善禱恒達主前。而主究竟感動降恩典。

顯聖蹟化人。奇哉。昨日無世才之斯比理弟翁勝博學服明士降心認主。今日之事愈妙。區區女奴一旦成國王國后之師。引士庶棄異端識真主。然細想之事當如是。出言講聖道。顯能行異蹟者非女奴。乃與聖女同葬之基利斯督也。以基利斯督之全能而引一國之君民回心歸正。有何難哉。

傳教諸兄。昨日勸汝學聖斯比理弟翁之謙遜善良。不靠本才。不求己榮。惟靠主恩求主榮。今日勸汝衆信輩效學聖基斯弟亞納與基利斯督同葬。輕薄世間萬物。祈禱不倦。忍苦不怨。善表不休。汝在世間雖微末如聖女基斯弟亞納。却功積大。亦可顯聖蹟感化人心歸善。

省察 我爲信輩雖微末。他人不知我。亦當效學聖女基斯弟亞納同主耶穌埋葬。輕薄世間富貴。謙遜忍耐。我竭力事主。操善有功。有主必允我祈

禱。可榮主益人。我知之麼。

定志 自今以後。我時常思念信輩在世。不以財帛榮華而貴。惟以謙遜忍耐。深心事主。善良交人。熱切習善而成尊大於主前。特願效法聖女基斯弟亞。納之德而與之同賞。

十六日

聖婦亞德納意

國后

西曆九百四十七年。華後晉時。日爾曼與法蘭西分爲數國。其中之一名布爾我尼。國王有公主名亞德納意。年紀十六。在母后膝下操大德。時王與法蘭西某諸侯爭意。大里亞之地。諸侯願和。遣使聘布爾我尼公主爲世子羅德祿之妻。王允諾。是年立婚。兩面同心。合意立羅德祿爲意大里亞之王。此後亞德納意爲國后。效法前世聖后之德。不以富貴自滿。不以世樂亂心。思念恒歸上主。時着朝服帶衆命婦夫人。或在聖堂與彌撒。或在廷內迎賓作禮。而謙遜掩其權威。時着常服臨下者。而以言之肅敬。崇其后位之尊嚴。在宮內立表引家屬習善。在外慈悲愛民。撫慰困苦。如是安享數年世福。而德未敗於福。

此後禍至。某諸侯霸道橫行，轄制意大里亞王不能自主。不久王無子而薨。或

諸侯毒藥 諸侯奪位。亞德繙意引小女。此女後爲法帝 出宮離京赴某城居。所築不知

住。復過數月諸侯遣人聘之爲世子妻。后不允。諸侯夫人專務此事。百法逼

后許婚。因不遂意而投之於獄。強脫其貴衣首飾。不准人見面。惟留一婢服

侍往來。后在困苦。良善神樂如昔之在榮華然。數月如是。一日某主教遣心

腹人賄賂獄兵得掘隧道通獄。工畢。夜間引后由隧道出外而逃。諸侯知悉

遣人四方踪尋。后白日避匿於民房。黑夜步行。慢慢逃至某固城。城主乃故

王之忠臣。見后大喜。接在府第以國后之禮相待。諸侯集兵來圍。城主固守

無懼。時意大里亞士庶憎恨諸侯。遣使過日爾曼見帝。請來意救民於諸侯

之患。帝即三月十四日聖后瑪弟德之子。日爾曼。或寫燕 綱鑑所稱爲俄多

爾滿

大君。見使後帥大兵入意國。諸侯不敢敵。退兵遁避。其夫人同兩女爲日爾曼兵所獲。送來見帝。帝指館第。命看守夫人同二女在內。時日爾曼國后已御世。帝聞意人稱頌亞德納意之才德。遣使聘之爲后。亞德納意求緩數日容作商議。教宗聞言致書勸亞德納意順帝意。亞德納意允諾。遂立婚行受冠之禮。

且說諸侯夫人此時囚於館第。計慮家事不知將來是何光景。一日致書求新后賞准見面。后允之。夫人入宮見后威坐。目擊心懼。雙手掩面膝跪而哭。后立身慈顏扶之賜坐。夫人且悲且求寬仁恕前重罪。后應道。昔日之事我久忘却矣。遂留夫人殷情相待。善言撫慰。許轉言於帝相助。越數日帝從后請立意大里亞爲日爾曼屬國。以諸侯爲主。不說諸侯與夫人感德來謝皇恩。

只說事畢帝與后回本國。時太后瑪弟德尙在。與亞德納意相見大喜。十餘年之久老少二后同心事主操德。合意助帝福國安民。宮內祈禱尅身帶衆命婦及僕婢人等虔心敬主。在外仁愛好施捨引屬下向善。

聖后接連第次生三子。長次兩兒孩年身亡。惟三子長成。聖后明知人之樹身立品有如植木。幼時歪斜終日難正。遂以訓子爲首務。帝另有先母長太子。亞德納意視如親生。而母情撫教。長太子年及二十餘封爲南方諸侯。因矜驕聽諂媚。致某年背義聚兵將反叛。自稱爲帝。帝聞言動大兵征之。太子大敗兵散。只得投降。依國律當死。帝聚衆臣審判。聖后忙忙來見帝。哀哭求赦太子。帝不允。聖后不失望。請鑿牧數位善勸。徐漸得息。君怒救太子性命。時太后聖瑪弟德已卸世。復越數年長太子亦患病身終。亞德納意之子推爲

儲君。聖后愈加仔細訓誨。

西曆九百七十三，帝崩駕。儲君十八歲繼位，稱名俄多第二。時聖后年紀四十二，心想離朝避靜修道。但新帝年幼不可驟別，遂仍居宮中以己大智助子理國。衆民大喜，以爲太后之政與先君之政無異。過一年，奸臣數人暗奏新后幼帝稱幼君年屆二十，才德皆全，可自理國事。太后專權有碍於帝位之尊等語。新后爲人驕傲好勝，見太后深得民心，久已妒忌。茲見數臣同心，即設法間離母子。帝輕信妻言，初則冷視母后，繼則不與之議事。竟則太后謀之如是，而帝反逆決事。兼之新后事母無禮，而帝不之責。聖后心想久留京都難免國人知覺，帝之不孝而失敬，遂離宮回布爾我尼國。王出京來接。聖后之胞兄，聖后住朝中半月，然後願獨居山內隱修。王遣心腹人送去某固寨。聖

后在此以數婢爲伴，朝夕祈禱，沉默守齋等工。

此時日爾曼國民知太后離京都居外地，家家嘆惜。智者預言朝政必亂。逾數月果然事變。帝用幼臣之謀而治政無法，通國不安。次年帝自覺其悞，乃遣某主教過布爾我尼求母后回京助理國事。若昔聖后慈悲如常，謝兄相接之禮，而回日爾曼京都。帝引文武遠出迎接，長跪膝下求赦罪。聖后扶之立身而善言撫慰。此後蒙太后集老臣議事，國民復安。數年後意大里亞地事亂，帝帶兵士去平。在此染病崩駕，小兒繼位，是俄多第三。

聖后心血哭兒，日夜祈禱求主赦其罪，賜之永息。一面同幼王之母治政，事雖冗煩，却不少善工，而以十數年之辛勞精其善。年紀六十餘，見國事太平，朝臣才德均備，辭孫帝復離京都，向布爾我尼而行。至法邊界，帝與后

亞德納意之女

來見請至法京歇息。聖后謝情不去。別後來布爾我尼隱修一年。竟在亞爾撒斯爾斯城患重病預備善終。領聖事後和平而逝。時九百九十九年十二月十六日。墓前顯聖蹟。信輩世世敬之爲諸德之表。而稱爲聖。

切想 續論聖瑪利亞

申爾福瑪利亞滿被聖寵者。

聖瑪利亞身靈至潔至善。藏居日路撒冷聖堂如花之幽隱於山。美德之香噴至天上。爲天主寵幸在衆聖之上。心下雖寧可不產救世主以存童貞。然哀憐人類爲魔所奴而朝夕祈禱求主遣其開闢所許之聖。救世主並願見主所選爲母之福女。而自爲婢誠心事之。可見聖瑪利亞愛德切功積大。而謙遜相稱。越數年。天主垂聽其善禱。但不用之爲婢。事救世主之母。而賞之成主。

母。特此委加庇額爾。天神發現於瑪利亞拜曰。亞物問安之意滿被聖寵者。主與

爾偕焉。女中爾為讚美。瑪利亞聞之。驚異其言。自忖何為問安。天神曰。勿懼。

汝獲寵主前。將懷胎生子。宜名耶穌。渠碩大。聖德道義與所行靈蹟皆大莫與京為主尊。天

子。上主天主。以厥祖達味之位與之。永王於雅各伯家。其國無終盡。達味雅各伯家

皆指聖教會為神魂之國瑪利亞曰。子不識男子。此事何以成乎。天神對曰。聖神臨汝。上

尊之力庇汝。是以由汝而生之。聖將稱天主之子。爾戚依撒伯向不生育。今

老而姪子。已六月於茲。蓋天主無事不能為也。瑪利亞曰。主之婢女在茲。願

如爾言。成事於我。天神乃離去。路加一章廿六等節昔初鬼魔惡神語厄穢。人類始敗。

今日加庇額爾善神奉主委諭瑪利亞。人類始獲救。惡鬼由地獄出。借蛇身

謊語哄厄穢。天神由天堂直言奉使稟聖瑪利亞。惡鬼開腔。咎天主不當禁

原祖嘗誡命菓。天神恭然頌天主寵幸聖瑪利亞之愛情。厄襪聞鬼罪天主之言。本當心惡而避之。反且與之妄語致陷於惑。天神之言雖善。然瑪利亞猶心懼思避。則爲天神安慰明報以生子之大事。厄襪受誘惑輕視天主之誠命願犯罪。瑪利亞聞生產天主聖子之事。即念及守貞之愿而對曰不可。厄襪雖明知嘗菓有罪。却固犯而嘗菓。瑪利亞蒙天神訓誨得知生產聖子之事無碍於前愿。即服於主命而允其事。厄襪從鬼言獲罪於主。萬惡流行於世。瑪利亞順天神之言奉天主之命。萬善復生於地。

且說聖瑪利亞對天神曰。願如爾言成事於我。話畢蒙聖神妙工即懷孕。所妊乃救世人之天主聖子。比時衆天神始稱瑪利亞爲天主聖母。

或曰。天主聖子永遠生於聖父。與聖父及聖神無先後之別。豈可說今日始生

於瑪利亞乎。曰。天主聖子無始無終永遠與聖父與聖神同體。今日蒙聖神之工由聖瑪利亞之體成人。始與你我同類。受胎於瑪利亞之後有雙性。天主性人性互相結成一位救世主。救世主永遠生於聖父。而稱之爲父。今日成人於聖瑪利亞之懷而稱之爲母。天主聖子雖降生取人性。却聖父仍然稱之爲子。聖瑪利亞所生之子雖是真天主。却聖母亦稱之爲子。常人由靈魂肉身結合而成人。靈魂雖不生於父母。惟出於天主。却產子之女實是此子之母。並不言是此子肉身之母。救世主由天主性人性互相結成一位耶穌。生其人性之母亦實是救世主之母。稱耶穌必稱之曰子。耶穌既是天主。你我當稱聖瑪利亞爲天主之母。

省察 厄襪驕傲妄思妄語。受魔鬼誘惑犯罪害人類。瑪利亞謙遜與天神善

論。意中寧不當主母，致不反貞潔之愿。天主愛其德賞之成女中之貴女。可見驕傲之惡，謙遜貞潔之善。

定志 自今以後，想厄襪以驕傲失原福，聖瑪利亞以謙遜貞潔感主降生，我遠避驕傲習謙卑貞潔，感主居我心內，永遠福我。

十七日 聖亞冬 主教

亞冬生在法國於西曆八百零九華唐憲宗年間。幼時讀書於生斯城本篤會某靜院內。隨出家隱修於此。年紀三十餘。過東方遊如達各聖地。敬主耶穌生死顯聖蹟之各處。並查數國古聖之踪跡。然後回羅瑪城。在此四年細考聖人們言行各書。回法由理勇城過。鑿牧愛其大才留之本城。亞冬時在此攻書。時在斐言城之地看教友。逾數年斐言總鑿牧卸世。衆推亞冬繼位。

聖人白日或遊屬看信輩。講道付祕蹟。或府第內理公事。夜間眠片時即起而錄古傳或著新書。屋門每日大開。入者無不厚禮迎接請飲食。貧富不分。城內大經堂門前造一小堂。模樣似主耶穌之墓。堂內立祭臺。特敬背逆耶穌之伯多祿宗徒。與先慈後善之瑪達肋納。及同耶穌釘死之右盜。意欲引信

輩特敬耶穌苦難而效以上三聖犯罪後不失望。所著之書甚多。有紀自開闢至本世之畧事一部。諸聖切記一部。宗徒們及其門弟之言行一部。其餘諸書未存。如是益本屬榮聖教至西曆八百七十五年十二月十六日善終。

真福瑪利亞號自天神 童貞

瑪利亞乃本人之聖名。自天神乃靜院內另取之名。

西曆一千六百六十一。華大清順治末年。意國都陵城有某宦家與聖類斯公撒額六月十一日家有親戚。夫婦續生三子七女。么女名瑪利亞。此女兒自孩年舉止不俗。謙卑純良。愛主愛人。四歲明知聖體祕蹟之道。而切望領之。六歲

離家欲尋靜處獨修。雖爲父母阻止引回家來。然以此異行明証其心思與同年不相類。是年患重病臨終。母親祈禱聖母始孕無玷。並令女兒呼聖母救我一次。言未訖。覺病鬆無危。此後倍加熱切。年及十歲。每七日內領聖體三次。十二歲時。一日隨母親入某女院看胞姐領頭巾許願。禮畢哀求母親准他同姐姐修道。母親准之。次年瑪利亞重病回家。時父親過世。瑪利亞病痊後。陪母理事。逾兩年某日本城經堂顯昔日殮主耶穌聖尸之布。可讀切想與信輩敬。瑪利亞在聖布前祈禱多時。因心生疑。不知當復入前年所居之院。或當另擇規矩愈嚴之會。特此求主默示。是日見某神父而露心疑。請謀。神父深思後。指本城家爾默爾會院。勸瑪利亞入之。效學聖女德肋撒之善。瑪利亞歡喜去見院長求收納。長上准之。是年十五歲入院。領名瑪利亞。自天

神。

家爾默爾會之規矩甚嚴。瑪利亞忻然謹守。以出家棄財帛身樂不足。猶將本心之意全伏於主聖意。而以本院之規矩爲上主時時刻刻之命令。此乃住院隱修之大益。世人無定規。言行動靜常隨本意。加之難辨心意之合理與否。隱修者不然。無一刻可自主。鐘响須往某處務某事不可稍緩。此事畢復當往別處專別務。依本性說來。此乃至難之事。但靜士貞女等以院鐘爲天主之聲。院鐘响。若聞主呼之。或起或眠。或動或靜。而以此念自勵。瑪利亞愛天主此聲。時刻至。即順令。而仔細歸心於當時之務。且因自孩年存洗滌祕蹟之原善。而情意自若。若歸主習聖愛。

家爾默爾院女終日如一日。生平在內不出。事不來擾亂。自亦不留心於外。瑪

利亞十五歲入會。五十六歲身亡。似若無今日明日之分別。時患病而以忍耐加功。時病痊而倍情習善。主准魔鬼攻之以各樣誘惑。致朝夕不安而自惡若大罪人。但始終存其聖望。而竭力敵仇。誓不灰心。究竟天主知其德之確實。而賞瑪利亞身靈獲安。並賜之透達人心。隱念預言後事。療治病疾。聲名傳於外。世人常來自託於其善禱。因其轉達而受靈魂。肉身之恩者甚多。瑪利亞亦憐惜煉獄之靈。誦經尅苦。時常發意救之。獲恩脫煉刑者素來謝情。然後升天。瑪利亞受賞之期亦至。西曆一千七百一十七年十二月十六日。患重病。領聖事福終。通城知悉。來看聖尸。求轉達。衆人呼瑪利亞爲聖。此後顯聖蹟許多。西曆一千八百六十五。教宗必約第九列其名於真福童貞之冊。

切想

福音聖路加載云。二人名若瑟三月入見比辣多索耶穌之屍既移下。自苦架而移

裹以殮布置鑊石塚二十三章十五聖若望亦云。亞利瑪諦人若瑟裹比辣多欲

收耶穌屍。比辣多允之。乃往取屍。尼各得莫亦至。携沒藥和以蘆薈約百觔。

二人同收耶穌屍。裹以布雜以香品。如德亞堊例然也。耶穌被釘處有一園。

園中有新墓。未有人葬者。因如德亞備禮在適。備禮日或直譯其音曰撒巴

可行墓又至近。即安葬耶穌於此。若望十九章

昔日如達人或稱如德亞人殮親朋必以蘆薈沒藥等香品和調阿里瓦油成膏。而以

之傅搽其屍。搽好之後。以二三寸寬之裹布裹之。或一層或數層。竟以寬大

之細殮布或一張或數張包之。亡者之家愈富愈尊。用香料亦愈貴愈盛。裹

布層數愈加。殮布愈多。

主耶穌乃若瑟與尼各得莫等富家素所敬愛，故葬之必以富貴人之風俗從事。但主耶穌死於瞻禮六午下三點鐘，撒巴之禮始於是日太陽落西後，若瑟稟比辣多得聖尸到手，撒巴之始必在邇，快快將聖尸洗拭潔淨，然後以百斤香品塗之。竟迫於時候之不足，未用裹布裹尸，只置聖尸仰臥於寬長殮布上，一端齊足，一端摺回蓋尸自頭至足。竟以別殮布數張包之，而忙忙昇之入墓。望撒巴日過，復來新香再塗，裹布裹之，以全其埋葬之禮。是以據福音書路加撰二十四章一節，瑪爾谷十六章一節，撒巴第二日晨早，瑪達肋納等聖女攜香品來墓，可信與若瑟尼各得莫等有同來全葬禮之約。不料聖墓空虛，天神發顯報以耶穌之復活。未幾伯多祿與若望宗徒聞信，快

來見墓內無尸，但殮布數張在一邊，包頭之布亦裹在一邊。若望二十章六節

吾主復活後，宗徒們及男女門弟存其殮布如聖髑。隨後各聖布徐漸移存於各地，其中或有爲火焚燬於此，或爲賊匪盜沒於此。現今西曆一千九百零二年，所存者可記之如下。

一、法國多爾多尼省家都音之地，敬的有殮布一張，長畧八尺，寬四尺，週圍鑲有幾色花邊，布質原白色。

法國羅德省家窩赫城近處，有包主聖頭之布畧似風帽，夾三層，內二層似紗，三層皆現血跡。

意國都陵城有殮布一張，乃聖髑中至名者。此布長畧一丈二尺，寬四尺餘，原質白色。舒展視之，即覺有土紅之跡。細看，則見此跡畧似人身之形。前四年

某照像士影照此聖布。得一妙像。那士大異。請通城博學來看。衆目視且驚且喜。蓋見主耶穌容顏全身之真像。

昔日若瑟等所用置耶穌聖尸仰臥之殮布即此布。一端在尸下齊脚。一端從中超頭摺蓋尸上。主耶穌印其聖身之形於上下。全身前面現於上端。後面現於下端。今日見其像實見救世主真像。如昔日若瑟等葬時所見者然。

試量之。則高法尺一邁當八十個生地邁當。

中華四川木匠尺五尺四寸

百骸且強且美。雙

手交加於腹上。

在左手在上

五傷明現於右旁於脚於手。各傷週圍近處有凝血之

跡。背下長髮披垂。自肩齊腿兩側鞭條之傷痕明存。容顏且威毅且慈祥。額寬眉直。一目全閉。一目微開。鼻正中。圓鬚不甚長。兩派分垂。總之聖容至尊至安。雖慘死。却儼然生活。猶睡餘將醒。常人身死不得有此生活之狀。開

關以來世間惟有一人而美容可悅樂眼目如是。即至尊天主聖子成人之耶穌基利斯督也。古書常稱耶穌爲人子之最美者。此言昔日可信。今日見殮布所存之妙像。卽知此言之真。

四、羅瑪數處有殮布數小塊不全。

以上所題各聖體爲信輩貴重。每年定期顯出。衆人觀看供敬。

今日之真福瑪利亞所敬乃都陵城殮布。見之若見主耶穌纔死包在布內置

於石墓。而貞心倍加感激欲與主同葬。

十五日切想

是以入家爾默爾會院求心

苦神亡。且貞女等在聖堂主教前將許練貞潔心貧順命之愿。先一齊仆伏祭臺前。時只聞同院衆女誦經若送喪。只見老貞女四人以四角張大殮布於伊等身上。訓之曰。汝等今日死於世榮身樂。同主耶穌殮葬隱居靜修。此

後不可貪圖現生之福。惟須仰慕同主復活享天榮。真福瑪利亞許願之日行此禮。非虛禮也。時同伴所張之布似若殮主耶穌之布。其心實意亦願同死同葬。是故生平練德至精。末竟福終而從愛主復活升天。

中華不用殮布。惟長服衣亡者而置之於棺材。熱切信輩每日着衣服。可追念主耶穌爲衆人身死入殮之事。又可想自己將來。早遲不定。有一日不能動手。自着己衣。惟須親友衣屍入棺。心養此念而穿着。必不致驕傲快樂。

省察 我爲主耶穌苦難身死所贖於永禍。當心感情愛追思其苦。神目視之。殮布包着葬於石墓。亦當思念本身之死。而預事同主耶穌神亡。照罪避惡。我心思行爲如何。

定志 自今以後。我依前道而行。每日晨早着衣服。必思將來我身死。他人殮

我入棺之事。

妻人言行

西曆十二月

十八日

一百〇九

十八日 聖愛西盎 主教

愛西盎爲教宗選陞鑿牧，奉使到法國都赫城傳教。時此地似像無人認識天主。異教聞新道，憎恨。愛西盎在此光景，畧如主教神父之在中國於前五十年。爲居民惡恨，藏於鄉間，暗地訓新教友。以天主造成天地，以主耶穌死於苦架救贖人類各端大道。越數年以河邊山洞爲經堂，而夜間聚信輩於此。洞有隧道，恐異教人忽至，教友可由此奔出逃命。

愛西盎非常人也。祈禱操德可比大聖。天主賞之以神能醫病除魔等聖蹟。以此感化人不少，而與將來之鑿牧神父等開善路。遊歷地方之時，見廟殿及菩薩邪像在各處，居民行異端醉生夢死，不思議之虛實。聖人只心中思想曰：噫！此地爲鬼魔網罟羅阱如是，誰知其異日能否得去邪歸正乎。心起此

念不得不悶倦哀惜。但不失望而務善功不止。末竟高壽在都赫城外患病安逝於西曆十二月十八日。時則依古記救世後百年。華漢朝時。聖人之名恒存於都赫之地。信輩世世愛敬。復過二百餘年。聖瑪爾定十一月主教終聖愛西盎所始之功而全地奉聖教。數百年來都赫城內頭等經堂稱為聖愛西盎堂。寬大美麗可觀。聖人昔日由此城過。必不料及將來有如此之妙堂在此。張揚天主之榮光。傳紀其本名於後世。

聖斐辣味

隱修

斐辣味乃意國之人。幼時爲賊所擄。送至法國多花城之地。某財主贖之。留在

家待若親人。斐辣味感德視主人若父而忻然以子之禮孝之。一面心思歸向天主操德出常。魔鬼見此家上下人衆和平同居如是自然心不悅而設法間離。特意唆使主母懷私情致誘感斐辣味行不端。不料斐辣味德穩如山。以天主明燭幽私各情之言善勸主母除邪情存守其德。主母不聽。斐辣味自覺險危。效古聖若瑟拒主母便逃。主母發怒以其欲行強姦之罪控之在丈夫前。丈夫惡其恃寵敢亂家規。便罰之往鄉里。在某庄下力牧牲畜。斐辣味寧可勞力不致暴露主母之惡。遂不出言而於庄上苦力牧牲畜。在此若獨居於曠野而祈禱沉默愈便習善愈精。一面竭力經營牛羊。惟欲主人之財年多一年。與鄉下農家接交則仁愛可稱。時而辛苦相助。時而分贈飲食與窮苦。

逾數年主人見斐辣味忠信大德。自想道。習善如是之人。豈能在我家無禮如前日之事乎。遂問之以實情。斐辣味顧念主母之聲名。說道。昔日之事。王母錯控僕。僕實實無此惡念。主人信其言。乃舉之爲總管各庄之事。又聘某家之女爲之完娶。斐辣味心願守貞不娶。一面不敢逆主人美意。遂奉命結婚。但行禮後客散。告新人以己心願。新人自幼愛德。是日聞丈夫此言。沉默片時。應道。夫既有此心。妾亦願守貞。此後二人同居如兄妹。在內相助習善。在外勸人施捨貧苦等功。某年讐仇如忌。斐辣味訴其私濟無聊之輩。浪費主人家之財。主人輕信。來鄉面責。斐辣味忍受。然後謙遜說道。主人一目可見。僕管事之忠與否。遂引家主遊閱各庄。主人見各庄之田地禾苗青幽無荒。各倉糧充滿無虛。斐辣味號嘯數聲。山林之牛羊四方羣下奔來。主人歡喜。

道錯也錯也。毒心之人不可信。遂稱頌斐辣味之忠信而去。

且說數年來主母恨聖人日甚。復過些時不知以何故又控之於丈夫前。丈夫

復信如昔。糊塗無改上馬一盪直跑庄上來。斐辣味出接。主人馬上揮棒擊之。棒

未及斐辣味身邊。只見主人翻身落馬。斐辣味不念其無故相毆。忙忙扶之

立身入庄。主人大痛稱口渴。斐辣味遞水一杯。主人飲後。疼痛即止。識爲斐

辣味功德所致。認錯求赦。

隔日聖人求家主許其離世隱修。主人允諾。並施一塊土與之作養身資生。此

後聖人之妻入女院隱修善生福終。聖人獨居小屋祈禱苦身。而以每年所

穫之麥豆等作日用之糧。某年陞神父而仍獨修如初。遠近之人來求轉達

謀策。獲異恩於此者多。未竟聖人年高患病。西曆六百三十年。華唐太宗年

間十二月十八日領聖事而逝。聖名存於後世。常有人在墓前求轉達。

切想

天國猶芥種一粒。原爲百種中至小者。人取以植其田。比長大於諸蔬。儼然成樹。鳥棲其枝。福音瑪竇十三章三十一節此乃主耶穌堅固門弟之言。彼時信聖道者寡。

疑之者衆。吾主恐門弟廢志回俗。乃設比喩。勵之以聖道將來大行之言。傳教一事本難。其難之最不在身勞而在心苦。明知教極真實緊要。欲以之化人。而人衆藐視正道。固志從邪。不但不降心信服。尤且顛倒自誇有理。辱罵聖教。致恨教士而素常加害。一面教士雖費心不成功。雖教友少而無名。然亦須恒守善志。忍辛苦耐憎恨。至身終。其事豈不難乎。

今日之聖愛西益久歷此難。奉命到法地。時法人似今日之華人。以古傳爲實。

以敬各種菩薩爲正教。以外來之新道爲邪。愛西盎初至。心想土民聞得聖教。必明辨正邪。而背邪歸正。遂盡心竭力傳聖言。越過數月。居民不但不從。

反而憎惡。致愛西盎離城。藏居鄉下河邊洞內。

此洞離聖瑪爾定所造馬爾木姑院甚近。予入此不覺心

動。回思中國神父信輩時常避危之情形。即自語曰。噫。聖教始初之艱難處。處皆然。

在此夜間。聚小民中信輩數人。與

彌撒聽聖道。洞門時常有人看守。或見異教至。鑿牧與信輩皆由隧道密路奔出。

復逾數年。局面未見改變。教友之數不大。有學有財之家。信菩薩如昔。愛西盎目擊問倦。魔鬼必誘惑之曰。汝在此何爲。枉自盡心竭力。此民心硬似鉄。其心明於世務。矇於靈魂之事。汝尙留居於此何益。天時未至。不如另行別處。尋性善耳聰之民。而以天上來之寶給之。但愛西盎聖人也。聞此諸言於心。

即知是魔鬼所設之計。遂發信德。斥之曰。主耶穌說過。天國似芥種。原爲百種中之至小。隨長似小樹。天鳥可棲之。天國即聖教。初傳似若卑賤富貴者不入。但蒙主恩施佑。聖教自然續漸增長。至成各教中之至榮者。天主所招選之諸人鳥天亦來從奉。現今之事。我只須朝夕祈禱習善求主降恩。我在此爲大主之農。雖不可望收穫。然亦當竭力耕植。現在我辛苦而種異日必有人歡幸而穫。遂倍加祈禱善功至死。過二百餘年。聖人開教之地盡識天主。法國通從正道。一千五百餘年來此地所出之聖人聖女。所分給於普天下之善功。雖千萬卷書不能說盡。小種長成大樹。無數天鳥棲於其枝。眼時聖愛西盎之堂立於都赫城。世傳此天主聖農之名。伊苦耕在地而不穫。樂穫在天而不苦。豈不當哉。

辛苦於中華聖教田中之各兄，請以此聖爲表。爾等在各省舉目四望，所見與愛凶盜鑿牧昔日所見畧同。請效之恒容耕植，將來自然有人豐獲。耕必苦，獲必樂。但獲不如耕而有功。爾功全，必有妙賞。爾名爲天神鏤刻於中華聖教之基礎上，爲天主登載於永賞之簿冊。爾苦數十年，受賞於永世。此事大益不可錯失。當時之信輩各位，善言善表，証聖道之純實於異教中者，爾等乃中國聖教基址之石。倘以信望愛三德自飾，爾等之名亦永存不滅。

省察 我傳聖教或聖事，只須盡心滿我責任。竭力之外，還當恒求上主降佑。成功與否由上主不由我。我耕種，天主隨意賜種出給嘉實。收穫之時至，必有人收我在世無收穫之樂何碍。得永賞在天永樂足矣。我知之麼。

定志 我以今日聖愛凶盜之言行自慰，而以聖人之善表自勵於善功。

十九日 眞福魚爾把祿 教宗

西曆一千三百一十年。華元武宗年間。法國芒得之地。某宦家生一子。請聖爾

瑟亞九月二日爲代父。取聖名魏肋默。此兒自孩年愛善好學。常見置棄孩戲

膝跪誦經。母親每說此小兒與他兒不同。不知其將來之事。惟天主知之。稍

長讀書。隨年大進於學。卒業後不戀世榮。不圖富貴。十八九歲出家入瑪西

里亞聖味多爾靜院。本篤會院修道。在此數年操德精學成大才。陞神父後在京

都等城講書多年。門弟許多。此後當副主教至四十餘歲。時教宗正位於法

國亞位隆城。聞魏肋默才德。召之來見。隨陞之爲使臣。奉委遊意大理亞各

方。此地人民分心各從其主。數年來動于戈。爭鬥不止。教宗使魏肋默勸之

取和。惟願事平國安。自可回羅瑪。魏肋默奉使前行。費心二三年。但人心久

離難合。末竟事未得如意而回法覆命。此後在瑪西里亞當味多爾院長上隱修不與外事而心福。越數年奉教宗委任復入意大理亞辦事。是年教宗崩駕。紅衣宰臣聚集商議推新教宗之大事。初舉紅衣鑾牧數位不能合意。乃題當時奉使過意大理亞魏肋默之名而同心推之。但不露此事。惟先使人請魏肋默回法有緊要事相托。魏肋默無疑便回。既至即爲衆紅衣大臣拜爲教宗。

魏肋默取名魚爾把祿第五。彼時年紀五十二。數十年來各處理事言行謙遜和達。衆人信服。陞教宗之後舉動不改。穿着本篤會士粗衣如昔之在靜院時然。週年瞻禮四六七守大齋。惟用麥餅清水。復活瞻禮前四十日。聖誕瞻禮前二十五日。每日惟用一餐於下午四點鐘時。每日除專務聖事之外。猶

設朝接納求見諸人。見君王恭而不諂。待貧賤慈悲不驕。自視如憂苦者之
父。時常派人給銀錢衣食於窮民而伸其冤。富貴文墨人稱新教宗之賢智
博學。小民頌其仁愛良善。

魚爾把祿心想千餘年來列位教宗常正位羅瑪。致羅瑪俗稱爲聖教之京都。
故切願遷住於此。乃委能士於意大理亞四方勸各地之主取和安民。蒙上
主恩佑四五年內大事說好。意大理亞得平息。教宗歡喜帶衆紅衣大臣離
亞位隆來瑪西里亞附船出海到意大理亞某碼頭上岸。隨坐車向羅瑪進
發。大小城一路迎接。士庶歡幸遠送。只聞萬歲歡呼之聲喧天。羅瑪居民踴
躍圍送到聖伯多祿經堂。讚頌天主賜城民復見教宗而樂如家。處得見流
亡父親之歸鄉。

魚爾把祿在此遠慮普地聖教事務。請各國各省衆鑒。牧會同細察。屬民當操之德。當改之過。而定規程。助之自新。並令各方興學。貴才。自施田土。而以租銀養窮家子弟。若十讀書。如是。教宗實爲聖會中之天光。善言勸勵。美行引導。靈牧信輩。君臣士庶。皆沾恩。

彼時歐洲東方布爾家里。莫爾達斐等處。異教與裂教甚多。信輩少。教宗委傳教士多人。講聖道。數年內。化異教。裂教甚多。歸正。亞西亞洲之東。有中國。前三十餘年。教宗本篤第十二。遣主教神父。呈國書於帝。元順帝請保護及恩准。傳揚聖道。魚爾把祿聞得。該鑒牧神父等身死。惟剩一二位。乃另遣主教一位。方濟各會神父數十位。前去接事。一面希臘國王來羅瑪。欲見教宗。察本國與羅瑪聖教分裂之故。教宗優禮相待。而與之辯道數次。帝甚愛教宗之

才德。末竟同國后棄裂教奉正。不幸國民固執邪道不從王。

尙有一宗大事乃教宗所願成功以榮大主。回人在東方日與續漸侵佔各地。又可慮其興大兵攻歐洲各奉教國致生重患。教宗勸各國合兵過東拒之。不幸英法兩國數年來互相攻鬥。不從善勸。教宗不自惜。離羅瑪過法國欲見英法兩國君帝而引之和好。不幸到亞位隆患病不能遂其心意。且自覺臨終至。乃集院士。獨備善死。領聖事後命開殿門放信輩入臥房。是日抱苦像善終。

時西曆一千三百七十年十二月十九日。

各方聞知咸皆嗟嘆。無不痛惜教宗早亡有大碍於聖教。墓前顯聖蹟。見者愈加稱亡者之德。

切想 三續論聖母瑪利亞

申爾福瑪利亞滿被聖寵者。

或問。聖瑪利亞實生救世主。當稱天主之母。但言聖瑪利亞生子後仍是童貞。此事難明。答曰。據信要經。可見欽崇天主之衆。鑒牧鐸德信輩自古迄今。世均信救世主乃童貞之母所產。好信輩雖不明其理。却服於聖教之令。而信稱無疑。茲可以常見之事。比聖母童貞而懷生救世主之正道。

譬如日光由玻璃窓入屋。其在玻璃體上進出。而玻璃無變。聖瑪利亞皎潔如玻璃。救世主乃天上之眞光。雖受孕產生於聖瑪利亞。而出入無有損於聖母之貞。

日光由玻璃過。玻璃燦爛若火。救世主亦然。不但不玷其母。而且加其美。增其

榮。

設若玻璃有色或紅或藍，日光由之過必染其色而變紅藍。天主聖子由聖瑪利亞貞胎過，取聖母之本性成人與你我同類。

日光未過有色玻璃之先，本是光。但原白而無色。過色玻璃之後，仍是光而有色。救世主未受娠於聖瑪利亞之先，惟是天主，非人也。受娠之後，且是天主，且是人。

日光染色之後，光與色爲一不可判別。天主子成人後，雙性結合成一位救世主，不可分離。

色附光，非光附色。耶穌雙性中，人性附於天主性，非天主性附人性。

光爲日頭所射，其色爲玻璃所給。玻璃不射光，惟以本色衣太陽所射之光。耶

蘇且是天主第二位。且是人。聖瑪利亞並未生其天主性。但產耶穌之身。而
以人性衣。天主子若玻璃之衣。日光以本色。所異者。日光之色虛而無實。救
世主之身靈實而不虛。

日光必在先。玻璃在後。若論染色之光。則玻璃在先。光在後。耶穌爲天主。自然
永先於聖瑪利亞。其爲人。則聖瑪利亞在其先。

日光本色輝耀至極。人目不能當。其光由紅玻璃過。即變純和不傷目。天主聖
子未曾降生。其在天榮赫赫峻極。人不能近。成聖瑪利亞子之後。人人可臨。
雖卑賤。雖罪惡不堪。而不爲之斥棄。

明此比譬。即可畧知聖瑪利亞童貞於其爲救世主聖母之奧義。

省察 世人中多有擬量天主之事。若算人事。而以人之所不能爲者。限量天

主之能。其思絕然無理。我知之麼。天主聖子生於聖瑪利亞。不但不損其母。而且百般榮之尊之。我信之麼。

定志。自今以後。我不以人智小見之理。擬量天主之能。惟察聖教所訓信輩之道。而全心崇信。思念天主成人之事。我必以榮聖母瑪利亞之一面。以思想。此意必合天主與聖教之意。

二十日 真福伯多祿 家尼西 顯修

伯多祿乃荷蘭國尼默厄城人民。家尼西乃其家之姓。生於西曆一千五百一

十九年。華明武宗年間。幼時讀書於各羅尼亞城。卒業點翰。然後讀公義於

路分城。究竟欲事天主救人。乃入耶穌會。會纔與聖依納爵尙在七月三十一日在此隨本會

極善之規矩。用數年操德精學。年紀三十餘陞神父。在各羅尼亞城書院講

公義博學說詞有名。且教門弟且註古聖師之書而日長於才。

時呂得祿纔死。西曆一千四百八十三生 一千五百四十六年死因其所傳之邪道。有日爾曼諸侯數

位不服帝政。以致地方漸亂。聖教中亦未免不受害。有主教神父院長辭士

等嫌聖教難從。乃棄舊奉易學易崇之新道。效尤之信輩自然多。各羅尼亞

居民不然。見本地總鑒牧道不正。欲控之在帝前。特舉伯多祿前去。伯多祿

奉委進京見帝面奏。帝聞之。遣使到羅瑪請教宗主理此事。教宗細察後將各羅尼亞總鑒牧革職。另陞有才德之某鐸德繼其位。

且說數年前教宗已請各國鑒牧聚於德里登東城察當時之邪道而駁之。鑒牧等遵旨赴會。因事難過分。未能了結。是年伯多祿不知爲何事得見某主教。說問。主教覺其才學舌辯超羣。乃請之同往德里登東助辦公事。鑒牧會同議事

各帶能士
爲參贊

伯多祿從之去。在彼奉委同本會某學士察裂教人書上所犯七

祕蹟正道之各端。伯多祿如今。隨後依時來宣讀其察出錄出之各件。鑒牧等每每稱其才之淵博。未幾衆鑒牧因外事之難。不能接續完工而散。伯多祿奉聖依納爵之命過羅瑪。師徒同居數月。然後伯多祿往默西納城教書。復越一二年。巴侯請聖依納爵派遣數士來設大學堂授徒駁裂教人。聖人

遣伯多祿同本會修士二人前往。伯多祿至，四方學生來從。操學之外，猶明辯道之正邪。蒙諸侯及主教神父等費心。此後巴地居民不爲裂教頭所迷，而得存守正道。至今日未變。某年奧國皇帝請聖依納爵遣派伯多祿來本國。聖人依言。伯多祿奉令赴奧國京，舌辯闢邪引士庶堅守信德。更復設立學堂。以後富貴人子弟在此讀書。逾兩年伯多祿立爲日爾曼國本會衆士之長。在數城立學院與聖學之外，與裂教人辯論不休。隨亦奉令居波羅尼亞國立功如在別處然。

西曆一千五百六十二，衆鑒牧復會聚於德里登東議事。伯多祿與焉。聖學口才愈加有名。次年事結會散。伯多祿奉教宗委遊行日爾曼。見各王各諸侯呈衆鑒牧所議正道諸端。勸之奉守平息聖教。所至之處，言行剛柔相兼，無

一事不榮聖教。

事畢。神父猶存三十年於世。時在院隱修著書。時在外講道化人。始終不辱聖
依納爵門徒之名。見之聞之。若見若聞其聖師。以上人之命爲天主之旨。命
出不問故。不懼難。即奉事。成如意。不矜驕。不自大。惟歸榮於主。而謙遜自視。
如無用。事不遂心。即伏於主。聖意不怒。不怨。而和平如常。雖才學機變不俗。
却不恃本力。大小事預先祈禱。尅身托之於主。事之關係愈重。而先祈求苦
功愈久愈細。准備如是之後。開工之日。至大有靠望而行事無疑。伯多祿在
各處堅固信德。拒禦裂教人功效之由。即出於此。敵愾以才而勝之以善。敵
惡者人也。但人力藏有天主神力。豈有不勝哉。

神父專務各樣善功。至七十五六歲。方得上人之書。命由日爾曼過瑞國斐里

布城立學堂訓地方人敵裂教。神父奉命前往。開學後朝夕教學生習文學。聖道。年老而言愈順。行愈善。此其末功也。西曆一千五百九十六年。紀七十八。患重病。忍苦四月。領聖事而福。終於十二月二十日。墓前顯聖蹟。方中人常來求轉達。西曆一千八百六十四。教宗比約第九列其名於真福之冊。

切想

主耶穌在福音云。西滿。鬼欲簸弄汝。曹如簸麥然。我爲爾禱。使爾信德不渝。路加三十一節 割麥打穀之後。農夫以風車簸之。分其虛實。虛穀投火燒。實穀則入倉。天主之待人亦然如此。存之數十年於世。欲見其虛實。特准鬼魔簸之。如農夫之簸麥。鬼所用簸人之法有二。一曰肉身之艱難快樂。二曰靈魂三司之各樣錯謬。信輩遭艱難而背主。或因好邪樂而自陷於大罪。即離主引

導而投魔鬼之黨。信輩因目見教內人不規。耳聞教外人妄言。而懷疑冷落於善功。或離正道奉邪。伊即棄主從魔。此諸人者皆虛也。被撒胆簸弄分出。實德信輩之外。若固執從惡。至身終。必不入天國。而投於永火。

呂得祿生於奉教國之奉教父母。幼時從聖教讀聖書。成人後入靜院隱修。陞神父。但其善在皮面。不深樹於心。矜驕自恃。素不謙服。聖師等於各世講解。聖經所載聖道之語。而以本意所擬爲當信當行之規範。遂廢信德而爲撒胆簸弄。續漸分異於實德之衆神父。此乃呂得祿與鬼魔交戰之初回。其戰敗也。魔鬼全贏。且老魔單得一呂得祿以爲甚不足。而欲以之引誘他人。

乃謂之於心曰。汝博學出衆。口才勝各名士。可將汝心思露於衆信輩。令其改途。明証天主聖子訓宗徒們之正道。先次爲前世之人訛傳而變邪。勸之察

考聖經爲據。仔細分辨道之虛實。而棄虛從實。呂得祿心覺此念。初猶畏懼。未敢造次。但魔鬼誘其驕傲日猛。而呂得祿究竟頹敗。年紀三十餘。始開言。攻正道傳邪說。且見有人信從而矜驕日上。爲公會正道之各士駁敗而不。屢爲教宗棄絕而不變。復越數年從者多。而呂得祿日見愈橫。竟自著書。篇篇辱罵教宗及衆鑒牧鐸德。自誇爲聖神委遣。明講聖經。逐除聖教中種種不合理之事。改其所有不符原傳之道。

驕傲之徒早晚必溷於淫。呂得祿與某逃離靜院之女苟合。稱夫妻同居至終。末竟將聖教要道各端逐一攻斥。害得無數信輩棄正奉邪。弄得本國分成兩黨。互攻相殺。自則執固行左道至終而死於罪無悔改。

或曰。呂得祿之裂於正道。乃不足奇之常事。但國中鑒牧鐸德。靜士貞女有人

跟從同裂。却是何故。曰。其故在呂得祿之得其時也。彼時鑿牧鐸德富貴。隱士貞女各院田土豐裕。入神品之士。進院修道之男女多。或從父母命。或圖享富貴身安。是以鐸德及隱士貞女中多先肉身後靈魂。有大德之虛名。而無其實。德虛不實。鬼來攻之。豈可敵乎。呂得祿師徒筆寫口說處處流言曰。男娶女嫁。乃天主開闢時造人之命令。不可違犯。守貞乃反人倫之事。昔日與之者。逆主令順鬼魔之意等語。此乃魔鬼唆使呂得祿簸弄世人之言。虛功無實德之鐸德隱士貞女。耳聞必喜。而從呂得祿等犯前愿。或娶或嫁。此人之婚姻虛禮也。仍是男女私通之惡。邪風既昌。效尤者自然日衆。兼之本國諸侯等心想。男女靜院無人居住。伊等能佔其田土。是以貪利忘義。助呂得祿成事。小民中之農戶。每年付租銀麥糧。交與鑿牧鐸德靜士等。錯想新教。與可減租價而

資生愈易。故此多不察有理否。而埋頭步從。裂教士。一面呂得祿等將聖教所有之難事。如告罪守齋各端。一概蠲盡除滅。並訓信輩等毋信教宗鑿牧等所定之道。惟須以聖經各書。以呂得祿之註解各端爲信德之規範。如是引誘上下各等人。以避難就利之餌。而得改教成功最易。圖身安畏辛苦者多。焉得不從之哉。彼時信德衰敗。嗜欲放肆之時也。呂得祿出。可謂鄙世得人矣。故從之爲首攻正奉邪。隨後此惡出外。英丹瑞荷蘭等國裂於聖教。

耶穌教自此而起。現今從之者。多以之爲正。以天主教爲邪。每年遣許多人往外國。出許多銀傳道勸異教信耶穌領洗。見人信從。即自誇有功。但以天主教中人背教從之爲首樂。其樂如其道均皆虛也。離天主教奉裂教之人。假信輩也。自先有背教之故。方肯背。見上所言呂得祿之時。士庶離舊奉新道。

之故。即知眼時假人背天主奉耶穌教之故。看來。世代相繼而事同一軌。與昔無異。現今耶穌教士來中國傳道。仍是魔鬼簸弄人之法。虛者簸離正路。行左道。實者欺笑魔鬼。汗身竭力欲害不能。惟堅結沉重一味毅行。正路歸天主之永倉。

呂得祿之愛徒。默郎東。服侍老母於臨終。老母問之曰。子。汝昔勸我離天主教。奉新道爲是。我已信從。迄今將死。我心疑恐懼。望你究竟一言。將我心思堅定。倒是舊道好。或是新道好。默郎東迫於愛老母之情。不敢相害。遂應道。生時新教好。死時惟舊教則安。老母乃歡喜。亟忙趕神父。辦告解領聖體而福終。勸汝虛德。欲背主。從裂教之信輩。勸汝記裂教頭此實言。生時新教好。死時惟舊教則安。

省察 呂得祿似前各世裂教頭。棄正張邪之故。由身靈從欲。靈則驕傲不服。於當信之道。惟將本意置於聖教所傳諸實理之上。身則圖眼時之便益。願免聖教所令之難事。不禁驕傲圖身樂之信輩。可怕侵漸違失信德。從奉邪教。我知之麼。裂教人傳道。美言引誘信輩。棄正道。乃助魔鬼簸弄信輩。如農夫簸麥之人。德虛者可自危。德實者毋懼。我知之麼。

定志 自今以後。我視裂教人如魔鬼。所使簸弄信輩。虛實之人。比擬兩教。即記裂教之言。生時新教好。死時惟舊教纔安。

二十一日 聖多默 宗徒

多默乃如達國人。出世與主耶穌前後不數年。耶穌三十歲傳教。多默棄本業
捕魚出家從之。因言行忠直。陞爲十二宗徒之一。吾主受難身死之時。信德弱
而。同別宗徒們恐懼。離耶穌逃匿。耶穌復活後發現頭一次。多默不在場。衆
友謂之曰。我等俱見主。多默心想伊等所見虛像無實之影。故此應道。不見
其手中釘孔。非指探釘迹。納手厥肋。我不信也。逾八日門弟聚一屋。多默亦
在彼。屋門雖緊閉。耶穌復至。立衆人中拜曰。安和於爾。然後謂多默曰。舉指
納此。於手之釘孔明視我手。伸手入我肋。勿復疑。惟信耳。多默探聖傷後呼曰。我
主我天主。耶穌曰。爾見我方信。不見而信。眞福也。若望二十章二十四等節此後多默之
信德堅固無疑。見耶穌升天而愈加靠望。領受聖神之後。聖學全備。聖愛燃

熾於心。先則傳聖道於如達國。逾數年則離本地東行。徐漸傳教於默的、波斯等國。各處立德表顯聖蹟。化人。逾多年往印度國。勸得異教許多人棄菩薩信從天主。究竟在默里亞波之地。爲異教人刺死致命升天。古書載聖人某年由印度來中國傳教。然後回印度方致命。其事無據可憑。

真福公納多 顯修

西曆一千二百四十餘。華宋理宗年間。意國亞斯各里城。俄斐達村。有十五六歲之少年。名公納多。自孩年愛主。欲習大德。是年入方濟各會。在此熱切進善。許願後。讀公義陞神父。因心謙遜。自視在衆人之下。遂求長上使之在外

遊街爲衆士丐食。回院燒煮烹調。十五年如是。所任之事至賤。而因謙卑忍苦積許多大功。

彼時聖方濟各去世畧已三十年。因其昔日所見於亞爾斐肋山之妙事。十月四日

門徒等造得有一院於此處。在此院者皆明德之士。入會之第十五。年公納多奉令居此。愈加竭力效學聖師之德。天主悅樂。而特恩賞之。見聖母瑪利亞天神聖人發顯。聲名早傳於四方。上山來誦經還愿者。無不求見公納多。而自託於其轉達。真福預防魔鬼誘惑。他自高自大。遂請上憲遣他過某院。上人准請。公納多離亞爾斐肋來新院之日。恰值有人送負魔者來院求除魔。院長命公納多行聖禮。真福不得不從命。遂誦經而負魔者愈。聲名復行於此地。真福憂甚。求往某院。上人復准。此院遠近無人戶無客往來。真福在

內若在曠野。是以安然尅身誦經無慮。天主賞其謙卑。賜之魂超見奧妙。同伴隱士伯多祿亦操大善。某年聖母取潔瞻禮日。見公納多容顏喜色異常。入林誦經。潛地跟從遙遠窺看。少頃見眞福跪地異虔沉默。忽然光中聖母抱耶穌發現。將嬰孩耶穌給與公納多抱之示愛。

逾數年眞福奉命在外遊城鄉講道勸人。才學平常。但因德功明顯。而化人無數。西曆一千三百零三年。年紀七十餘安逝。墓前顯聖蹟。本會修士及世人敬之如聖。西曆一千八百一十七年。教宗比約第七列其名於眞福之冊。

切想 四續論聖母瑪利亞

申爾福瑪利亞滿被聖寵者。

天主聖子取人性生於聖瑪利亞之妙事。乃人類無限之大榮。天神不及多也。

聖瑪利亞爲天主招選生產救世主之恩乃人類之次榮。天神亦不及也。爲人而尊貴莫過於耶穌之母。天主全能可另造萬物。但不能加聖瑪利亞之尊。蓋爲母之榮必由其子之榮而量之。瑪利亞聖子之榮無限不可增大。是以聖瑪利亞之榮亦不能有添長。聖多瑪斯曰。成全而人不可思其愈全者三。救世主之人性。救世主之母。天堂之福是也。因三者由無限之天主而得其全故也。耶穌人性結合天主性而由之成其貴。在天天神聖人之福。由所明見所實享之天主而成其全。聖瑪利亞由所生產之救世主而成其尊。世間之事。爲人愈尊其權愈大。聖瑪利亞尊不可限其權亦不可思。此道無須遠推而可即証。蓋順命者愈尊。出命者之權愈大。然在納匝肋聖瑪利亞屋內順命者爲誰。豈不天主聖子乎。如是則尊超萬物之耶穌從聖瑪利亞之

命。萬君之君耶穌基利斯督聞聖瑪利亞一言，即依言而行。將審判生死者，永王於天國之君者，聖瑪利亞使之若母之使子。請問，聖母瑪利亞之權何如。聖奧斯定曰：天主本權所能，瑪利亞祈禱亦能之。非瑪利亞本力能之。惟以爲母之理而祈禱請行，救世主子情必垂允准行。

聖母此權無處不行。在天堂聖瑪利亞爲永國之后，救世主之下，天民敬之爲至尊。在地，聖瑪利亞爲衆信輩之母，天主聖三之下，衆敬之爲人類之中保。在地獄，瑪利亞爲魔鬼惡人之畏敵。聖瑪利亞一目令衆惡神忠靈駭然，不能當其威。在煉獄，聖瑪利亞爲衆苦靈之仰望。時時安慰之於其無名之憂。或曰：聖瑪利亞之權如是，只恐有碍於耶穌尊權。曰：聖瑪利亞之尊乃救世主所賜母親之賞。說其尊有碍天主之尊，即咎天主聖子賞賜人，不知賞之輕

重大小。話愚昧不甚焉。

省察 在世之事。人之權與其尊相應。大堂之理皆然。聖瑪利亞蒙天主賞賜尊貴。超過衆天神聖靈。其尊至生產救世主。而母令使之如母之使子。其尊如是。其權必相稱。直若奧斯定所言。天主本權所能。聖瑪利亞祈禱亦能之。我知之麼。 聖母之尊權。既由天主賞賜而來。裂教責信輩。靠望聖母獲罪於基利斯督之言。虛也。我知之麼。

定志 自今以後。我不管裂教或異教無理之言。必敬愛至尊至貴之聖瑪利亞。而盡心靠望。仰慕其母眼慈視。助我於身靈之艱難。佑我於生死之險危。

二十二日 聖女達爾西納 耶彌理亞納 姐妹童貞

聖額我畧教宗三月十日書上載云。吾父有胞妹三人。一名達爾西納。一名我爾

弟亞納。一名耶彌理亞納。三姊妹幼年時同日領頭巾許愿守貞不嫁。此後

同居本家。富貴家族度生至規互相堅固而爭先進善。逾數年我爾弟亞納心虔

不如前。惟迴顧己所絕之世樂而始心戀貪圖。徐漸冷落無味於聖事。

姐妹二人知覺情形素常嘆惜。互相告曰。我爾弟亞納變也。心不與我姊妹合。

惟歸於外事之虛念。奈何。遂盡其親愛提醒勸勵。我爾弟亞納耳聞似若悔

過定心操善。半日一日端肅靜修如貞女所宜。但素性反覆。隔日復變。愛與

世間之婦女往來。言語舉動輕忽似俗中之人。

達爾西納不然。誦經沉默不倦。薄衣素食不自矜。修德可謂至極巔崖。一日謂

子曰。爾公聖額我畧之祖即教宗斐理斯第三年四十餘與妻分居入神品陞教宗可見此家代代習德成聖發顯於我。引我超視至美大光之殿曰。請來我將接汝居此殿。次日達爾西納染病。其病不應藥而續漸沉重。孃孃領聖事後安平待死。既在臨終。我母親及衆親友在其榻前奉陪誦經。只聞病人朗聲說道。汝等分開讓地。主耶穌來。說訖。注目福視而亡。時美香馥郁。衆人覺此得知上主果然來接其婢升天。

此乃耶穌聖誕瞻禮前之事。瞻禮後達爾西納發現於耶彌理亞納曰。愛妹。汝可來也。我未同汝辦瞻禮。爾來。我兩人同過三王來朝。妹應道。我去甚好。但將我爾弟亞納托於何人。達爾西納容顏愁悶說道。伊所願同世俗結交。汝來矣。次日耶彌理亞納染病。領聖事後死於三王來朝瞻禮之前。

二人陞天後。我爾弟亞納愈加冷淡。究竟廢志反前愿出嫁。以三姊妹之事。主

耶穌之言驗也。其二、召者多，見選者寡。瑪竇二十章十六節是故操德者當小心翼翼。否則今日所積之功，明日恐有不妥。

聖色爾福 病窮中修德

聖額我畧亦載此聖之言行如下。

前數年有病窮信輩在羅瑪聖格肋孟多經堂過廳內丐食。予素見之。通城亦無一不識之。其人名色爾福。幼時患病至成癱瘓，手脚不能動。母親與兄弟服事。親人甚寒，置之於聖堂門外，望進出之信輩相憐，行哀矜。色爾福聖德不俗，在天地間無財而絕不貪圖。人所施給之銀錢飲食，只取其緊要。餘剩

則轉給他家之貧窮。雖不識字，却買聖經一部。然後有客來顧，即求之明聲讀一篇。自則靜臥薄板上敬聽，嘗其神味。每於數次如是，致能背誦聖詠及福音許多。日夜無容相顧之時，即題聖經讚頌主。且不求上主垂視醫病等福。惟感謝主賞賜重病，致能效學救世主忿苦立功。

天主試煉色爾福之日期將滿，伊覺病漸入臟腑，便明知臨終在邇，遂愈加熱切善備。靜士數人信輩許多敬其大德，侍於床前不離。色爾福領聖事後請之誦經，正誦間，色爾福舉手請止。衆即寂然不語。病人問道：列兄聞得天上經聲麼？衆應未聞。色爾福不復言。惟雙耳似若聞異音而容顏全福。少焉閉目而逝。時衆覺極美之香撲鼻。即知聖人所聞之音，乃天神來迎之昇天也。

切想

耶穌設喻曰。播種者出播。方播時。或墮道旁。爲足所踐。天鳥啄之。或墮石上。以無潤。萌而輒枯。或壓棘中。棘並生擁之。或墮佳壤。長而結實。百倍。路加八章五至八節

播者。天主所播之種。聖言。土人心。或硬如石。語以天主之愛不化。以天堂之福不仰。以地獄之苦不懼。聖言種播於此。無生發。或似人獸往來之路。虛貪妄念擾亂無息。聖言種於此。必踐踏而亡。或似荆棘之土。淫情佈滿。聖言墮而生於之。畢竟墮斃局死。或似佳土。肥而潤。無荆莠。人心好善。思念上主造人贖人之恩典而愛。想天福而慕。擬地獄而恐。如是之心。佳土也。聖言墮落其中。必生而善功發。

信輩願受聖言行善。預先當備心土。去其硬。肥之潤之。使其好善惡惡。亦須去其虛望之思念。拔其邪情。否則善種或不生。或生而不長。

樹種墮於佳土本是好。但善農之工不止於播種。尙須時常經管樹秧。或灌水耘草。或防風而撐縛。恐人獸踐踏而圈圍。信輩承聖言於心土亦然。見德始生。其工未盡。猶要養德如善農之養樹。今日聖額我畧家之三姊妹自幼聞聖言。受之於心。其心土佳潤。受聖種即生德。見德生而愛。故許願棄世榮守貞。獨事天主習善。但天主預識我爾弟亞納之心。明見其不誠。斯女許願後。自視若成功不必費多心。遂學懈怠之農。見樹生而不復培養。不恆於善禱。沉默。不苦身於外。不尅情於內。初覺虛思入心而不阻。受良心之責。即自欺自哄。曰。此事無妨。將來覺得思念有危。必禁。如是一日緩一日。虛念漫漫變邪。我爾弟亞納仍然自悞。視邪念若小罪不足畏懼。久之思念凶猛。我爾弟亞納不能抑勒。卒至廢志。犯慮出嫁。終身之大事如何。不知也。

其他姊妹二人行事則不同。耕心似善農，耕土習德若良圃。養樹在屋，隱居不散心於外。嚴尅三司，不納虛念入內。棄世榮身樂後，無一刻之轉頭眷戀。惟全意歸向天主，禱曰：主，爾乃我所分受之業。爾外我無所求。如是恒守終身，積大功善死。大姐爲主耶穌所迎升天，么妹爲姐所迎同享永福。二人所養善樹也。善樹結善菓，正長生之菓也。

色爾福亦善農也。不似二聖女生於富貴，而爲主棄富貴。然功亦異而不見小。自幼種忍耐純善美樹於心，而仔細養之不煩惱。殘廢不能行動，貧窮不能資生，而不但心服不埋怨，猶且朝夕讚頌主，謝身苦之恩。如是多年，而心樹每日所結之菓，誰能算焉。竟成若天神中之一。是故天神羣至唱妙歌，迎色爾福歡，卒升天。噫，斯聖無片時之安，而時常謝主，全靠他人施給而轉給因。

窮。我等則身痛一日一時而難忍。有銀錢而難濟窮。以百中之一。將來如何。對得天主審判。上主豈不以窮苦色爾福之善表判罰吾衆焉。

省察 聖德似嘉樹。願耕心操德。須學善農耕土養樹。費心竭力。聖德日長。聖功日盛。若辭苦求安心戀世福。聖德日衰。善功日減而竟沒。我知之麼。心農勤快終身。聖德美樹結菓。至嘉至貴。即長生妙菓。嘗者至福無窮。

定志 自今以後。我依我職分效學今日之列聖善養聖德在我心。雖苦一生不辭。

二十三日

聖依縛

主教

依縛乃法國甯得爾城人民。生於西曆一千零四十年。華宋仁宗年間。幼時在家讀書習德。然後過羅爾滿地省入白格靜院。在此以名人良富囊爲師。以聖安瑟爾莫四月二日爲伴。修道精學。將外事全置度外。惟歸心於聖務。隨奉命講書多年。才德之名流傳各方。究竟陞爲某院之長。西曆一千零九十一年。沙赫得城主教言行無道。教宗將之革職。舉依縛繼其位。數處鑿牧私護。前任主教阻依縛行陞鑿牧之禮。依縛絕無貪富貴之心。起身往羅瑪。哀懇教宗准其回院隱修終身。教宗見面後愈加愛其德。而不允所求。某日行禮陞之爲鑿牧。放回本屬。仇讐復欲搗害。新主教在風波之中。似石堅立於海濤。盡心操德於內。竭力改俗興善於外。本屬鑿德教友信服。越數年衆鑿牧亦

認錯稱頌不已。

時法帝行事不規，棄后另娶。

聖教中君臣士庶無二法總是一夫一婦

且知沙赫得變牧才德之名

大乃遣人在主教處說此事，借故遮帝，諉咎國后，惟望主教不明，悞稱帝之行事有理，致士庶知之，不敢異言。主教即時將計看破，不但如使所望，而反上奏勸帝悔罪，棄邪女復國后之位。奏尾附曰：臣寧可以磨石懸頸沉於深海，不能認帝棄后有理，致令信輩有錯於正道。帝大怒，令投主教於獄。聖人在此身受饑渴等苦，而神樂不可言，善志不變。民不服此無義之事，城鄉聚衆欲救出主教，聖人聞言，自獄中寫書彈壓。書內題聖伯多祿受監禁，信輩等惟朝夕祈禱，無意行強之故事。以此勸屬民求天主，不可滋事犯律等語。次年帝放主教出獄，信輩踴躍來接，而如致命之聖以愛敬，未幾衆鑒牧

奉教宗令會同商議後將法帝棄絕不准與聖事帝復遷怒依縛主教身上百般搓磨聖人奏教宗稱以外難相繼不能理本屬之事故請准其卸任回隱院並另陞一位鑒牧望皇上不見嫌不阻之於聖務教宗批奏畧曰久知依縛鑒牧不戀富貴惟愛善德但一時不可准其卸任隱修鑒牧位雖高然依縛甘心捨之惟因依縛才德至貴聖教不捨之棄鑒牧位等語聖人不得不奉命遂忍搓磨而盡心理事如前久之帝回心願棄邪女聖人歡喜奏教宗請赦帝之罪寬其神罰教宗批准通國見依縛鑒牧無絲毫之仇恨而以善報惡無不稱之爲聖。

此後主教在任安平訓民立功事務稍暇離城入院隱居自新西曆一千一百一十六年十二月二十三日高壽七十六患病安逝所著之書猶存。

聖女未多理亞 亞納多理亞 童貞致命

西曆二百五十三華漢後帝年間羅馬的縛里城某富家信輩有兩女一名未

多理亞一名亞納多理亞

或同胞或隔房姊妹不可知

皆許與異教爲妻亞納多理亞有

愿守貞不肯嫁親家遣人請未多理亞勸姐勿固執棄婚未多理亞謂之曰

姐姐明悉聖道不禁婚姻讀古聖經可見天主所寵之聖皆或娶或嫁傳生

兒女而訓之從聖道可知婚姻非上主所禁姐姐爲何固執不出嫁况親家

許過准姐姐誦經從聖道隨意亞納多理亞對曰開闢時天主命人婚配傳

生兒女滿普地現今人多分國分邦相爭是以不可逼世中男女以開闢時

之命而結婚一面主耶穌訓信輩以貞潔之新道勸之尅身樂操聖愛惟仰

天福我願從主聖言貞守終身求永賞日前我許此愿並將首飾濟窮次夜

我見一少年。衣服至貴。珍玉滿身。慈顏謂吾曰。貴哉貞潔。不離善功。不矜於罪。我聞此言。即醒而無所見。遂心惜聖訓之不全。下床膝跪。哀求上主。仍然施教。少年復現。朗聲說道。貞潔皇服也。着者成貴勝衆。貞潔無價之珍也。人有之。賊必千方欲奪。汝其細心於存守。說訖不見。特此我願死不犯貞潔之愿。未多理。亞聞姐姐此番語言。心感。意願從姐。習此大善。遂將首飾變賣。賙濟困苦。

親家知悉此事。發怒。以從天主教之條控。姐妹在官處。官發差捉拿亞納多理亞。命燒香敬神。聖女不從。官命鞭打。聖女忍受。官命投之於獄。放蛇入獄。咬之致死。惡蛇畏懼。不害聖女。養蛇之人見。回頭奉教致命。次日。即七月九日。聖女死於刀下。升天。

至十二月末多理亞亦被拏到案。不但不變志。而且勸化數女認識天主。受各樣苦刑後。於二十三日亦致命刀下。從姐姐去見主。

切想 五續論聖母瑪利亞

申爾福瑪利亞滿被聖寵者。

原祖犯罪後。天主於人類絕恩。而無人能立功補主公義。致天地取和。特此天主聖子降生於聖瑪利亞。死於苦架。作中保和睦。天主於人類。自亞當至世界窮末。得罪赦而升天之人。皆沾天主聖子之恩。

由此推之。世世之信輩。無一不以救世主爲中保。獨靠吾主之祕跡。吾主聖血之功。方可獲罪赦。與天主取和。逃永苦入天國。此乃天主之首恩。人雖無別法。以救靈魂。然有此亦足也。但天主仁慈無限。不但委聖子作天地之中保。

猶且置聖瑪利亞爲聖子前之中保，助人類轉達。此乃聖師稱頌聖瑪利亞與主同功救人靈魂之意。非言耶穌獨力不能救人，惟稱揚天上艾准聖瑪利亞母情爲人轉達助聖子救之。亦讚美救世主寵幸聖瑪利亞而子心納其禱。

特此聖師們素比耶穌於亞當、瑪利亞於厄襪。其言甚當。厄襪雖犯天主命，却陷人類於失天福之患者，非厄襪乃亞當也。聖瑪利亞雖至善，然本功亦不能贖人類和睦天地。惟天主聖子獨能成此功。厄襪雖不能陷人類於失天福之禍，然狡言誘惑亞當嘗誠命菓，而因之害後世之子孫。聖瑪利亞雖本功不能贖人類，然因生產救世主，因勞心身養之成人，並痛立苦架之傍陪之慘死，是故亦可謂助天主聖子成其大事。如是可說死亡由厄襪始，生活

靈魂之永生。由瑪利亞來。人類由厄襪受傷，由瑪利亞得癒。厄襪從鬼魔引死亡。瑪利亞順天神產生活。以一女地觸上怒。以一女，世獲上恩。

凡懂以上諸言者，必明悉救世主及其母功積之大異，而不能妄言聖教滅耶穌之功，以加聖瑪利亞之榮。

省察 救贖人類脫罪得天福者，獨是救世主耶穌。聖瑪利亞本功不能贖一罪救一人。天主臺前爲人類之中保者，獨是救世主耶穌。但聖瑪利亞亦可謂在其聖子前當人類之中保。人求聖瑪利亞轉達，聖瑪利亞必任其中保之職。聖瑪利亞轉達，耶穌必以本功祈禱於天主，而天主施恩救人。此乃升天之梯。我知之麼。

定志 自今以後，我依上論之道且信且行。

二十四日 聖額我畧 鐸德致命

西曆三百零三年。華普惠帝年間。羅瑪斯波肋得城有大德之神父名額我畧。是年風波至猛。帝差大員來斯波肋得勸辦信輩。欽差到官提額我畧神父來案。欽差問曰。汝乃本城之人。名額我畧。神父應道。正是。欽差曰。聞汝不敬神。不奉旨祭菩薩。神父應道。我自孩年敬正神。問。何神。曰。肇造人類原祖爲其肖像之天主。此乃無始無終全能全智審判衆人善惡之真神。曰。汝言何多。茲惟須依令而行。答。何令。曰。入廟祭菩薩。若從即成吾友而蒙帝厚賞。答曰。我無與汝友之意。並不致祭魔鬼。惟敬天主耶穌。曰。豈可癡狂如是。不奉命必遭重罰。答曰。狂者非我。惟不識天地大主亦不知菩薩是鬼魔者。欽差令杖神父之面。刑畢。謂之曰。勿要固執而獲罪於國神如是。答。我非固執。

汝等行魔鬼之事。乃魔鬼之奴。官坐於欽使之側。謂聖人曰。額我畧。我勸汝祭神。否則喪身碎骨。答。我寧身死。不願我靈受害。欽差令重棒聖人之背。然後說道。凡背帝令者。當罰之如此。聖人應曰。我受刑升天之後。必得厚賞。欽使令刑役曰。翻之棒其腹。神父祈禱曰。天主矜憐我。於仇讐之恐懼救我。官曰。汝當自憐。否則死於此。答。汝只管去敬鬼。我有主。基利斯督堅固我。忍刑。少頃。欽差令辦鉄床鋪火炭在下。置神父臥身於上。刑役依令。聖人在火上祈禱曰。救依臘爾三聖童於火燄之天主。求佑我於此酷刑。言未訖。衆覺地震。城中房屋頽圯。壓死異教許多人。欽差忙忙令送神父回監。自駭然退堂入私衙。神父在監。天神發現安慰曰。勉哉。天主忠臣。勉哉。汝勝小難。必受大賞。聖人跪地稱頌曰。感謝爾上主。天主遣使安慰堅固爾僕。我永遠讚美爾。因

爾矜憐我。爾乃獨有之主。爾外無他神。

次日欽差坐堂。令解額我畧來。復令祭神。聖人應道。我只祭真神。天主。欽使令刑役用鉄篋刮其皮。聖人道。汝若自明己本末。必認識天地人物之真主。不能敬魔鬼。欽使令用燈火燒聖人之肋。神父道。可燒我全身朽爛。我有天上之醫耶穌。基利斯督。療治我傷。欽使令解聖人至鬪場斬首。聖人到鬪場祈禱曰。讚頌爾天上之大主。讚頌爾於今日。屑賞爾僕。離此塵世升天。說訖。膝跪引頸。少頃。刀光一閃。聖人首級落地。靈魂直昇天福。官令放獸入場食其身。衆獸雖枵腹。却到聖尸邊來。不敢無禮。惟俯首示敬。百姓目擊喊道。大哉能哉。奉教人所敬之天主。故此認識天主者不少。

是日有某富家之婦來見官。求准埋葬聖人。官曰。先繳金錢三十五圓。可取尸

去埋。那婦即時如數交盡，然後帶家中僕人四名抬聖尸回家，貴葯包之入殮。十二月二十四日同信輩唱聖詠埋葬城外。

聖女依爾明 童貞 聖婦亞德肋 守節

二聖女乃法帝達我白第二之女。自孩年不爲宮內之富貴所迷而謙遜習善，日進於德。年紀十餘齡爲帝許與某大臣之兩子。大公主依爾明立婚之期將至，其夫染病身亡。依爾明聞之愈覺輕嫌世福，遂稟父君懇求准許願守貞不嫁。帝令之緩數日再來商議。過數日又推一兩月，竟見公主心意穩定，乃准之。未幾次公主亞德肋出嫁。

越數年依爾明願出宮入隱院。帝賞之以故寨在得肋物之外。地名窩很。若曰倉

並施田土銀錢若干。依爾明歡喜謝恩。以後在此隱修習德。有許多名家節婦貞女來從。依爾明善言善表引衆行天路。院名早傳於通國。衆女在內粗衣薄食善禱。朝夕祈求天主降福國家帝后士庶。過十餘年疫症流行於院。依爾明倍加尅身哀懇。天主消疫救其同伴。見事不如意。遣人請聖衛理博爾。十一月七日主教來院相助。聖人見信即行到院。獻聖祭後以聖水灑衆病女。衆皆痊癒無恙。過數日疫症全無。

且說亞德肋出嫁後生一子。未幾丈夫過世。夫人孝服居孀十餘年。以訓子理家爲務。以誦經沉默看顧困窮爲每日之工。末竟見子長成。聘某家之女與之爲妻。然後棄世務。在得肋勿近處立一靜院。剪髮領頭巾入內修道。貞女

節婦亦來從。如是則姐妹二人雖身分而心合。事主在各院。二人雖出身至貴。而在衆女之中至謙。言行慈悲純善至極。依爾明年紀四十餘患病。善領聖事。歡幸死於十二月二十四日。亞德肋再活三十餘年。竟至高壽善終。二聖女生時以善德引導同世之人行善。死後聲名遺留後世。衆信輩稱之求轉達。

切想 六續論聖母瑪利亞

申爾福瑪利亞滿被聖寵者。

天主慈悲不但招選聖瑪利亞爲生養救世主之母。猶且委之在聖子前爲中保。助人類轉達。特此聖子與聖母在世同樂同苦。合心立功。救世主出世生於牛欄之內。聖母同之受貧賤孤獨。黑落得欲殺耶穌。耶穌充流避之。聖母

同行外地。耶穌成人傳道，聖母陪從不相離。耶穌在加納與人之婚筵喜事，聖母亦在此。斯日明奉其中保之任，席間不酒敷，當家不敢稟耶穌以此傷面之事，遂暗地告聖母。聖母心憐，即告耶穌。耶穌將水變酒，復過三年耶穌釘於十字架，聖母站立於旁。聖子所受於身之苦刑，聖瑪利亞受之於心。耶穌升天後，聖母留在世，善言善表，訓救世主之門弟。信輩見之，即似見主。末竟聖瑪利亞卸世，死後第三日復活，蒙召升天，是日聖母之功全，所受天主賞賜之妙恩已盡。其恩之始在始孕無玷，其終則立為天國之后。昔日在世當信輩之中保，升天後仍任此事。但尊權比前愈大，仁愛愈誠，而益人類身靈愈妙。

耶穌在福音曰：追我，高舉，釘於十字架必引衆歸我。若望十二章三十二節此言驗也。一千九

百年來。魔鬼雖唆使各國君臣士庶禁聖教。虐信輩。然未能阻止人類歸於救世主。現時未歸者。將來必歸焉。如是救世主之榮大行於普地。且將諸歸己者亦引之歸聖母。教友世世記主恩愛。信耶穌所傳之道。而依其善訓。欽崇天主。代代視耶穌爲人類在天主前之中保。而靠其無限之功。望獲罪赦升天。一面常念聖母慈悲。而不致分離聖母於其聖子。視救世主在天主父之右。而稱之爲主。視聖瑪利亞近於救世主。而呼之爲母。善者仰慕聖瑪利亞之善求保護。而聖母轉達聖子助之加善成功。罪惡多端者。素常恐懼不敢面視上主。直若爲兒。獲罪於父。心懼其嚴遠避。幸而追念聖瑪利亞爲信輩之母。便遜然來聖母前。告罪認錯。求哀憐週全。聖瑪利亞爲人類之天主。實之以無窮之慈悲仁愛。見罪人痛心悔惡。即在聖子前說情。而聖子往

往垂允施赦。總之。聖瑪利亞在聖教可比母親之在家。斥責信輩敬愛靠望聖瑪利亞之異教裂教。亦當責各家兒女之靠其母有錯。

我等日進於年。而愈加自覺不堪。只得效世祖之美行。學畏父之子而自托於聖母無窮之仁。惟望聖瑪利亞母情保護在救世主前。獲罪赦得善終。惟求始孕無玷。罪人之托之聖母。幸納我等之禱。亞孟。

省察 天主聖意要救世主當和陸天主於人類之中保。亦要聖瑪利亞當和陸救世主於信輩之中保。母子在世同樂同苦。在天同福同榮。救世主升天後。引衆人歸己。亦引人歸其母。信輩欽崇救世主在上。如天主之子。敬愛聖母在下。若人類之母。此乃天主聖意不可疑。我知之麼。

定志 我以正理敬愛聖母瑪利亞。恒心靠望其轉達於救世主前。助我善生。

福終升天。

一 塞人言行

西曆十二月

二十五日

一百四十

二十五日 耶穌聖誕

天大太陽體大而光。以體之大。繫吸各辰運動。以光之明。射照各宿輝耀。聖人聖女可比辰宿。其中主耶穌若太陽。功積無限。而引聖人行善於地。榮福無量。而賜聖人榮樂於天。此部書載聖人們之生死。可謂談論光榮聖教之各辰星。今日題耶穌聖誕。即是讚頌聖教皇日之曙曉。

詳盡只得說其聖蹟

茲本當著紀主耶穌言行無奈題旨竟甚不可

天主教義無缺。有罪必有罰。願得罪赦復寵幸。必當補贖。補贖又不可不與罪相稱。却天主尊貴無限。獲罪於天主之惡亦無限。補贖此惡之功仍當無限。然能立無限之功者誰。曰。惟天主有此能。天主之外。雖使神中之最善者。雖聖靈中之最聖者。雖衆使神衆聖靈合力。然其功皆有限。立功有限。而功與

罪不能相稱。功與罪不稱。而罪不能赦。天主公義不能復。明悉此數行至實之道。可畧知天主降生之理。

開闢時。原祖亞當厄。獲犯命。獲罪於尊貴無限之天主。其惡實是無限。雖恨罪願補贖。然功不能與罪相等。而萬不致得赦復。主恩愛。出滅此惡。而贖上主全禮之妙功。惟有天主能立。一面獲罪者人也。贖罪。賠禮者亦當是人。要此事成。或須人成天主。或須天主成人。但有限者不能自成無限。故此人不能成天主。惟餘一法。天主成人是也。

噫。肇造掌管天地萬物之大主。成今日生明日死。區區形界之卑人。此事豈可思言乎。豈不侮辱於上尊太甚乎。曰。天主不受強。惟慈悲仁愛。願自下。致成受疼痛死亡之人。其事不但玷辱上主。猶且明顯其無量之善。上主先造

天地顯其能，隨願降生成人，示其愛，則自榮愈甚，愈甚。天主聖子知之，故願以此妙功彰揚聖三，並憐人類陷於罪惡，不能自贖，於永苦而欲救之。是以原祖犯罪後，聖子即許降生成人，救贖世世萬靈。且成人，非變其天主性爲人性，乃另取一人性而附之於其天主性，致成人後，仍是天主如前，而亦眞是人。如是則獲罪人也，贖罪亦人也。其人又是天主，功積貫於無限，而能盡償原祖犯罪得罪天主之失。維時天主父欣納聖子自獻之美意，故嚴責亞當厄穢之後，即許之以此妙恩，命原祖訓誨子孫信天主，靠望將來之救世主，方可免地獄。善生者，死後靈魂在一幽密之所待主之降生，救贖之功成後，住居此所之衆靈從救世主升天。

按正月一日割損贖禮所述，原祖從合善言善表，引導子孫行善路。隨後世代

相繼人類忘却天主犯罪多惡而招洪水。洪水之後，歷未數世，諾厄後孫輩仍然背却真主，始信菩薩各類。天主乃招選亞巴郎許救世主由其子孫出世。亞巴郎子孫果然繁衍成國。經書所稱如達國是也。國民稱爲依臘爾。其國自立千餘年。隨背逆天主而頹弱。數百年內爲隣國所制。究竟成羅馬之屬國。國中雖有君然其君無權。實認羅馬帝爲主。羅馬帝委總督在西里亞如達一帶地方理事。

華漢哀帝年間，窩歐斯得或稱奧我斯多當羅馬之帝，黑落德爲如達王。天主預定救

世主降生之期乃至。天神聖嘉彼厄爾奉天主令自天降至如達緬匝肋城。

發現於聖瑪利亞報以天主降生之事。三月二十五日及九月八日問聖瑪利亞願否當

救世主之母。此事務讀三月二十五所記方可明悉聖瑪利亞允諾，而以聖神妙工聖瑪利亞無夫而生

子母子名不善故出嫁於聖若瑟但立婚後貞潔如昔懷娠不以人道而由全能天主之妙工懷孕所娠者救世主耶穌也。

真天主子亦真人。天主性人性相合於伊成一位耶穌。蘊居九月於童貞聖母瑪利亞懷中。

第九月至聖瑪利亞猶在納匝肋城居住。但古聖經米格亞預言書早已載救世主當

出於白稜云。茹達地白稜爾於茹達各城中洵非至小者。蓋掌我義臘爾民

之帥由爾出焉。瑪竇二章六節聖言不可不實。聖母臨月時羅瑪帝旨諭通國令各

省州縣清察戶口各家務須在原籍上冊。若瑟與瑪利亞乃達味王之後。原

籍在白稜旨出。民衆不得不奉。聖瑪利亞坐驢。地方人出路用驢因山陡路難驢步穩鎖故也男橫驢女

順坐牛一頭駝行李跟從。聖若瑟步行開路。納匝離白稜畧二百五十里。

聖瑪利亞聖若瑟到此城時。遠近來上冊之客甚多。棧店民房皆滿。若瑟瑪

利亞祖宗久出此地。可信無有親戚朋友。向各家訪求寓住。無一肯接。

此乃救世

主立謙遜窮苦善表之初回

若瑟心焦難過。惟聖瑪利亞在驢背上和平服於上。主聖意

而神樂如常。究竟若瑟見日已西沉。不可遲疑。回思城外有巖洞。乃與聖瑪

利亞商議。借此洞以宿。聖母願往。若瑟牽驢與牛出城便行。到洞口。聖瑪利

亞下驢。二聖入內。見有餵牛馬之槽。

方中祭牲畜者不時拴寄牛馬於此

左手石內有生成之

門。由此過。再是一窄洞。若瑟將大洞打掃乾淨。且哀憐聖瑪利亞孱弱畏冷。

乃設法塞外門阻風。隨取帶來之素食供聖母用。竟鋪行李備諸事與聖母

安息。餵牛驢後。向聖母請安而退入後洞。誦經臥地而眠。

此時聖母受默示。得知聖子將降生。於是夜。因絕不覺身痛。安心誦經待候聖

事之成。愈待而愈覺異樂滿心。竟半夜十二點將至。魂超失覺。未幾回覺見

聖子已生。如是則受娠不知上主如何降其懷。產子而不知其子如何離其身出世。敬愛之情齊發於心。歡歡喜喜襁褓衣小孩而抱之懷中。然後置之馬槽內牛驢近處。而呼若瑟來。若瑟見新孩絕樂。偕聖瑪利亞膝跪馬槽前敬拜。天神在天堂示敬。不如瑪利亞若瑟此敬以榮主。

時白稜鄉下綿羊山羊甚多。牧夫等巡更看守。忽見大光由天降來環照萬物。一天神發現。牧人大懼。天神曰。毋懼。子來報汝等大喜之事。救世主。基利斯督。生也。生於達味之邑。稜。白汝等往焉。見襁褓包裹臥於馬槽之黃童是也。話未訖。羣天神在空中妙聲讚頌。主曰。上天榮歸。天主下地安和於善心人。天神去後。牧人等互相告曰。我等往白稜罷。考此言之真實。遂一同前往。既到城外巖洞。即知救世主在此。入內果見小孩在襁褓臥於馬槽。膝跪於前叩

首獻薄禮。稱孩兒之尊貴。聖母之福。前言速傳於城鄉。每日有人來見。來者皆小民。富貴矜驕。嫌惡卑賤。豈可認生於巖洞困窮之嬰孩爲救世主乎。故以所傳之奇事爲訛言不足信。而全未動。

此乃救世主誕生之緣由情形。要知後事可讀本月二十八日切想。

切想

天神發現謂牧人曰。我報汝等大喜事。今日達味邑。救世主基利斯督生矣。見襁褓所裹臥於馬槽之黃童是也。路加二章十節或曰。救世主生於巖洞臥於馬槽。困苦至於無房屋無鋪榻。此事豈不過餘卑下而辱天主之尊乎。曰。天主之尊貴與人之尊貴不同。房屋寬大華麗。衣服細軟美色。田地廣僕婢多。此乃人之尊貴。天主視之若全無。

預先佈置將後之事。隨意約定自己生死之情節。默示人曰。我將來生於某時某國某家。期至。果然驗先言而出世。又使羣天神爲僕。生於困苦而令人仆伏敬拜。此乃天主之尊貴。人不能及也。惟今日生世之嬰孩耶穌有之。

未生之前數千年。救世主令人仰望。原祖父母因犯罪趕出地堂。心愁身苦度生。惟思想所許之救世主而苦中有慰。子孫亦以此念爲世世之靠望。依臘爾民二千餘年家家男娶女嫁。惟願生此妙孩。其間不時出聖人明書救世主言行生死各情。如古聖經篇篇所紀。此可謂未生於世。而先活於人心中之思念。如是則耶穌非今日無人知。明日忽出人未料及之庸孩。惟乃數千年內萬萬人所懷於心。而定時福誕之奇嬰。世人中雖大君明賢誰有此榮降生之期將至。救世主招選一人爲前驅。擇禱加理依撒伯夫婦爲其人之父。

母。禱家理衰邁之老士也。其妻亦老。出嫁多年未曾產育。救世主知之而不以爲難。故遣天神嘉彼厄爾爲使。以生若翰洗者之事相報。禱加理不信。廿四日因疑救世主之能而遭罰。舌啞九月餘不能言。隨後其妻果然生子。取名之日禱加理名之若翰。而當時舌解能言如昔。爲國君而願招選忠臣者。誰能顯奇如此。

前驅若翰受孕於母胎之第六月。救世主願誕生於世。遣聖嘉彼厄爾報聖瑪利亞以此奇情。並問瑪利亞願否當其母。三月十五日聖瑪利亞允諾而救世主降其懷中。人中誰可擇其母如是。

遇九月。救世主降生。聖瑪利亞住於納匝肋。本當生子於此。但聖書預言救世主出於白稜。聖言當驗。救世主雖不出令。然以君旨引母親來白稜。而生於

聖經預指之地。且嫌富貴之房屋。而生於洞中。似無靠之窮孩。而令羣天神報其誕生於人間。人來。雖見無榮之黃童。然叩首拜之爲主。一面救世主令星發現於東方。引三王來朝。正月六日一時默啟遠地之三王。感化認天主聖子。歸新教。同時投棄本國之王。昏迷於惡。不沾歷世先知所許之恩。令牧人趨詣其前。而避白稜之居民。不與之同住。人中誰孩可顯能如是。

此諸情形。明証嬰孩耶穌有天主之全能。入世。心嫌富貴人家孩兒所有之榮華。舒屨。但存天主子之尊貴。無人可及。

聖經載云。耶穌基利斯督。於前世。於今世。於後世。致厄勃來人書十三章八節信輩。昔一千

九百年。天神發現。令牧人往詣白稜某處。賀新生之嬰孩。而拜之爲救世主。牧人領命即往。自比迄今世代。相繼普天下之信輩。常有天神此言在耳。而

子心欽崇生於巖洞臥於馬槽之嬰孩耶穌。今日我等亦遵聖俗拜敬吾主於襁褓中。謝其日前之愛求之賞賜身靈恩澤。五大洲各國與我等同心者四百兆人。其數雖大。然細想則不足。當雙膝欽崇白稜之孩者。非獨此四百兆之衆。而實是普地男女老幼一千五六百兆之生靈也。蓋白稜此孩乃皇皇普地之大主。乃萬有之真原。耶穌基利斯督於前世於今世於後世。前今後三世之事。總終於之。成其全於之。茲概切說之。

一。前世之事終於白稜新誕之嬰孩耶穌而成其全於此孩。

世初天主造二人。望其孝心欽崇。未幾二人犯命背逆。天主義怒將定罰。昔前主怒投反叛之天神於地獄。此次仍然爲亞當厄襪觸犯。其將待之如何。滅之而拔罪惡之根耶。曰。否。天主喚原祖對審。二人面愧心懼。糊亂敷言欲自

白而不能。上主判之頗嚴。但嚴中有慈。二人逐出地堂。原福變禍患。將來萬物不但不服其令。反且合力苦之。一面蒙恩能生活於地。死後早遲可得天堂。天主慈悲減罰如此。却是何故。曰。無別故。上主預納白稜嬰孩之功。而饒恕原祖。因聖子屑許降生成原祖之子孫。補贖罪和睦天與地。故天主不滅二祖於其惡。

原祖夫婦逐出地堂後。愁悶至極。心想先前之福境。現在度生於困苦之災厄。將來子孫佈滿地球。罪惡必日重而身靈之罰愈加。後世子孫困苦之中。必怨咎原祖遺害禍累之罪。此念晝夜擾亂於心。亞當厄穢愈覺悶倦。魔鬼乘勢必來誘惑曰。大事去矣。不可挽回。汝夫妻不如自盡斷人類之根。眼時則逃現禍。子孫不出。亦免將來艱難。誘惑震撼於心。原祖其將從耶。其將滅人

類於根於源耶。曰。未。乃勝誘感。全服上主聖意。其故爲何。曰。亦是特爲白稜
嬰孩耶穌矣。蓋明知天主子將來生於子孫之中。贖人類於罪惡於永苦。便
自知有重任。當傳兒女備救世主之來。故忍當身靈之窘難。補贖數百年而
以天主所許之言靠望自慰。

隨後人類多惡。天主仍然義怒罰之以洪水。其將世人盡滅耶。曰。否。存四男四
女。其故又爲何。曰。猶是特爲白稜此嬰孩。天主許之。不能失言。存八人爲此
孩之祖。

可見前世之大事。總終於嬰孩耶穌。數千年內天主管治人事。或降福或降禍
於地。其意全歸於其聖子降生之要事。

二。今世之事全終於白稜之嬰孩耶穌。

救世主誕生後，天主仍然宰制世事，全終於救世主。聖教初傳之時，上主顯無數大聖蹟，感化人衆，歸之。昔前以救世主之將來而怒人，以後以救世主所積生死之功，而招人從其道升天。奉教欽崇救世主者，日漸增多。究竟歐洲衆國心同意合，認識白稜之嬰孩耶穌爲師爲主。

一面天主識之爲其民，不待死後方賞之以天福，即今生亦賜之有榮於現世。常聞奉教之國才學強盛，超邁今古之他國，是何故？其故無別，因其中有嬰孩耶穌。嬰孩耶穌乃奉教國之師。一千數百年訓各世信輩，棄虛從實，背邪奉正。此乃萬學之根本。信輩從其師，明悟大開，能格天地人物之理。世世代代又成善多良多義。行事有信，而大舉可張於外，大德可修於內。奉教國才學長勝外地，其故即此。白稜之嬰孩耶穌乃其國榮幸之基礎。天主降福之。

望他國見亦辨正邪而棄邪奉正。方可沾救世主之恩而得前後兩世之榮。或曰。奉教各國有背逆天主不信耶穌者。更有無信無義行竊行凶者。天主豈能降福此類。致榮貴於世乎。曰。隨從耶穌十二宗徒中尙有一賊。奉教各國或百中十中。有一人無信無義。此事亦不大異。蓋國中大局面認識天主。欽崇耶穌。而以信義爲規。天主猶降福此國。將來若見奉教之國勢衰才竭。可知其民大概已背却白稜之嬰孩耶穌而陷於無理之道。現今凡不欽崇天主不敬愛耶穌之西人。可謂背仁義才智英勇之本原而合力戕伐本國之榮。

三。後世之事亦終於白稜之嬰孩耶穌。將來數十數百年後之事何如。無人可預算。惟天主明鑒。所可知者。救世主必

王於後世。如王於前。今兩世。將來之名國。必欽崇天主。如今日。但世界將終。奉教國民。徐漸冷淡。而大概背逆信德。彼時異教復興。可信假基利斯督立大國。轄制五洲人民。並勒之棄聖教。敬鬼神。世事如此。人類即滅於地。而白稜嬰孩耶穌之大榮至也。救世主發現於天。審判復活之善惡衆人。惡者投於地獄。此乃義怒之國。救世主嚴王於斯。凡人未曾甘心崇事嬰孩耶穌在世者。永不能逃其王罰於地獄。善者隨救世主升天。此乃仁義無罪。安樂無難之國。白稜嬰孩耶穌宰之以慈悲妙愛。彼時天主造人類之聖意滿也。其意無別。榮其聖子耶穌。福其信輩於無窮世之世。

信輩。今日我等誦經。當感謝白稜之嬰孩耶穌。招選我等奉教事之。求主施佑。助我等習善至死不休。再求之。加恩於異教與背逆信德之冷淡教友。使其

認識天主避惡歸善。我等在異教中，當以信輩之名爲榮。其榮勝過世間富貴之榮多也。忠事主耶穌爲仁君在世，將來必入其福國而同之榮樂於天。
亞孟。

二十六日 聖斯德望 首先致命

不知斯德望生於何處。惟知其幼時在日路撒冷同聖保祿

據古書二人是親戚

聖巴爾

納伯十一月從明師加馬里爾讀書。或先從主耶穌當門弟。或聖神降臨後聞

宗徒講道理而奉教。事無從考。據聖經宗徒大事錄一書。斯德望領洗後大

德光照於信輩中。無人不稱其功。時宗徒們皆在如達之地未散。因信輩日

多。內外事日繁。宗徒們自然不足應。故立六品副祭七人。委之理聖教外事。

其七中最明者乃斯德望。在如達人中傳道。勸日路撒冷士庶棄古奉新教。

明証耶穌基利斯督乃祖人數千年所待之救世主。聖人生成善於言詞。且

蒙聖神默示而口才絕異。更常顯聖跡醫病除魔等奇。令通城驚訝。古教明

士相繼與之辯論。皆輸理失面。究竟大怒。唆使無良之人捏控斯德望以褻

瀆天主之罪。言傳於民中。某日古教人成羣將斯德望圍着。押送來民者。經生司祭長聚會之所。僞証控之曰。此人言語時常踐踏祖人之教於聖堂。吾聞伊言納匝肋耶穌將來必拆聖堂而改每瑟所傳之道。時衆見斯德望容顏發光若天神。司祭總長問之令自白。

斯德望將依臘爾民之古事總卽談叙。然後責衆人畧曰。石頭硬心之民。世世叛逆聖神不從。祖宗如是。汝等亦如是。先知聖人中誰不爲汝祖撻撻。先知預言救世主之來。汝祖殺之。救世主果然降生。汝等亦將之枉控而殺。昔日以天神受法律。而總不依法。衆聞大怒。咬牙欲害。斯德望無懼。惟從聖神默示仰上注看。而大聲說道。我見天開。人子耶穌自稱之語坐於天主之右。言未訖。衆大聲吶喊。一齊上前。將斯德望揪拉出堂。其中有少年士。名索爾。後回頭改名保祿即

六月二十九日之聖保祿宗徒雖爲斯德望之親戚却因甚愛古教恨新道而怒氣超過衆

人未幾羣仇將聖人押至城外小谷中斯德望純善效學主耶穌雙膝跪地

禱曰主耶穌祈爾接我靈時索爾坐高處安視因錯想斯德望乃背逆天主
正教之罪犯故安視其死

衆人將本身之外衣脫卸而擲在索爾脚前看守然後檢石竭力擊斯德望

聖人重傷明聲祈禱曰主毋以此罪咎他赦罪恕
仇之詞說訖臥地而逝

時西曆三十五年耶穌死後第二年十二月二十六日

仇人守聖尸一日一夜不准葬次日聖人之師加馬里爾帶人將尸抬回家來

然後埋之

西曆四百一十六年華晉安帝年間如達國信輩中無人知斯德望之墓在何

處是年隔城數十里某處有聖堂本堂神父名路濟約一夜安睡夢見一老

人發現。其人身高白髮容貌慈恭。所着之長白衣錦飾金花。手執金棍。至神父臥處謂之曰。可請日路撒冷鑿棺開我等尸身所葬之墓。神父問之爲何人。老人曰。我保祿宗徒之師也。加馬里爾墓內東方乃斯德望之尸骸。斯德望致命後。其身臥地一日一夜。我竟得收之到鄉庄而埋在我墓內。吾主門弟尼各德莫亦埋於此。伊因信從耶穌爲如達人棄絕。我接之在家。伊死後我埋之與斯德望同墓。我次子亞彼巴斯二十歲身死。亦在墓內。究竟我死亦葬於此。

神父心恐此事不實。遂不奉命。不稟鑿棺。但守齋求天主默示所當爲何事。隔三日加馬里爾復現。指金器三副。銀器一副。金器中兩副。承白玫瑰一副。裝的是紅玫瑰。銀器內盛陳薑花。神父問其意。加馬里爾道。紅玫瑰金器表意

斯德望首先致命。白玫瑰金器表指尼各德莫與我。薑花銀器指我兒。神父
 仍然恐懼。不言所見所聞。惟守齋祈禱如前。第三的個主日瞻禮六。加馬里
 爾三再發現。責神父不奉命之懈怠。並說道。現在地方天乾。田事厄危。若尋
 求此墓。我等助爾等轉達。天主必降甘霖。說訖不見。神父不敢再緩。進日路
 撒冷稟鑿牧。鑿牧歡喜。委神父回去掘土。尋找聖人尸骸。經堂外有亂石一
 大堆。神父知古人素常堆石。或記非常盛事。或誌名人之墓。遂自想道。四聖
 之墓必在此。僱工先移石後掘土。與工一兩日。加馬里爾發現於某隱士說
 道。路濟約神父錯也。墓不在堆石之地。乃在某處。隱士來傳此言。神父遣工
 匠去隱士所指之地。掘作數日。果尋着古墳。墳內有石床。如達人造墓。如洞
 洞內依壁鑿石床
 直上三處。各床刻一聖人之名。一曰斯德望。一曰尼各德莫。一曰加馬里爾。

亞彼巴斯。父子同床神爰趕急遣人稟鑿牧以此事。鑿牧請數處主教來募。衆見

聖斯德望百骸按人身次緒臥於床上。美香樂鼻。是日七十餘病人手摩聖
髑得愈。鑿牧將聖斯德望之骨骸敬裝木櫃。一路誦經唱詠遷回日路撒冷。
過二十餘年國后來日路撒冷派官造一至麗至大經堂在聖人致命之處。
並將其聖髑遷回公斯當定京都。過百餘年復遷過羅瑪。安置於聖老楞佐
堂內。聖人在各處現聖蹟無數。是以信輩世世敬愛靠望。

切想 續論耶穌聖誕

天神報牧童曰。救世主。基利。斯。督。生。矣。見一孩。裹以襁。襁臥於馬槽。是也。

天主聖子降生於世。其意有二。一則贖罪榮天上父。取人類之和。二則言行導
引信輩行善。雖當受鞭打茨冠死於十字架以贖罪。此事猶易。所難者引人

棄驕傲怪吝圖樂等過。習謙遜心貧貞潔等善。因事難而起工於誕生之日。昔前不選君王或富貴人之女爲母。惟擇嫁於工匠之聖瑪利亞。今日愈見嚴訓人類以謙卑之緊要。故不在母親之屋。而在山洞出世。

我等在此洞內敬跪聖嬰前。可聽其善訓於心曰。吾子。吾女。我來世告授爾等以真財真貴。君王我能當。昔地之大國小邦皆我之業也。富貴我能爲。天下所有之金銀珍玉珠寶皆我之財也。但富貴虛名也。在世不致人行善。而終不能福人。是以我棄之而窮生於此。我所重。仁義貞潔謙讓忍耐。而萬德之上。特寶貴者聖愛也。我來世願訓汝等以各人緊要當務之大事。全心貪慕後世之福。此真福也。溢滿人心而常存。願得之。須操聖愛習善德。爾等不可以此爲難而推辭。我爲天子而卑賤入世。汝等須效學。富貴安逸者。不可

戀富貴安逸致犯罪。惟當善用其富貴身安行善榮主。貧賤疼痛者不可因貧賤疼痛而心怒埋怨。只須忍耐剛勇。以苦楚操善立功。汝等身分微末資生窘難。愈加相似我。我不在現世。惟在後世而王。汝等信望愛天主。忍受身靈之辛苦。將來必同我富貴於後世。心貧如我者真福也。

主爾訓至善至實。二千年來之君王富貴何在。伊等驕傲身樂數年而亡。亡而名滅。惟靈魂存而不知其何如。此何福耶。豈可以之爲中心之念哉。惟矢心隨從爾者。其名永登常生之簿。榮福日盛無休。主。吾心明悉爾訓而願依行。不才學而矜驕。不以財帛而慳吝。亦不以貧賤艱難而隱怒怨恨。惟按我身分而效學爾。爾乃真路。從爾必直行天國。聖斯德望從爾奉聖教。從爾忍苦。從爾致命。特此世世代代稱頌其名於地。天主永遠賞之於天。主。爾言惟

真。我願效學聖人而從之。

省察 天主聖子降生。全棄世間財帛。貧賤居人中。明訓我等以富貴榮華之
虛不足貪戀。我明會聖訓麼。心會不足。猶當從於行。我從了麼。

定志 自今以後。我竭力效學主耶穌心貧。視後世之榮福爲真榮。而篤志契
慕。盡心立功以得之。

二十七日

聖若望

宗徒

昔日如達國加理助之地諦伯畧湖

亦稱海

岸城池十座。其中之一名伯撒意達。

西曆二十九年。此處有夫妻二人。夫名載勃德。妻名撒落梅。二子長名雅各伯。幼名若望。父子有船在湖上。以捕魚爲業。家規甚善。老幼敬天主教。救世主降生。時雅各伯年畧三十歲。娶妻與否不可知。若望年畧二十四。不曾議婚。弟兄生來聰慧急躁。讀書不深。

是年聖若翰洗者由曠野來。若而當河岸講道。勸人痛悔補贖。預備善接救世主。來聽者甚多。若望初見若翰。最愛其言行。微暇即在聖人左右問道。銘其言於心。效其德於行。次年西曆三十年。羅瑪的白畧十五年。華東漢光武帝之六年春。耶穌來若而當河邊伯大尼近處。是日下午申酉間。若翰同門弟

安德肋

即十一月三十日之安德肋

若望等門弟在此。遙見耶穌來，指之與衆曰：「此天主

羔羊也。」安德肋與若望雖不全明此言之義，然畧識耶穌爲先知所許之救

世主，即時從之。耶穌轉頭問曰：「汝所求何？」二人答曰：「師爾居何處？」耶穌曰：「來

視。」二人往。果至耶穌寓所而在此宿。

若望一章三十九節

過數日，加納村某家辦喜筵，

請耶穌同聖母及門弟六人。若望在數親目，得見吾主變水成美酒。再過些

時，一日耶穌步行湖邊，見伯多祿、安德肋弟兄在船投網捕魚。謂之曰：「汝等

從我，將使汝漁人。弟兄即時捨網隨從。耶穌前行，見載勃德之子雅各、伯若

望在船葺網，便招之。二人別父從主。

瑪爾谷一章十六節

彼時若望似衆門弟，不曾明悉耶穌之道，而言行不免過錯。某日見一人以耶

穌之名，除出魔鬼醫病。又覺此人不在門弟之數，便妒忌而阻之行善事。隨

來見耶穌。以此事稟上。吾主責其無理。又一日耶穌欲假撒瑪里城路過。城
民阻止。雅各伯與若望心怒。問耶穌曰。主。准否我等命天火降而焚此人。耶
穌責之曰。爾等不自知爲誰師之徒。人子我若曰不來害命。惟施救耳。路加九
章五十一
一等復一日雅各伯若望之母親引兩子見吾主稟曰。主。爾享榮時。祈賜我
子一坐爾右。一坐爾左。耶穌問曰。汝不知所求。我飲之爵。身苦難汝等能飲否。
二人對曰。能。耶穌曰。我飲之爵。汝固飲焉。但坐於我左右。非我所賜。惟我父
賜之。與所當受者。瑪竇二十章
二十三節

可見若望賦性實係急躁心大。但每日爲主訓誨。徐漸改性。並學知隨從耶穌
不可享榮華在世。惟當剋慾操善。望全福在天。耶穌欲顯其福之美。一日引
若望同伯多祿雅各伯上達玻爾山。既至山頂。吾主變容貌輝耀如日。其衣

白如雪。每瑟厄利亞發現與之語。若望等目擊。心下若化。惟願常居於此。不
回世。少頃光雲覆之。雲中異聲出曰。此乃我鍾愛之子。汝其聽之。瑪竇十七
章七節

若望等見事聞聲大懼。仆伏於地。若死人。不多時聖蹟畢。萬象如常。此後若
望明知耶穌非俗人。而契愛敬畏相兼於心。月復年新。見吾主雖威赫奇能。
然言行始終仁慈善祥無限。便除其恐惶而全心愛之。一面吾主見若望貞
潔忠信。惡惡好善。亦寵之在衆門弟之上。

若望從耶穌三年。而聖愛日張。聖愛日張。而愈覺天主聖子愛人類之妙情。愈
覺此聖愛。而愈加竭力效法。恩師憐惜他人。此時耶穌可比善農。若望之心
若良土。吾主種之以聖愛。將來救世之事畢。聖神降臨。光照若望如日光煥
田土。妙種必發。而若望在衆門弟中成聖愛最善之師。

且說耶穌傳道三年，訓人之外，各處顯大聖蹟，救人身靈，並責罵結黨阻止小民奉教之惡徒。衆惡憎恨，切思復仇殺耶穌。彼時若望猶不知救世主將死及復活之要義。遂日夜恐懼，防愛師受害。究竟吾主明言其身死在邇。若望同衆門弟愈憂。朝夕沉思，此難如何得免而無法可使。西曆三十三年三月如達正月十三日，如達人辦巴斯卦瞻禮前一日，耶穌知其時將至，遣伯多祿若望借某家房屋備巴斯卦羔羊之席。二人依令，諸事備後稟吾主。主引衆宗徒同來赴席。所擇之屋有樓二層，各分格大小二間。席設於樓上大間內。如達之風俗，席前坐凳似床。容身半臥用食。耶穌自然在上。一邊有伯多祿，一邊是若望。餘衆宗徒依次序而臥。席中耶穌離席，進第二間房屋。宗徒們隨從。耶穌在此洗衆徒之腳。訓以謙遜貞潔然後復再入席立聖體祕蹟，散給衆人領。

維時衆覺吾主心悶。若望同憂。惟願撫慰恩師。故此側頭於主胸上。顯本情而享主聖愛。再過一時。耶穌愈見愁悶。明言宗徒中有一人將賣之於仇。衆聞言面面相覷。不知奸細爲誰。伯多祿欲使若望問主。遂以目授意。若望領會。側首於主胸前低聲問曰。主所指誰。耶穌低聲應道。我濡餅授之者是也。遂濡餅授如達斯。少頃如達斯出外。果去約仇讐來捉拏吾主。此後耶穌久訓宗徒們。若望明知恩師之大患在邇。心下愈加疼痛。且聽其言而刻之於念。且竭力寬慰仁主。未竟耶穌明聲誦經後。引衆出屋下坡。過斯特隆溪。陡路上對岸坡之窩里伐園。時天黑將九點鐘。吾主在此憂悶祈禱。血汗如書之所載。晷過一點多鐘。如達斯率羣人手執器械。將主圍着押送回城。吾主自然能顯聖蹟救性命。但其時至也。救世之大事將成。故甘心從惡黨不自

顧伯多祿與若望遠遠隨行得入總司祭署。

總司祭問耶穌之時。署中僕役辱罵搓擔吾主。若望目擊心如刀裂。退堂後。兵差送耶穌入監。時已半夜。若望不得已從衆人出署。所往何處不可知。諒必去見聖母而以前事之諸情形相告。

次早吾主爲羣仇解往比辣多黑落德各署受凌辱苦刑。若望必在城民叢中目視耳聞。但聖書未載。十一點鐘案定。耶穌背負十字架出署往當死之處。若望諒亦在刑役兵差後跟從。十二點鐘耶穌釘於十字架。若望同聖母等淚目遙看。復過一點鐘。羣人漸散。若望引聖母與聖瑪達肋納等至吾主苦架前。四人在此與耶穌同苦。救世主身上所受之刑。四人受之於心。三女一男。表將來聖教中女信輩。世世憐愛救世主。似比男類愈忠愈情。將及三點

鐘。耶穌目視若望，謂聖母曰：此爾子也。再謂若望曰：此爾母也。少頃，吾主曰：事畢也。遂俯首而亡。是日四五點鐘，若望同亞利瑪諦若瑟等數人，將耶穌聖屍放下入殮敬埋。三月十五及葬事畢，若望引聖母來本屋居住。其屋在城內孝子情陪着而服事，盡心安慰其痛苦。次日撒巴禮日，若望在屋同聖母誦經，沉默如古教之所令。

第三日辰早，未曾亮，婦女數人往耶穌墓處，意欲香藥搽聖尸。其中有聖瑪達肋納與若望之母親，但見門石移下，墓空無屍。瑪達肋納慌忙回城。時若望與伯多祿同在一屋，忽見門開，瑪達肋納入而告曰：主屍爲人所移。不知安置何處。二宗徒聞聲忙出外疾往墓處，若望先至，但敬伯多祿爲宗徒之首而伺候。伯多祿既至，二人見殮布裹在墓內，若望目擊，即信主之復活。遂同

伯多祿快步回屋。瑪達肋納心痛若癡。獨人流連於墓側。不多時伯多祿與若望在屋。只見瑪達肋納容貌喜色快快入屋說道。我方纔見主。遂談耶穌如何發現命他如此如此。隨後若望同衆宗徒門弟得見耶穌發現數次。未竟送之上山而見其升天。

過十日若望同衆宗徒門弟領聖神。此後明悟大開無疑。心志堅固無懼。同聖伯多祿講道勸日路撒冷居民認耶穌爲救世主領洗奉新教。信從者甚多。過數日總司祭遣人捉拿伯多祿若望到案。嚴禁傳道。二聖對曰。奉人令不如奉天主命。我等所見所聞不得不傳。總司祭惡言責之欲驚嚇。二聖無懼。竟爲仇放出。來衆信輩聚集之處。衆見大喜。讚頌上主之能。正誦經之間。衆覺地震。聖神降臨。衆門弟見信德愈覺穩確。明士中數人棄古奉新教。其中

有加瑪里爾與尼各德莫。本月二伯多祿與若望同往撒瑪里城中居民奉

教者甚多。二聖置手於信輩頭上，聖神即時借火形降臨。

若望內而孝敬聖母，外則開教，願信輩不覺已十一載。是年長兄雅各伯爲黑

落德所獲致命刀下。七月二次年宗徒們分散各方各國，惟聖雅各伯號稱

當鑿牧，與聖若望孝養聖母瑪利亞留居日路撒冷之地。復越二三年西曆

四十八耶穌升天後第十四年，聖母蒙召升天。此後若望不以家事爲慮，遊

各處傳道。西曆五十六年往厄福西約城。彼時此城屬羅瑪，乃亞西亞洲西

方最名之城。建於海邊，週圍山水秀美，茂林森森，天氣溫和，居民繁盛，貿易

工藝高明。但深沉於酒色，風俗敗壞。城內廟宇寬大華麗，本城之人敬愛廟

中菩薩，遠客每日成羣來拜。前數年聖保祿在此開教，立弟莫得阿爲鑿牧。

若望宗徒知此城爲魔鬼權制之固寨。特此來居與弟莫得阿合力攻之。宗徒神能顯聖蹟甚多。聖學爲聖神默示。世才何能敵。言行又至善。世賢不可比。是以傳道日進。化人日多。門弟中擇才德最顯者。陞爲鐸德鑿牧委之。在遠近各城傳道。如是則厄福西約亦成天主化亞西亞洲西方之首地。

撒膽竭力抗拒。使新教友背正道傳邪說。或曰。耶穌非天主子。可敬之如大聖人。不可欽崇若天主。或曰。救世主既是天主聖子。必不能與人性結合爲一位耶穌。當信基利斯督是天主。不可信之是真人。見誕生而實未誕生。見死而實未死。或曰。人由肉身靈魂所成。靈魂最善。不得有罪。肉身穢物不能清潔。但肉身之罪惡。不能連累靈魂。故信輩可縱身慾亂爲。只須心不戀其惡事。便不致犯罪。上諸左道之師。盡皆文墨之人。新教友或異教中有許多

人信從。致信德亡風俗敗。聖人無時不辨駁其邪。口講筆寫勸各處神父信輩禦防。並訓衆以正道。一面有邪人爲魔所憑。而以魔術作奇異惑人。宗徒以天主全能顯大聖蹟辨正邪。越十五六年厄福西約及週圍數百里內各城鎮信輩日多。各處之文墨人無不聞知聖教之內道。辨識詳明後或愛而從服。或恚而捏攻。

時福音書著有三卷。即瑪竇瑪爾谷路加之撰。安德肋宗徒三十一日及亞西亞

西方衆鑒牧。素勸若望筆著救世主言行。以駁異教而堅固教友之信德。某年衆鑒牧聚集。若望謂之曰。諸兄其同弟祈禱齋戒三日。求主默示所當言。然後我衆互相靠主所示而紀之。衆允諾。是夜安德肋宗徒受默示曰。當著此書者若望。完功後。惟請安德肋與衆鑒牧考察其書中旨意。鑒牧中有數位見過耶穌

聽過其口言可証若望言。次日衆聞安德肋此言歡喜。若望亦奉主命誦經語之實令讀者愈加信服。後拈筆即寫。執筆者若望。授意者聖神。亦可曰。若望筆記天主聖子親言所授之妙道。而聖神助之使其無謬。

古新聖經各書題旨自然。超過普地各國之書。君臣士庶貧富智愚所當學。無不明紀在內。聖經各冊之中。若望福音一卷可謂其中之至妙。看之即明救世主之言行。且可微識天上聖三之奧義。世人明悟意念所不能思及之事。若望時叙別三聖史所紀之情節。則或不重題。或概切數句刪結。時談三史未載之事。則仔細詳記。讀者明知耶穌乃天主聖子。永遠同天主聖父聖神榮在而無始無終。亦明識救世主爲人。生死復活之諸實情。事題雖超人之心。思想却明瞭自若。令人信奉無疑。安德肋等見若望所寫之稿大喜。遂在其

末節續批曰。證此事而書之者。即是此徒。若我等知其所證皆實。此數語乃

章之二十四節非若望所寫乃安德肋等所批之語。明師窩里熱肋講此聖書批曰。若望撰乃福音之

花。若曰。席間置頭於主胸。受耶穌孝養瑪利亞之托者。獨能透天事之奧微。

如是耶穌之愛弟瑪利亞之義子。獨能體懷此書所蘊之情意。凡立於清水

邊者。其像必影照於水而像真無差。若望之書似清水。讀之若見救世主。天

主事人事影映於內。如物之照見於水。或曰。人言之全。在其恰似人思。人思

之全。在其恰對人心。人心之全。在其肖似天主。若望福音書內句句照見耶

穌之思念。思念明露天主聖子之心。以此足知若望書之全。不須多言。此書

所訓之人靈。所安慰之人心。惟天主知其數。

再越二十年。衆宗徒前後相繼致命升天。惟若望年近九旬而獨存。各處信輩

甚多。其間羅瑪皇帝多彌西央之堂兄格肋孟多全家夫妻兒女皆奉教。其子過繼於叔皇立爲儲君。可望將來即帝位與聖教於國。撒贈知之而籌防。唆使讒臣暗奏。奏中畧稱奉教人數日衆。國相及儲君皆與之同心。倘一朝反叛其將奈之何。可見撒脫於各世各國阻擾聖教之計。備無二法。總是驚嚇帝王。以奉教人之勢大。可畏使帝王預策自保而殺無辜之良民。帝信以爲實。將國相交子殺戮。帝之外甥女。亦是國相之姪女。多彌弟辣五月信從聖教守貞。亦爲帝充流死於外地。於是風波通行。帝聞得東方厄福西約城有若望宗徒。名大於信輩中。乃令押之來羅瑪。西曆九十二年五月初六日。聖人在京都制軍衙門忠証耶穌基利斯督。乃造天地全能天主之子。制軍令之背教。燒香敬菩薩。聖人和顏善語。辨說菩薩乃魔鬼之邪像。末竟定案。判宗徒死於滾沸之油。遂押送聖人至東門。俗呼納丁門。帝引文武來看。君臣士

庶不憐憫若望之高壽。不以其慈祥美德而動惻忍之心。惟畏其神權而欲速見其身慘死。此時油在大鍋滾沸。刑官令投若望於內。聖人思想主耶穌前六十年。爲已被釘苦死之愛。而歡幸願以本身之死報愛。故不迫刑役行強。而自投於油。奈何。沸油變涼。聖人在鍋安然不受傷。帝怒。命刑役催火。枉自。火燄圍着大鍋而無效。油始終溫和不變。帝無趣。帶文武回殿。出旨充若望至巴得末斯海島。

亞西亞洲西岸之海大小島多。其中有巴得末斯。隔厄福西約不甚遠。彼時居民萬餘人。若望充流於此。作苦工。聖人。不以辛苦爲憂。每日謙遜奉官令。一面所至之處。必講道理。勸人。而以聖蹟證道。不多時。聲名傳於通島。奉教者日多。古書載某官欲試其能。傳之來署。當衆曰。我有殺命之快毒。汝飲之。無

害。我必信天主之能。說訖提兩犯來堂。令遞各人一小盃毒藥。二人飲藥。當時大痛而亡。聖人左手執藥右手畫聖號於上。然後舉盃一飲而空。良久官見毒藥無效。問若望是何故。聖人將天主之全能。信德之妙效。講明。官信服。同全家領洗。聖人憐憫毒藥害死之二犯。一聖號將他復活。此後聖道愈見快行於此地。官放聖人可自主不作苦工。

巴得末斯古城外有山。山中有巖洞。若望不時在此避靜。某年居洞十日嚴齋。沉默祈禱。第十日乃主日。魂超見天國。其國之君即若望昔日所愛所事在地之基利斯督。榮哉其君。福哉其民。若望初見且喜且懼而仆伏。耶穌慈顏扶他立身。而仁愛待之若至友。遂預顯將來之事。與若望神目明見。如何羅瑪國君臣雖阻止聖教二百餘年。殺信輩無數。却信輩日衆。如何羅瑪當敗。

分數國而各國先後當信從天主入聖教致聖道大行於地。如何世界窮末後救世主當永王於天而衆聖人當與之同榮。末竟吾主命聖人書已所見所聞。

若望回覺世事遵主命執筆人語記天事成書。所稱若望默照書是也。昔前所著之書乃救世主生死復活於地之福音。默照書可稱救世主榮王於天恩召世人從聖道得永賞之福音。其書之題旨奧妙。超過人明悟若天之超地。其文亦與題旨相配。可曰奇書中之奇書也。世人猶能明其事之淺淡者。若論其奧微處。惟信輩死後蒙恩見天國之榮華。天君之全能。天民之福貴。永世之太平妙安。方可知若望所見所聞之實意。聖師們常稱若望爲聖史中之皇鷲。俗名亞塞或曰神鷹。西人常以鷲爲鳥中之王。皇鷲高飛出雲霄之上。可雙目對日注視不

轉精。若望神目在世物外直透天國密事而紀之於書。所見絕異。而書文亦異。是以稱爲先知及聖史中之皇皇。主耶穌在福音上又別誌其名爲雷子。霹靂洪聲發於天。驚動萬象。獸靜於山。鳥寂於林。若望宗徒著福音。默照書。其聲似霹靂震地。惡徒驚訝道。此天聲也。人聲不及。

西曆九十六年羅瑪帝崩駕。充流投監之鑿牧鐸德信輩爲新君所放。若望轉回厄福西約鐸德與信輩歡幸來接。其中無鑿牧。數月前保祿宗徒之門弟弟莫得阿主教已致命於此。聖人居城內。日夜傳道。不時遊各方城鄉立鑿牧鐸德。並善言善表訓教友。見衆信輩若子女而愛之如父。雖當致命以救一人之靈。必甘心捨命。

以前之事足證若望聖師無匹之榮。茲以一故事可知其當靈牧之慈悲。一日

聖人在某城見異教中一少年。生得聰慧面善。乃勸之奉教。少年依言來學聖道。聖人愛之如子。逾數日將行他往。將少年當衆托於本地主教請教養。主教允諾。先則每日訓誨。隨見此徒道理明白。乃與他付洗。此後少年猶從主教。但特因主教懈怠於爲師之任。少年結交不善。致冷落於聖事而在外亂爲。竟聚賊犯數十人。約之落草搶劫。越一年若望由此城過。公事畢。請主教傳日前所托之少年來見面。主教默然片時。應道。那人死也。宗徒曰。何病而死。主教曰。從身慾死於天主之恩。遂將前事談叙一番。聖人兩行淚下。嘆曰。吁。此子未托於好師。問賊匪巢於何山。然後上馬帶一人入山。守路望風之賊。將聖人圍着。送至其頭藏處。首賊即若望昔日所愛之少年。目見老師便轉身而逃。宗徒不懼山路崎嶇。躍馬隨後追趕。且進且喊道。兒呀。爲何遊

汝父面。兒呀。我奉耶穌之命來此。汝不要怕。我願任負汝罪。保汝在天主前。天主聖子爲我衆身死。我願捨命贖汝之惡。兒呀。且止步。我來救汝。毋逃避我。自投於承禰。賊頭耳聞心感。止步轉頭伺候。聖人到其身邊下馬。賊頭拋器械於地。膝跪抱聖人之膝而哭。聖人好言撫慰。隨扶之立身。雙手抱之如母之抱子。衆賊圍着無不動心。究竟聖人引浪子回屋。代其守齋誦經補贖。賊頭自新恒行善路而福終。

此段書足顯若望之愛德。昔日常見救世主尋罪人以赦之救之之善行。而盡心步效其芳踪。再過些時聖人身病不能遠行。每日門弟抬之在信輩聚會處。若望難於多言。常勸衆曰。孩兒們其相愛哉。一日信輩等問曰。老師常復此一言。是何故。聖人曰。此乃吾主之命。行此足矣。以此言可知若望之仁愛。

聖人知其離世升天之日將至。心下大喜。晝夜仰慕上主。古書紀其身終事曰。十二月二十七日。聖母瑪利亞發現謂之曰。吾子。昔日汝接我居爾屋。茲我來接爾入天主之屋。又有書紀此事曰。主耶穌帶衆宗徒發現請若望同赴天國。聖人即時閉目。靈魂離身。從主及聖母去享天福。年號則在西曆一百年至一百零四年之間不可定。

切想

此爾子也。此爾母也。乃聖母瑪利亞聖若望立於主耶穌苦架之傍所受之遺命。其言之意有二。今畧講之。

耶穌愛普地衆人。受身死以救之。人中又特愛二人。聖母與聖若望是也。愛母遂不忍其孤獨。將死即抱人與之爲義子。愛若望而願與之結弟兄之交情。

故抱之於聖母。乃雙目指若望謂母曰。此爾子也。若曰。此人我視若胞弟。慈母當視之若親子。一面目指聖瑪利亞謂若望曰。此爾母也。若曰。此即我貞母。汝既視我若兄。亦當視之若母。此乃主之首意。

救世主之心不止於此。愛普天下世世萬靈而爲之釘於十字架。死不足滿己衷情。猶要神法助之得受其身死之恩。以救靈魂。遂願賜世世衆信輩以多情大能之主保。一面愛聖母亦願錫之以大權於世世聖教中。故立聖瑪利亞爲萬靈之慈母。此時稱聖瑪利亞不曰母。而曰女。若曰。爲天主昔日初造之第一女。原祖母厄機犯主命連累世代子孫染罪永死。爾乃天主錫世之新女。即產生救世主。而以免厄機害人類諸患之新原祖母者。衆人稱厄機爲母。將來崇我奉教之信輩。皆亦視爾若母。爾其視之若子女。

此天主聖子之遺囑也。聖瑪利亞聖若望皆明會仁主之意。一面若望接聖瑪利亞住本己之屋，孝心服事，子情安慰。白日在外同伯多祿等理料聖教事。日之西垂，回屋陪侍聖母，不敢遠出隣地，致聖母獨居無靠。眞母子也。同居十餘年，心意若一。迨至聖母蒙召升天後，若望子心憂喜相兼，因聖母在天之福而喜，因爲子不見愛母之容顏而憂。

既至厄福西約，即訓信輩愛敬救世主之母。城中造經堂稱曰聖母堂。一面盡心榮聖母以充己愛。一面奉耶穌將死之令，而教衆人稱聖瑪利亞爲母。自此以來，誠心奉聖教之信輩時常有恩主之言在耳。常見耶穌慈顏指天后謂之曰：此汝母也。是以自幼至死，靠望聖瑪利亞若子之靠母。

普天下各國聖母之子無數，而聖母仁愛無窮，收納子女不棄。熱切信輩無不

孝心事之。稱頌其德。慶賀其榮。憐惜其前日之窘難。陪之在苦架傍。同苦。斯人福也。繼聖若望接聖母在屋而朝夕孝事。斯人福也。所顯之情敬天上慈母。聖母必還之以大利。斯人福也。或在世而心身憂苦不大緊。臨終必見聖母來接曰。我子。我女。汝心至孝。在世時常納我在汝屋。事順事逆不背。茲我來賠汝愛。來接爾入我皇子之殿。汝是我子我女。我是汝母。母與子女不可分離。我永居天國。汝來同我永居於此。斯人福也。只須置頭在聖母心上。如孩兒之眠於母懷而歡然安逝。永事安也。

省察 救世主將死。抱若望於聖母。托聖母於若望。此是人情。明證耶穌真人也。我知之麼。以若望代替將來世世信輩之位。而抱普地代代之教友於聖母爲子女。舉聖瑪利亞爲衆信輩之天上母。此乃天主之聖意。天主之至

愛。惟天主全能能爲。我知之麼。若望受耶穌之托後。子心孝事聖母。愛之榮之慰之。我有聖母子女之名。當盡心效學若望。否。則虛名也。我知之麼。定志。自今以後。我自視若聖瑪利亞之子女。而子心敬愛聖母若親生母。

二十八日 爲主致命諸聖嬰孩

今日說黑落德王所令之惡事。先當畧題其行爲。黑落德乃依度默地之人民。

依度默人係依撒格子雅各伯胞
兄厄撒烏之後裔與如達人同宗生於耶穌前七十年。逾三十年羅瑪某大

將帶兵佔厄日多西里亞等地。黑落德之父在其帳下爲營將。因其戰功勳

著。羅瑪政府陞之爲如達國王之宰相。如達乃羅瑪之屬國並舉其子黑落德爲加里

肋省。如達之地之總督。越數年黑落德之父爲仇毒害。如達人分黨互相攻殺。黑

落德幾乎喪命。出國逃奔羅瑪京都。羅瑪政府歸罪於如達王而廢之。舉黑

落德繼其位。黑落德帶羅瑪與本地之兵進如達。羅瑪政府所廢之王集兵

禦敵。三年攻戰勝負未定。逾三年黑落德得勝捉拿廢王而殺之。乃其妻之親叔並

究本國官宦助廢王敵他之罪。而殺其人許多。此後理如達國之事三十年。

每年與羅瑪上國進貢。而在本地行惡如意。其妻有弟。乃先代君王之後。黑落德恐其不忠。乃殺之。妻之祖父尙在。人世。黑落德亦殺之。隨殺本家叔父。與文武大員數人。妻責他傷親之罪。黑落德一並殺妻。五子中猶殺兩子。見惡王待親人如是。可知其如何待民。是以通國士庶恨之。但皆畏懼其惡。故無人敢露本心之實意。

且說黑落德年紀六十九。吾主耶穌誕生。三王由東方來。問纔出世之大君何在。正月六日黑落德聞言心亂。恐士庶知悉此事生變。但假作歡幸。問明三王受默示之情後。集城內明士。考查西亞救世主出世之地。竟謂三王曰。據先知聖書。如達之大君當出於白稜那地。茲可往查。此孩生於何處後。可返途相告。吾亦當往朝。不遑三王在白稜那見救世主後。得默示。不同見黑落德而

別道歸國。只說黑落德見三王不返來見面。惟潛地出國境。只量伊等未得其所願。故無趣而返本邦。復過些時。民衆傳言說某夜白稜之牧人等得見天神。叫他往某處。拜新生之救世主。牧人依令而往。果見一奇孩在洞內。孩之父母貧賤。但空中羣天神妙歌讚頌之等語。再過些時。忽傳某日某夫妻照古禮進日路撒冷入聖堂獻小孩於天主。西默翁聖人蒙主默示預言此孩將來之事。並告衆曰。先知所許依撒爾之主即此。語傳至殿內。黑落德耳聞心復恐懼。自想道。士庶互相談叙此諸情形。早遲必生亂。不如尋此孩而殺之。以免後患。遂遣人查牧童日前在白稜所朝拜係何家之嬰兒。查明上奏。

時天神奉上主令。半夜來報聖若瑟曰。黑落德有意尋嬰孩以害其命。汝當携

之與其母往厄日多居住。俟我報汝方回。若瑟即起。一面告聖母以天神之命。一面備驢與牛。少頃若瑟手執長棍開路。聖母抱耶穌坐驢。牛駝行李跟從。皆由曠野小路之地向厄日多進發。

道不明者聞曰。天主子能勝黑落德惡王。爲何避之以救命。曰。天主子自然能不避而免死。但降生成人。願照平常人度生之法而行事。却平常人聞得國君懷恨謀殺其命。必忙忙避其怒以全命。天主子亦然。掩其威。隱其能。而遇危避仇。若世人之孩然。以後至三十歲。不露其掌管萬物之權。年及三十。顯聖蹟。證其實。是歷代先知所預言之救世主。究竟委任已滿。而仍着常人身份。爲仇讐捉拿。審判釘死。而不以無限之能自全其性命。天主子成人非虛事。乃以生平之苦。以身體之死。訓信輩習忍耐純良。故始終不用全能免難。

惟忍難立功。

話說黑落德所遣查尋耶穌家寓何在之各員，逐一回日路撒冷上奏，皆言此孩無踪跡。王心下自想道：那孩既在白稜誕生，其家必在白稜城鄉居住。設若殺此地各孩，牧人所拜之孩必在數。遂遣兵將命殺白稜城鄉各家兩歲以下之衆男孩。自黑落德陞王位以來三十年，兵將習慣於惡事。此次仍然不推辭，奉令往白稜城鄉分散圍着各家，見兩歲以下之男孩即殺之。方中只聞小孩啞鳴，婦女痛哭，父母咒罵，兵將喝吼，惡工完結。帶兵官來奏，黑落德歡喜，意謂三王所稱如達之新君必死不能生事。殊不知此時瑪利亞若瑟送救世主遊曠野迷路行走，已將入厄日多之境。

逾數月黑落德之子謀殺其父，行事不密，反爲父所殺。此後不多時黑落德患

病。週身發熱如火，然後生瘡，瘡潰毒蛆無數，臭臭難當。衆民間信大喜，無不言惡王遭天罰，而互相慶賀。王知悉，令捉拿富貴各家一二人投監，命心腹人曰：我死之日，務必殺監內衆富貴，令各家有喪，而不致乾目視我終亡。人惡不遇於此心腹輩許之。復逾三月，黑落德身體全爛而亡。想其受審判之事，誰不心寒在監衆富貴悚然待死，但兵將未奉惡王之令，而將衆人放出歸家。

過三十餘年，殺聖若翰洗者，審主耶穌之黑落德，乃今日殺諸聖嬰孩老黑落德之子。以後爲羅馬帝所廢，發充於法國里勇城。

殺長雅各伯宗徒。七月二日之黑落德，乃今日所記黑落德之孫。其有一日面語士庶，衆諂媚之曰：神語也，非人言也。王聞聲矜驕，自視爲神。卽時爲上主所罰，昏絕於地，週身生蛆，如其祖惡症，慄死。自彼迄今，黑落德之名遺臭萬世。

今日爲主被殺之諸嬰孩。雖未識主耶穌。然聖教世世敬之爲致命。聖師們稱之爲衆致命之花。而稱頌其福。未嘗現生之苦。而一刀被殺。羣行赴古聖所。報救世主降生。天堂不久將開之喜事。越三十餘年。同衆古聖從主耶穌升天國。你我誰不願孩時致命如諸聖孩。而同之永樂於天榮哉。

切想 二續論耶穌聖誕

見嬰孩臥於馬槽。卽是救世主。

天主造原祖置之於地堂。立之爲禽獸之王。禽獸草木爲天主造成而爲無志無心之物。人類當代他感恩稱頌大主。而尊貴愈尊。不幸原祖背命而事有變。上則天主怒。下則萬物反叛與人成仇。隨後子孫加罪。聖經述之曰。人本居尊貴而不知比之無靈之獸。而與之同。如此世代迭遷愈久而天主人類

兩相遠離愈甚。天主聖子降生，明訓我衆以此情理。是故於聖誕之日，出白
零郡城，避方中人戶而出世於山野。所擇之洞，即牛羊每常居止之棧。救世
主在此，有牛驢爲伴而不嫌。其故爲何？因牛驢等獸，乃天主所造之物，而自
開闢來，生死奉主聖意，未曾叛逆。

信輩我等在世雖說恨罪，却未能通澈罪之可惡。雖信罪人死後爲主棄絕，永
不能見面，然猶不能恰量此罰之可畏。將來過審判後，明見此諸事，便知離
於天主之利害。現今世人狂樂從惡，勸之回心改行，他或責你說話無理，或
口應改變，而後輕忽行其惡路如昔。將來與天主分離，即覺其爲眞福之源。
主之外，人則永苦無慰。彼時心悔，但事已遲。仁慈之時過而無挽，公義之期
至不可避。

信輩我等今日須細心自考自察。天主耶穌來世於此大瞻禮惟想寓人心內。我心何如。勿其與天主睽隔。致救世主不屑寓之焉。主不我寓。乃永遠棄我不善之兆。此大禍也。世間萬禍不如。信輩。毋要把自己的大事看小而自害。毋效白零郡之民冷落於主。而主出去不返。今日我等須悔罪愛善潔淨心寓。謙求主降臨。謝其慈憫哀憐救贖之恩。當自獻於主爲僕婢。請主用我等於善功。如聖瑪利亞聖若瑟昔日之用牛驢。賜我等事之於生。患之至死而不離於後世。今日所記諸嬰孩。若不爲惡王殺死。其中必有從敗俗。不得天堂而與主永離者。蒙上恩孩時致命得逃世惡。成主耶穌之証。與之同榮在天。福哉其死也。高壽不如。

省察 今日救世主降生尋寓。我心寓何如。其寓若不堪。主耶穌定必嫌棄而

離我他往。恰若昔日之棄白棧城內各家。今日離我乃永離不祥之兆。其禍無限。我知之麼。

定志。我今日漂淨我心預備迎主。且不獨今日一日。猶須平生終日收拾心寓。令主樂居而不離。

二十九日 聖耶布爾福 隱修

耶布爾福乃法國羅爾滿地省官家之子。生於西曆六百二十七。華唐太宗年間。孩年從父母所請之師讀書。年畧二十。進京入朝侍帝。數年內樹學操德。西曆六百五十六帝崩駕。耶布爾福年方三十。爲新君寵幸推陞國相。雖榮貴如是。而謙遜良善如昔。白日理國事至細。夜間誦經沉默。同妻合心行善。功遇窮困。濟衣食。見病疾。施藥劑。是以大權眩人目。而慈悲得民心。數年如是。一日在經堂與聖事。聞得福音書。吾主耶穌之言云。欲從我者。當克己。負十字架。然後從我。國相耳聞心覺大感。回府與妻說心腹曰。予所願從天主。感動之恩。棄世務離富貴去修道。二人你說我應。口談而心愈覺熱切。究竟相約。將家業濟貧窮。各入隱院事天主。次年家事理好。上奏請另推國相。帝

不敢阻止其善，乃批准。耶布爾福即時告辭出京。不數日，夫妻分身。妻入女院，善生福終不題。耶布爾福入本篤會某院。

設若遠客來院，得見隱士等，時而賤服在經堂誦經，時而汗額在田犁穫勞苦。誰料其中有一士，昨日堂堂國相，而今日謙遜自下至此。倘若此客無信德，而聞知此事，誰不稱此爲怪事。有信德者則不然。心想天主聖子降生之慈悲，雖見君王效學其善，避位自下，亦不以之爲奇。耶布爾福之心，即是此等之心。是故不以棄富貴之功而自大，亦不忍院內衆士另禮尊敬。惟謙遜自視，若同伴中之末士。朝夕小心翼翼，守規矩，察考老士等之言行而敬學。逾一兩年，耶布爾福商議院內兩士同往一大林，名叫烏使。入其無人烟之腹，地以隱修。三人議好稟院長賞准，即時入林查地勢。過數日，見一處樹木希

罕，菓坪幽青，凉水洶洶。乃擇此地。是日伐木造篷。隨又伐木做高欄杆，自圍以防野獸。竟來院辦麥糧，與開土栽種各器。轉來而在此居住。依時誦經沉默。依時出外作工。

此林中槍匪甚多。一日來一賊探看纔來之三客。三人接之入篷。賊一目見篷內無物可取。隱士等身上所着之衣服亦不值價。叙寒暄後賊曰：汝等諒無所靠。方來無此人之地。且林中有等無良心之人。汝輩開土栽種，伊必來獲。耶布爾福應道：我等來非是事不遂，亦非無家無業。惟是願事天主補贖罪。此地雖不妥，然我等無懼。天主有云：殺身體不能傷靈魂者，不必畏。至於栽種不獲之事，我等靠上主可養其僕於此。如昔日養依臘爾在曠野。默然片時，惹目視賊而謂之曰：兄願改途補贖，可來與我等偕居同心立功。兄雖有

罪。却據聖經之言。只須罪人回頭向善。天主即赦之。兄若改志。上主必慈悲垂憐。而仍然待之如子。倘若固執於惡。上主義怒不息。而早遲必降身靈之大患罰兄。賊無言。辭別而去。便行便想道。責我此客非俗人也。來此處受苦寒。非無奈之意。再行復思。自曰。說我的這數句話。實不錯。我落草作賊。早遲不免罰。那時身靈果然難救。是夜賊臥不成眠。那客之言反覆常在耳中。究竟自想道。此士言語有理。我當收手作好人。便免生前死後之不測。次早取所有之飲食來見耶布爾福。求收納學善補贖罪惡。

衆賊聞言相從來見聖人。耶布爾福逐一勸改惡行善。並訓之在林中伐木開土手工資生。如此此等無聊。無所不爲之徒。變成農夫娶妻立家而方中享太平。其中更有願習大善者。來從聖人克苦補贖終身。

日月相繼，來從者甚多，聖人無不欣然收納，而慈悲訓誨。且仁愛之名遠傳，行長路之窮旅，時常入林來鳥使院討飲食借宿。聖人無不優禮相待。雖見所存之糧不多，却不忍棄貧窮。常言隱士等乃天主之家，不可疑惑天上父養其家兒女之善。一日聖人聞得院外哀懇呼求之聲，即來看。見一窮人在當家門口。聖人問當家爲何不給飲食。當家應道：所剩之麥餅恰敷今日之用。聖人曰：可給與他。主耶穌昔日在十字架賞我等以本身之血，今日豈可不給我素食之些須。當家心下不悅，但不敢違命，乃悶悶給餅於窮客去。然後設法弄食與隱士用。復過一兩點鐘，見一人牽馬至門口來。馬駝大籠一對，籠中滿盛鮮餅。牽馬者說道：某來還長上所借我之糧。當家不解其意，去請聖人來看。是何人何事。迨至聖人來，那客與馬俱不在。只見好餅堆在當

家棹面上。當家大喜。聖人道。此乃天上父所遣之使神。我等今日借與窮旅之食。天神來還。

一日二賊過路入林。心意自然不善。行數里。見聖人隱院所喂之猪羣在樹下尋食。西洋青杠或名橡樹多猪喜食其所經之種無人看守。兩賊分猪數頭。欲趕之出林去賣。但

天主把他迷目不識去來之路。雖起猪半日。而不能出林。竟至日將西沉而到隱院。二人見互相告曰。聖人之聲名果不虛傳。我們遭天罰。遂悔心入院來告罪。聖人赦之。二賊在此改惡從善。彼時四方遣人請耶布爾福來本地立院。聖人十餘年內在各處造房屋十五座。而派明德之士管之。

某年疫症流行。烏使院士中染者不少。一日某士未曾領聖體而死。聖人大痛。在亡者床邊仆伏於地哀號求主。良久立身令死人復活。亡者當時開目端

坐謂聖人曰。多謝吾父救我之恩。我因未領聖體而死。暫且不能入天國嘗聖人之妙宴。惟須在天外饑然而苦。幸得吾父來救我復活。請父給我天來之餅。常生之糧。聖人大喜。送聖體來。那士謹謙領訖。謝恩而復死。

又一日某士染疫症身亡。同伴衣之入棺。將行聖禮埋葬。聖人心覺異感。跪在死人棺材邊。良久見亡者立身出棺無恙。一日某窮客身倦無力。手扶雙棍來院。聖人見哀。惜曰。吾兄來此辛苦矣。那客應道。罪人此來有两意。望吾父給些飲食。亦望其善禱治我病。聖人祈禱後。其人痊愈。或時遠地之客不能行。遣人到院。暗取聖人之腰帶。或衣服一件。或剪其粗衫些。須回家。置此物在病疾身上。而病即治。某年帝與后帶文武數十員來院見聖人。帝在此三日。與耶布爾福談叙無厭。后回京遣一員前來烏使。在院外造一寬大聖母

堂。

聖人年紀八旬。德備功盡。畢生之期將至。患病臥床四十七日。不能起。而每日誦經沉默。預備見主。十二月二十九日。自覺臨終在邇。集衆隱士。勸之曰。吾子。我懇祈汝衆。日日互相眷愛和睦。細心守三愿。提防魔鬼之誘惑。謙遜避驕。傲如死。再勸汝等。時常接窮客。若接主耶穌。愛人如是。將來過審判。必聞吾主慈聲。請曰。來。因我饑。汝食我。旅。汝納我。求主降福汝衆。望將來我父子。皆聚於天國同福。是日聖人領聖事而身亡。

時西曆七百零七年。

墓前顯聖蹟甚多。烏使院改名稱聖耶布爾福院。續漸興一大場。亦名聖耶布爾福場。聖人所造之院。興數百年。所出之善士甚多。

切想 三續耶穌聖誕

見嬰孩臥於馬槽，即是救世主。

天主聖子降生來自祭於聖父，而以其祭無限之功和睦天地。昔日梅瑟古教時常祭羊羔在日路撒冷聖堂，表意天主子將來之自祭於十字架。救世主年及三十傳新教，聖若翰洗者爲聖神默啟手指之曰：「此天主羔羊也。」除免世罪者，實哉斯言。救世主真是天上父所待之犧牲以赦萬靈。在昔一二年之久，所祭敬主之羊羔無靈之畜也。不分善惡，而在主前無功。其血無德，焉能洗罪救人哉。其祭表設之祭也。祭者以此懇求上主早踐前言，而使所許之救世主。且天主享納古人之祭而赦其罪，非特因其羊之死，惟因預享聖子之祭焉。可見救世主之誕生，乃除免世罪天主羔羊之生辰。

但羔羊何處而生。豈不於畜圈之草上乎。圈乃羔羊之正寓。若瑟若瑟。休得費心尋寓於人中。天主羔羊不肯出生於斯。可背城另尋。爾看路傍洞內此圈。白零牧童素引其羊在此。天主之羔羊亦選此爲寓。要生於此如平常之羔羊然。昔有許多羔羊出此洞。然後爲人所買作犧牲死於祭司之刀下。表救世主之將來。今日天主的羔羊亦來住於此。逾數年來將死於血刑。其祭畢。世罪免也。以後永不必祭羔羊。羔羊之血全無意義也。

信輩。今日拜主耶穌於洞內馬槽中。當想聖若翰之言。此天主羔羊也。除免世罪者。但替誰死之羔羊耶。除免誰之罪耶。替你我辛苦慘死也。除免你我之罪者。此羔羊不死於十字架。你我應永遠死於地獄。將來蒙主恩升天堂。即明會此羔羊慘死之妙意。而感激讚頌於萬世之世不斷。今日當從牧人來

拜救世主。當心下哀憐至柔至弱之聖嬰孩而告之曰。主。爾自祭捨盡寶血贖我。抱我於天主。賜我以永業。我乃爾物。惟願善生善終安慰爾。犯罪乃復自投於魔奴。而輕嫌踐踏爾聖血。我惟願避此大惡。惟願忠信事爾至終。省察。臥於馬槽之嬰孩。乃天主之羔羊替我死。除我罪。免我永死。我知之麼。感恩麼。

定志。自今以後。我追思嬰孩耶穌。即視之若羔羊。來世自祭於十字架替我死。免我永苦。

三十日

聖女葛隆巴

童貞致命

西曆二百七十四華晉武帝年間羅瑪帝名俄肋連爲人虔信異端敬菩薩恨聖教是年遊法地時與羅瑪未分來生斯城問地方官在本屬有無信輩官奏曰茲

有天主教人二十名監禁在獄帝令提來少頃獄差送二十人上堂官問其姓名年紀後令之背教祭國神衆信輩同聲說不祭其中有十六七歲之幼女名葛隆巴信德至確切願致命而善言勸衆帝見命押之回獄不與衆同案官依令一面命動刑欲逼信輩男女等背信德衆聖受刑不移究竟帝令送出城外斬首是日衆聖一齊致命升天。

過數日官提葛隆巴復再來案帝坐堂問曰汝何名應名葛隆巴蒙基利斯督携挈從奉天主教帝曰此言無理汝行左道却是何故應不可不信開關造

人類之天主。且二百年前降生。受難身死於比辣多。救贖萬靈之耶穌基利
斯督。千信其乃無始無終天主之眞子。亦信其生後是眞人。帝曰。朕有旨。諭
通國士民。汝知之麼。應。何旨。曰。令天主教改途。敬朕所敬之神。答。匠作成之
菩薩無能。敬邪神者。必同邪神受永罰。帝誘葛隆巴以重賞。並許嫁之與名
臣子弟。葛隆巴只應不受賞。亦不願嫁。只願守貞事主。帝曰。朕所敬日神也。
汝當依令與之獻祭。否則罰汝受辱而死於火。答。天主能救其婢於身辱。賜
我無玷受童貞之永賞。

帝退堂。官令獄差如此如此。獄差將聖女送至鬪場。亦曰戲場城民慶樂之期。

官出武士在場互相戰殺。或與野獸鬥力。此乃古時異教之大喜事。附鬪場
垣牆有養野獸各種之房屋。亦有淫婦處居之室。獄差送聖女入此種淫室。

並傳官定幼女葛隆巴受辱之案諭。

聖女在淫屋膝跪。淚目哀求天主保存其貞潔。過一兩點鐘。見一少年淫情露於形狂然而入。聖女立身威毅。手指之曰。你來何爲。豈不知我乃天主之人。你熟思再三。毋致無禮而遭天罰。言未訖。見一熊忽至。猛惡兇極。上前雙腳抓那少年而投之臥地。隨目視聖女候令。乃鬪場中所養野獸之一。從天主命逃出來救聖女於危。那淫徒半生半死哀懇寬宥。聖女曰。你可知天主之妙能。亦可知爾雖爲知理之人。却不如此無靈之熊。奉主命來此阻止你作無禮之事。你若許改志不害我。我令熊放你全爾性命。若不自新。必死於此獸之噬。此時忠熊前脚向按那人在地。雙目猶視葛隆巴伺候。少年哀聲喊道。我不堪之罪徒。矢心認識耶穌基督爲全能者天地之主宰。聖女聞

言命能放之。熊依令。那人仆伏聖女前謝救命之恩。便汗顏出外。且行且喊。說葛隆巴所敬之神。獨眞人人當信崇。衆人問故。即將前事談叙。隨後爲官捉拏。當堂認揚天主。忍受各刑。而竟致命刀下。

話說城中聞得鬥場淫屋內之奇事。有許多人來看。只見熊怒然橫臥門前。葛隆巴在內膝跪誦經。衆人無不驚奇。無不稱葛隆巴爲聖。官聞言遣兵堆柴。在屋外放火。葛隆巴見火燃。乃悲聲謝熊相顧之愛。並說道。我將死火中。不能受人之辱。爾在此同死無益。可自便回籠以全性命。熊會意。即來聖女前俯首示情。然後向外由火中衝出而歸籠去訖。

此時火燄冲上。但天主復顯其能。霎時黑雲密佈。大雨傾盆。將火撲滅。因此聖教於斯聖女瞻禮日。令信輩禱祝曰。天主因爾全能昔日奇雨救聖女葛隆

巴於火隊懇祈爾，以聖女之轉達賜吾等幸免古蛇膽所吐邪火之傷。

官將前事上奏。帝命提葛隆巴問曰。汝何法能呼野獸來汝衛。能喚雨自天降。

以滅火。聖女道。我無別法。懇祈全能天主是也。帝怒。令官動刑。官轉令刑役。

聖女迭受鞭笞。銹爪之苦。究竟帝命斬之。聖女曰。主耶穌有言云。人保其命。

背反將失之。爲我失其命。反將得之。瑪竇十章三十九節我甘心爲主捨命。以免永死。

說訖從刑。役至城外法場。膝跪。誦經後懇祈曰。主。毋究惡仇。以此惡。伊不知

其所爲。說訖引頸待死。刑役舉手刀落。聖女頭腦墜地。靈魂踴躍升天。

時西曆十二月三十一日。方中有異教某大員。雙目盲瞽多年。是日受默示令

其如此而行。必得瘡其病。官令家中僕人數名。擡之到葛隆巴身死之處。僕

衆依令。既至。見聖女尸身猶臥地未埋。官兵阻止。信輩埋葬。主人遞手巾於僕。叫之點

濡葛隆巴之鮮血。僕人依令。主人將血巾置於雙目。而即時明見如常人。歡喜不自勝。重賄兵役請人抬聖女之身回家。盛儀虔恭安埋。以後聖女之名永垂後世。墓上造聖堂時時有人來拜。法地各省教友敬靠聖女恒求其轉達。

切想 四續論耶穌聖誕

見嬰孩臥於馬槽。即是救世主。

據四月耶穌聖體瞻禮所述。依臘爾出厄日多之時。天主命家家殺羔羊。以其血搽各家門戶。然後燔其肉而食之。依臘爾依令。是夜天神遊厄日多。凡見房屋門戶。不爲血所搽。即入而殺其家之長子。如是則天主以羔羊之血。爲救其民於死之記號。以羔羊之肉爲養其民之糧。隨後一二千年之久。依臘

爾奉主命，每年辦巴斯卦贖禮，家家殺羔羊如祖宗所爲。

救世主乃天主之羔羊，昔前巴斯卦衆牲羊所表意者，自祭於十字架，而以聖血贖世世之信輩於永生，且以身死爲不足，而願成信輩之食，特此立聖體祕蹟與彌撒聖祭。彌撒中所祭之犧牲，乃天主羔羊而衆信輩可食之。耶穌曰：子即活餅，自天降下者，食此餅必永生。若望六章五十一節自此以來，耶穌所賜信輩之活餅，時時存於聖教，有鐸德之處必有彌撒聖祭，鐸德獻祭，變麩餅成耶穌之聖體而散給教友敬領，如是則主耶穌乃衆信輩之活餅，養其靈魂永生不死。

然餅由麥而出，麥由草而生，草黃麥熟必割而打，竟磨成麩，揉成餅而以火烘，則成食而養人身。白稜之嬰孩乃自天所降之糧，生於圈內，臥於草上，隨後

其定時到。受多難身死。似麥磨摧火烘。則成養信輩之活餅。真天麥也。壯人
神力行天堂之真路。

信輩將來我等升天明見聖體之妙驗於人心。明見善用此活餅之諸聖靈至
榮至福同天主永王。彼時目擊心感而讚謝恩主不止。今日拜主降生臥在
草上。而爲我等歷辛苦。並祈禱曰。主。求爾加我信德。使我見爾在聖體內。如
牧童等昔日見爾在白稜之洞然。使我確信爾爲我靈魂之活餅。使我仰慕
爾。使我善領爾。致得常生不死。聖女葛隆巴自孩年善領聖體。心潔德實。從
主耶穌純善若羔羊而致命。以身血報效救世主之愛。我等學其善用聖體。
必可效其忠信之德。

省察 救世主乃常生之糧。出世臥於草上。然後受難可比田麥磨摧。然後成

信輩之活餅。善用者永活不死。我知之麼。善用麼。

定志 我見救世主降生草上。必神目視之。若天麥。來世成活餅。養我靈於常
生。

三十一日 聖西爾物斯德肋 教宗

古書載此聖之言行如下。

西爾物斯德肋乃羅馬京都人民。生於西曆二百六十餘。華晉武帝年間。幼時從某神父爲師。讀書甚明。卒業後入神品。竭力務聖教內外之事。盡心操善功。見遠地之信輩進京。即接之於本家而優禮相待。某年弟莫得阿教友來羅瑪。敬宗徒及衆致命之聖髑。西爾物斯德肋寓之。逾數日。弟莫得阿爲官兵。斃獲解送見官。而竟致命於刑中。西爾物斯德肋贖其屍而敬葬。總督聞言。放差捉拏投監候案。次日總督坐席用魚。爲魚骨梗刺而身亡。逾數日。西爾物斯德肋得出監。務聖事習善如前。年近三十。陞鐸德。奉此大任。一二十年。才德有名在衆神父之中。西曆三百一十四。默爾家得教宗崩駕。衆鐸德

信輩舉西爾物斯德助繼之。

此時公斯當定方纔勝馬三思當羅瑪西方之君已兩年。雖未曾領洗。却因天上現十字架。因主耶穌許之用十字爲旗必勝。因從吾主此言而果然得江山。遂愛聖教准信輩恭敬天主。讀八月十八日所記可明以上諸事。母后聖赫肋納又盡心覆庇教友。數年內羅瑪西方棄異端領洗者甚多。新教宗歡喜。遣主教鐸德各方堅固新教友勸異教。某年公斯當定帶大兵由羅瑪過東方。與東君李習義交戰。羅瑪異教士乘勢生端。刻薄信輩禁聖道。衆鐸德勸教宗暫避。迨至帝返都城局面太平。方可顯然理事如昔。教宗依言入山。每日有安人往來。教宗以之得聞各方事務情形。而出命令。次年公斯當定全勝。將羅瑪東西全地併成一國。稱爲總帝。是年回羅瑪。

彼時雖用十字聖號爲旗，照主聖言所許而屢次勝仇，却心下猶懷疑而未會領洗。况其妻乃昔日殺信輩馬濟彌亞諾帝之女，爲人好惡慈善。時常在帝前播弄是非。聖經曰：男之惡由女之惡起。訓道篇四十二章十三節世事素常果然如是。公斯當定大皇亦未免此害。長太子爲人多才，韜畧有名，但因出於先后，故爲繼母憎恨。某日后假作心怒，控太子有亂倫欲行強姦之罪。帝不察事之虛實，當時遣刀斧手，將太子殺訖，並殺其友數人。不知其友亦爲后所控，與否。長太子與同死那數友昔信各營兵將甚愛太子，聞知此事悚然不悅。士庶不知惡后所設之計，明言帝變心恨天主教，故有此爲。教宗在山得信，且痛太子信輩等慘死，且心下自想道：萬不料明君如公斯當定亦至行此惡事。特傳令於信輩，囑衆人細心於言行，勿致生事，招大禍於聖教，並轉達於主前求降恩於君自省。明

辨道之虛實。一面太后聖赫助納日夜痛哭孫兒。責帝輕信妄言錯殺無辜。帝生疑。細察所控太子之罪真假何如。察得后惟因忌恨太子。而妄行誣訟。帝大痛誤殺太子之惡。況此子英才傳頌於各省。他日可繼位治政榮國。遂遷怒於后身上。令用沸水盪死。是日后受此刑身亡。

彼時帝未曾領洗不知為君雖有權判人生死

却當按公義審擬

此後帝無時不以任性傷倫自責。而朝夕無安。過數月生疥癬。

時羅

瑪東方此病多帝昔帶兵東征或染此病根不可知

太醫用藥不效。太后深惜子身靈俱危。時常轉達

主前求治其身體之疾。一日帝聞城中有東方波斯之名巫。令引來見問法。

巫師曰。殺三二月之嬰孩數十個。以其鮮血備浴於帝。此病必瘳。身變潔靜

如小孩。

亂言胡說傳法如此之徒正該殺

帝雖半信其言。却心憐小孩之命。父母之痛哭而

不肯用此法。次夜夢中見二人發現命曰。可遣人至某山接西爾物斯德肋

教宗來殿。教宗洗汝身靈之病必瘉。次日帝遣心腹人帶馬兵數十名入山。請教宗來見。官依令。是日信輩見皇兵上山。只諒事不好。忙亂來報教宗。聖人道。此乃致命之福日。何懼哉。遂出屋自交於兵。官優禮相待。請坐轎去見帝。教宗不知有何事。坐轎便行。既到皇殿。帝出迎。慈祥問好。隨說心腹。叙身靈不安之苦情。並談前夜見二人訓誨如此之事。教宗問那二人發顯的模樣。帝說之。教宗認爲聖伯多祿聖保祿。遂令從者往某屋取二宗徒之像。少頃從者回來呈上二像。帝見說道。正是朕所見之聖。教宗勸帝從二聖之命。預備領洗得身靈之痊。帝應道。此乃朕所願也。教宗大喜。七日內訓帝以要道。並勸痛悔前非。定志將來避忿怒憎恨等惡習善。聖后赫肋納母心歡樂不自勝。亦助帝善備領恩。日期到。帝在殿內領洗。聖禮畢。疥癘痊瘉。身體潔

淨如昔。明表洗滌祕蹟之妙驗。淨濯靈魂於原本。輕重諸罪。帝歡喜不可言狀。同教宗與太后及信從天主之各大臣。讚頌主之全能不止。此乃西曆三百二十四年之事。過數日。帝集軍民於大場。古時羅馬風俗。凡遇關係國政之大事。政府大員或帝集軍民商議。軍民集。帝明言國家內外事務之局面如何。四方各境讐仇甚多。而戰仗無息。務要羅瑪各省人民心同意合。方可共力禦敵等語。竟謂衆民畧曰。國民敬神之道不一。難以同心。望大小官員。民中貧富。查明道義。棄邪從正。細心考之。必知羅瑪廟內所敬之神。非天地之真主宰。理當棄之。而信敬肇造天地。獨治萬物之全能天主。朕久疑深察後。蒙救世主基利斯督之恩。矢心奉從正道。棄邪。茲亦實言勸軍民思想再四。憑天良擇道而從之。今日朕旨諭各省督撫。示其衆屬。得知通國所與。尊敬廟內司祭。鐸德等之禮。亦當以之。

尊敬天主教之主教鐸德。羅瑪異教司祭鐸德位至尊帝時常自稱爲總鐸德再者朕將改納德項皇殿成天主聖堂。表明朕奉教之實意確心。

諺云。上行則下效。軍民間帝之言齊聲大喊道。天主獨真。惟請封廟開經堂。請將邪神之司祭鐸德充流遠方。帝張手彈壓欲復言。軍民見寂然聽。帝曰。天主之事非人之事。人事外事也。主事內情也。是故奉教當心甘情願。不可強勉。真心求入聖教者。不納之。有罪。堅心執古道者。強之。犯法。不願從天主教者可放心。朕君恩視之同仁。願從者。朕視之如至親至友。文武大小官員聞言稱頌曰。帝之言甚善。說送駕至皇殿。萬歲之聲不絕口。

帝當時與教宗商議造聖堂在殿之側。議定後。派能員照圖建修。經堂完工。帝請教宗行禮祝獻。取名救世主聖堂。現今猶存亦名納得項聖若望堂並書約鈐璽。將納得

項殿施給後世永代教宗爲業。要知聖堂之妙麗。可讀十一月九日所載。此後帝在城內外各處建造經堂十一座。寬大華麗與救世主經堂相彷彿。其中有聖伯多祿聖保祿之堂。開工之日。帝執鋤掘地。負坭十二担。敬十二宗徒。謙遜如是必蒙天主寵幸再出田土與各堂每年收租。十二堂租銀之總數每年畧七十五萬兩。每兩算法銀四佛蘭十二堂與田地各約蓋墾給教宗世世行聖禮。聖教有如此之妙堂。贈禮主日各堂之鐸德與以下六品各士數十位行聖禮。莊肅秩然可敬。士庶目擊心愛而奉教者日多。通國各省事務亦變。主教鐸德立經堂無數。而異教隨風來從聖道。

西曆三百二十五亞里無斯裂教頭亂東方聖教之事。教宗遣主教鐸德數位往東察事辦理。是年帝移駕東方與教宗使臣議集衆鑒牧在義思城。讀五

月二日所載可知衆舉牧如何將
宗得書滿心歡樂謝上主。是年太
主苦架讀八月十八與五月初三
善終。帝痛然葬之於羅瑪城外而
西曆三百二十九帝立公士當定城
禦外敵愈便。一面無帝在羅瑪而
匹之神權。由主耶穌召選伯多祿
實由公斯當定奉教尊敬聖西爾
榮時增時減。隨各世國君臣士庶
聖西爾物斯德肋尚治聖教六年。隨

大善。日夜榮主。西曆三百三十五年福終。當教宗二十二年。聲名遺芳萬世。復過兩年帝亦患病善終。

切想

伯多祿宗徒本名西滿。主耶穌改其名曰斯法斯。若曰石納丁文曰伯多祿匠

造房屋。素常下石爲基址。主耶穌招選伯多祿爲聖教之基礎。是以稱其名

曰石。然後謂之曰爾乃石。於此石上。我將來建我教會。冥府之門地不能勝

之。瑪實十六主耶穌升天之時。伯多祿雖特立爲教宗。而以人心思來其位

似不甚尊。出身卑微。無銀錢無文才。所牧之信輩。又不過數百名。欲勝而滅

之。諒亦不必冥府之王。撒費心。即本國之讐仇。力能成此事。殊不知鬼魔與仇

人合心。盡力攻聖教。欲害伯多祿。而未能遂其惡意。二十餘年內。聖道傳於

四方信輩上數十萬，各處習德操善。時伯多祿住於羅瑪，普地無匹之名。京羅瑪帝見聖會之勢浩大，錯想伯多祿有心亂國，是故捕拏而殺之。但頭一位教宗死，新教宗繼位，信輩十人致命，異教百名領洗。列帝見，愈加恐懼，愈顯威虐。屢次旨諭通國各省督撫，拿獲信輩，誅殺無赦。二百餘年之內，風波凶猛，致命之教宗鑿牧鐸德信輩，不可勝數。但聖道日興，聖教日傳，而教宗之榮愈顯。

究竟明君公斯當定得國，初受天主特恩而忠心感激。次考聖教之道，得悉主耶穌之言，我國不在斯世。若望十八章三十六節而明知教宗神權管治普地，信輩照天主誡命行善避惡，不但無亂國奪皇位之心，而且嚴囑爲信輩之士庶貧富盡心守國律，竭力忠君事國。致教宗鑿牧鐸德實是國家之保障，理當敬

重不可阻拒。

帝又查得天主是造管萬物之真主宰。耶穌乃天主聖子萬靈之恩主。特此一面棄菩薩誠心奉教領洗。一面視教宗若代天主之位於世。賜之以皇殿。敵之若靈魂之父。不從前君小見。錯思教宗加尊榮。國帝必反失其威。惟知榮教宗必榮天上主。榮天上主必自榮。是日主耶穌之言明見有驗。聖教以伯多祿若曰以石為基礎。冥府之門不能勝之。冥府雖攻之。惡君雖革之。二百餘年。聖教無日不化人增其榮。帝今日承認數世覆庇異端刻薄正道之錯。而樂心棄邪奉正。國君心化。冥府即敗。而聖教始王於世。國有世權之帝。教有神權之皇。公斯當定西爾物斯德肋。一治國民太平。務現世肉身之事。一專靈魂之責。引衆人行天國之路。二者敦睦互相敬愛。絕無彼此如忌之心。乃世

世國帝教化皇之模範。以兩權之合行。國政全備。士庶和平。直若身舒靈善。令人全安。

附

信輩。余今日將辭別爾。此書終也。自開筆迄今屈指七年。其間因病擱筆。病退復作者屢。雖費心歷難。然因篇篇紀事儼若與爾面談。故無時不大慰。

爾我在天愛天主如父。在地敬聖教如母。而以光榮天上父及靈魂之母爲朝夕心下之念。特此余述聖人言行與汝披讀。聖人聖女乃天主及聖會之肖子孝女。見其行聆其言。即知孝敬之正道。

世間之人讀世史綱鑑列書。考某國賢君忠臣勇將事蹟。即知其國興旺之故。並可效法古人忠君益民。

聖事亦然。讀聖人言行。查列世教宗鑒。牧鐸德信輩諸德之表。即明悉聖教通行於普地之緣由。亦可效彷彿聖祖光榮。天主彰揚聖教之善法。

信輩中國尙未曾認識真主宰。惟時時嫌聖教而禁之。如昔日西方各國之所爲。現今之事。汝不必別想。只須竭力效學聖人們習善操德。事順事逆當誠心事。天主忠君政。守十誠行國律。爾功德顯然。異教中必有人感化來領洗。增教友之數。世代相繼。早遲或蒙主恩賜。皇上辨識聖教之當從。致帝與之於東。如公斯當定昔時與之於西。亦不可知。福哉是日也。鑒牧鐸德信輩同心合意祈禱。忍苦仰慕此美時。豈不當哉。

再者余學簡語。此書雖不如我意。却無可如何。聖人言行本妙題也。惟所成不然。余每思一聖人。似見其行若至美絕工之畫。但拈筆欲臨影。此畫於紙。

則所臨成之形，遠不如心思多也。無法只得付此粗作，與爾覽閱。切望上主補余之不逮。施恩與爾，讀此書爲題，而另生奇思妙念於心。致畧識聖人在世之功，而微憶其在天之福。

更祈爾時記余儒畧，天主不堪之鐸德，及助余筆此書之川東納丁生斯德望，而在天主臺前爲我二人禱祝。

茲求衆聖人聖女轉祈天上，爰降福爾全家，身靈安泰，善生福終。惟望爾我雖不見面在世，而將來克偕居天國同榮。阿孟。

西曆一千九百零二年五月八日，華光緒壬寅歲四月朔日，即耶穌升天瞻禮日。

四川川東傳教會司鐸艾儒畧寶崇 自識。

瑪里 Samaria, 達玻爾 Thabor, 斯特隆 Cedron,
厄福西約 Ephesus, 弟莫得阿 Timotheus, 亞西亞
Asia, 窩里熱朋 Origenes, 多彌西央 Domitianus,
巴得末斯 Patmos.

廿八日 依度默 Idumæa, 依撒菴 Isaac, 雅各伯
Jacob, 厄撒烏 Esau, 厄日多 Ægyptus, 西里亞
Syria, 加里肋 Galilæa, 默西亞 Messias, 里昂 Lyon.

廿九日 羅爾滿地 Normandie, 烏使 Ouche.

三十日 生斯 Sens, 俄肋連 Aurelianus, 般喬比辣
多 Pontius Pilatus.

卅一日 弟莫得阿 Timotheus, 默爾家得 Melchia-
des, 公斯當定 Constantinus, 赫肋納 Helena, 李
西義 Licinus, 馬濟彌亞諾 Maximianus, 波斯 Persis,
納得項 Lateranus, 佛蘭 Franc, 義思 Nicæa, 亞
里無斯 Arius, 洋弟約家 Antiochia, 日路撒冷 Je-
rusalem, 疥癩 Lepra.

Bourgogne, 俄多 Otho, 意大利亞 Italia, 羅德祿 Lothaire, 亞爾撒斯 Alsace, 斯爾斯 Seltz.

十七日 生斯 Sens, 本篤 Benedictus, 如德亞 Judæa, 理勇 Lyon, 斐吉 Vienne, 都陸 Torino (Turin), 家爾默爾 Carmel, 撒巴 Sabbatum, 多爾多尼 Dordogne, 家都音 Cadouin, 羅德 Lot, 家窩赫 Cahors.

十八日 都赫 Tours, 意大利亞 Italia, 多化 Troyes.

十九日 芒得 Mende, 爾瑟亞 Elzéar, 魏肋默 Guillelmus, 瑪西里亞 Marseille, 味多爾 Victor, 亞位隆 Avignon, 意大利亞 Italia, 歐 Europa, 布爾家里 Bulgaria, 莫爾達斐 Moldavia, 亞西亞 Asia, 本篤第十二 Benedictus decimus secundus, 希臘 Græcia.

二十日 荷蘭 Hollande, 尼默厄 Nimegue, 各羅尼亞 Colonia (Cologne), 路分 Louvain, 呂得祿 Luther, 日爾曼 Germania, 理耶日 Liege, 德里登東 Tridentum, 默西納 Messina, 巴 Bavaria, 波羅尼亞 Polonia, 瑞 Helvetia, 斐里布 Fribourg, 英 Anglia, 丹 Dania, 瑞典 Suecia, 默郎東 Melanchton.

廿一日 默的 Medi, 波斯 Persis, 印度 India, 默里亞波 Meliapour, 意大利亞 Italia, 亞斯各里 Ascoli, 俄斐達 Offida, 亞爾斐肋 Mons Alverniæ.

廿二日 我爾弟亞納 Gordiana, 格肋孟多 Clemens.

廿三日 窩得爾 Auteuil, 羅爾滿地 Normandie, 白格 Bec, 沙爾得 Chartres, 的縛里 Tivoli.

廿四日 斯波肋得 Spoletum, 得肋勿 Trèves, 窩很 Horren.

廿五日 窩歐斯得 Augustus Imperator.

廿六日 加瑪里爾 Gamaliel, 尼各德莫 Nicodemus, 路濟約 Lucius, 亞彼巴斯 Abibas, 公斯當定 Constantinopolis.

廿七日 加理肋 Galilæa, 諦伯畧 Tiberias, 伯撒意達 Bethsaida, 載勃德 Zebedæus, 撒落梅 Salome, 的白畧 Tiberius, 伯大尼 Bethania, 加納 Cana, 撒

- 七日** 瑪爾瑟理納 Marcellina, 撒第謙 Satyrus, 里
願理 Liguria, 米納諾 Milano, 厄納西差 Gratianus,
我 Gothi. 特阿多魯 Theodosius, 瑪濟默 Maximus,
法能弟仰 Valentinianus, 得肋勿 Trèves, 馬斯端
Macedonia, 撒撒勞尼 Thessalonique, 亞爾拔索 Ar-
bogast, 歐日攝 Eugenius, 納把隆 Labarum.
- 八日** 加德亞 Juda, 達未 David, 德里登東 Triden-
tum, 呂得祿 Luther, 索爾云 Clavin, 肋斯多里無斯
Nestorius.
- 九日** 磨 Meaux, 雅尼度德 Agnitrudis, 呂斯爾 Lu-
xeuil, 公斯當斯 Constance, 龍把爾 Longobardi,
日爾曼 Germania, 郎 Laon.
- 十日** 納匝肋 Nazareth, 奧 Austria, 達爾瑪西 Dal-
matia, 羅尼匝 Rauniza, 意 Italia, 羅赫多 Loreto,
西班牙 Hispania, 多肋多 Toletum, 默利達 Merida,
窩斐多 Oviédo.
- 十一日** 西班牙 Hispania, 公斯當定 Constantino-
polis, 魚爾新 Ursicinus, 理伯里約 Liberius, 亞里
無斯 Arius, 亞里彌尼 Arimini, 米納諾 Milano, 索
達公伯 Catacumbæ, 洒麼匝 Samosates, 洋弟約索
Antiochia.
- 十二日** 亞里無斯 Arius, 斐里日亞 Phrygia, 博都
Poitou.
- 十三日** 西西里亞 Sicilia, 西納居撒 Syracuse, 加
達納 Catana, 亞爾撒斯 Alsace, 布爾我義 Bour-
gogne, 玻默 Baume, 何很布 Hohenburg, 亞德爾白
Adelbertus.
- 十四日** 西白肋 Cyprus, 公斯當定 Constantinus,
尼瑟 Nicæa, 亞里無斯 Arius, 公斯當斯 Constantius.
- 十五日** 意俾里亞 Iberia, 美 America, 默西哥 Me-
xique, 的也我 Diégo.
- 十六日** 日爾曼 Germania, 法蘭西 Gallia, 布爾我尼

NOMINA.

HOMINUM ET LOCORUM.

MENSE DECEMBRI.

- 一日 里莫日 Limoges, 國法總司 Præpositus cundæ pecuniæ, 俄德祿 Audoenus (Ouen), 和望 Rouen, 諾勇 Noyon.
- 二日 達福諾酒 Dafrosa, 彼彼亞納 Bibiana, 德默德里亞 Demetria, 白里 Berri, 都赫 Tours, 本篤 Benedictus.
- 三日 西班牙 Hispania, 納法赫 Navarra, 呂得祿 Luther, 巴黎 Paris, 日爾曼 Germania, 回 Mahumetani, 意 Italia, 斐義斯 Venezia, 波羅尼亞 Bologna, 葡 Portugal, 印度 India, 我亞 Goa, 達納方各 Travancor, 默里亞波 Meliapour, 麻六甲 Malacca, 崙波亞 Amboine, 莫呂格 Moluques, 依撒伯納 Isabella, 日本 Japon, 安二郎 Anjiro, 鹿兒島 Kagoshima, 薩摩 Satsuma, 侯 vel, 大名 Daimio, 平戶 Hirado, 京都 Kioto (antiqua Meaco), 山口 Yamaguchi, 豐後 Bungo, 三洲島 Sancian, 暹羅 Siam.
- 四日 意 Italia, 依摩納 Imola, 拿文納 Ravenna, 亞玻理納 Apollinaris, 歐弟格斯 Eutyches, 尼各默弟 Nicomedia, 弟約斯各 Dioscorus, 儒理亞納 Juliana.
- 五日 則撒肋 Cæsarea, 巴爾馬 Palma, 日路撒冷 Jerusalem, 特阿多窩 Theodosius.
- 六日 利西亞 Lycia, 巴達赫 Patara, 米納 Myra, 厄日多 Ægyptus, 如德亞 Judæa, 李習義 Licinius, 公士當定 Constantinus, 義思 Nicea.

INDEX SANCTORUM ET FESTORUM DECEMBRIS II

17	— S. Ado, Episc. et Conf.	103
	— S. Maria de Angelis, Virgo.	104
18	— S. Gaius, Episc. et Conf.	109
	— S. Flavius, Anachoreta.	110
19	— B. Urbanus Quintus, Papa.	114
20	— B. Petrus Canisius, Confessor.	118
21	— S. Thomas, Apostolus.	124
	— B. Conradus de Offida, Confessor.	124
22	— S. Tharsilla et Emiliana, Virgines.	127
	— S. Servulus, Confessor.	128
23	— S. Yvo, Episc. et Conf.	131
	— S. Victoria et Anatolia, Virg. et Mart.	133
24	— S. Gregorius, Martyr.	135
	— S. Irmina, Virgo, Adalais, Vidua.	137
25	— Nativitas Domini Nostri Jesu Christi.	140
26	— S. Stephanus, Protomartyr.	149
27	— S. Joannes, Apostolus et Evangelista.	154
28	— Ss. Innocentes, Martyres.	167
29	— S. Ebrulphus (Evroult), Abbas.	172
30	— S. Columba, Virgo et Martyr.	177
31	— S. Sylvester, Papa.	182

INDEX
SANCTORUM ET FESTORUM
DECEMBRIS.



<i>Die</i>		<i>Pag.</i>
1	— S. Eligius Episc. et Conf.	1
2	— Ss. Flavianus, Bibiana cum Sociis, Mn.	7
	— S. Sigirannus (Cyran), Confessor.	8
3	— S. Franciscus Xaverius, Confessor.	11
4	— S. Petrus Chrysologus, Episc. et doctor.	25
	— S ^a Barbara, Virgo et Martyr.	26
5	— S. Sabbas, Abbas.	30
6	— S. Nicolaus, Episc. et Conf.	37
7	— S. Ambrosius, Episc. et doctor.	41
8	— Immaculata Conceptio B. Mariæ Virg.	53
9	— Ss. Cagnoaldus, Faro, Ep., Fara, Virgo.	60
10	— Translatio almæ Domus Lauretanæ.	66
	— S ^æ Eulalia et Leocadia, Virg. et Mart.	68
11	— S. Damasus, Papa.	72
	— S. Daniel, Stylites	74
12	— S ^a Abra, Virgo.	77
13	— S ^a Lucia, Virgo et Martyr.	82
	— S ^a Odilia, Virgo.	83
14	— S. Spiridion, Episc. et Conf.	88
15	— S ^a Christiana, Virgo.	93
	— Apparitio B. Mariæ Virg. in Guadalupe.	95
16	— S ^a Adelaïs, Regina, Vidua.	98

